

THE HISTORY OF THE CITY OF BOSTON

FROM THE FIRST SETTLEMENT TO THE PRESENT TIME
BY
NATHAN OSGOOD

VOLUME I
FROM THE FIRST SETTLEMENT TO 1780

BOSTON: PUBLISHED BY
J. B. ALLEN, 100 NASSAU ST. N. Y.

1888

MADE IN U. S. A.

Copyright, 1888, by Nathan Osgood.

Printed by J. B. Allen, New York.

Published by J. B. Allen, New York.

100 Nassau St. N. Y.

1888

MADE IN U. S. A.

欽定勦平捻匪方略卷一百三十一 壬戌年

正月初七日

庚寅

勝保奏言 臣疊奉

諭旨飭赴潁州救援 臣自當迅督各軍相機前進惟

臣軍月餉本已不足而由直入豫所過地方率

皆蹂躪之餘車輛刻難齊備現在竭力督催定

於正月初二初四初六初八等日將兵勇分作

四起拔營副將劉景芳遊擊張清宇參將宋憬

詩管帶各隊分爲三起俱由大名徑赴彰德衛
輝剋期渡河臣於初八日親督黑龍江各起馬
隊暨劉效忠降衆作爲四起亦由大名取道內
黃滑濬一帶閒道徑至汴省以期迅速至館陶
濮州一帶爲直東交界之區關繫緊要除前派
總兵伊綿阿帶兵駐濮外臣再添留兵勇協同
防守又派副將徐廷楷管帶兵勇千餘名留防

館陶統俟副都統遮克敦布到後卽與大順廣道王榕吉會合籌商接辦防勦現在河北降衆程順書等馬勇共二千餘名臣已全行帶往至靖安營降衆劉效忠馬勇一千餘名業已遵

旨飭派山東候補道陳顯彝卽日馳往濮州調取點驗令其順道徑赴大名彰德一帶隨同南下各起降衆均由臣設法籌給川資口糧免致沿途

生事現探北竄賊勢甚爲猖獗志在圖犯豫陝
臣軍雖有一萬數千名深恐馳抵潁州之時逆
燄已成燎原治之不易如果潁郡尙能固守待
援自以速解城圍爲要儻竟救補不及卽當先
其所急力扼歸陳以杜髮捻竄越保全豫疆爲
上策此時北面曹郡有僧格林沁之軍南路六
安有李續宜之軍如果情形孔亟當無難共濟

時艱爲臣策應統俟到豫後酌度緩急再行奏聞至苗沛霖是否可撫亦當斟酌辦理其總兵成祿等軍現已渡黃臣疊次催其會同道員洪貞謙迅速前進前因安徽阜陽太和一帶民團急盼大軍之至恐其日久失所依附悉淪爲匪曾先期密派把總陸國鐸前往潁州豫爲聯絡撫綏藉以觀該處民心之向背茲據該弁稟稱潁郡

西北一帶聞風附從者已有百餘圩雖該處與賊比鄰暫時陷溺若能撫用得宜可期洗心革面今既奉

命會勦臣自當和衷共濟以期相得益彰

同日嚴樹森毛永熙奏言查河南爲南北關鍵四通八達無險可扼從前防勦不過宋東一面近則蒙亳捻股愈結愈多金樓踞匪阻我進兵

之道是東面防勦較前益緊加以直東教匪會
匪擾我河朔偪我省郊汝甯正息光固一帶土
匪苗黨勢甚鴟張南北兩路均宜防勦而叛練
苗沛霖尤爲巨患該逆陰險很悍陽欲就撫以
緩我師實則堅固巢穴分布黨與爲步步進擾
之計近聞勾結粵逆陳四眼狗捻首張落刑等
爲其前驅有攻撲潁郡之信潁郡孤城無援勢

難固守豫省陳汝光與潁境處處接壤潁西有警則沈項最爲喫重新息次之而光固又有潘四偪處必將同時並發統計豫省兵力省防宋防汝防三營馬步僅一萬九千餘人以省防一軍爲勁旅昨因汝光告急派總兵穆正春統所部馬步五千人往勦省郊僅留楊飛熊所部襄勝前後中三營暨親兵一千七百餘人旣防東

匪北來又防皖捻東至遇有緊急萬難兼顧現
催副將余際昌新募之昌勝五營楚勇卽日來
豫徑紮省郊以固根本兼備各路策應此外汝
防張曜一軍久爲平輿之賊牽掣且師力已疲
應須抽換簡練以期得力宋防一軍進勦金樓
退防亳捻尙形單薄其周鳳山招募之新鳳六
營如能迅速前來祇可備光固一路防勦之用

自沈項以至新息路路空虛分撥抽調顧此失彼深恐各匪乘隙紛至使我進退失據 臣等早欲聯絡楚皖豫各省合力共濟屢經緘咨官文曾國藩李續宜彭玉麟諸臣商令李續宜親統一軍由光固進紮三河尖與六霍之師兩路並進以救援潁州者規壽州用固東南路門戶先後接准諸臣咨復李續宜以楚南辰沅一帶石

逆餘燼復熾楚防方亟未暇越境圖苗曾國藩
以廬州未復兵力難於分撥彭玉麟所部祇有
水師亦難閒道援潁是江楚皖均未能會師合
勦而苗練乘隙勾結兇燄日張其禍瞬及於豫
西北皆將震動若任其決裂專盼鄰師而不早
謀自立之術勢必貽誤中原 臣等再四籌畫欲
保危疆約有三端一請添將領查有已革總兵

李續燾樸誠勇敢善於將兵又查有候補總兵
陳由立身經百戰驍勇無敵該二員皆屬楚產
其才均能將數千人應請

旨飭下湖廣督臣官文湖南撫臣毛鴻賓調派李續
燾並請

旨飭下兩江督臣曾國藩轉飭綏靖鎮總兵鮑超調
派陳由立前來豫營令各該員在湖南湖北兩

處招募勁勇各三千人卽日成軍北來以資防
勦現計省防宋防汝防三軍及分紮河朔之襄
勝兩營省西保汝一營步勇共一萬八千有零
楚勇十居其七俟新勇募齊前來合之周鳳山
余際昌二軍五千五百人將及三萬之數則兵
力較厚庶歸陳汝光各隘及河朔省防均敷布
置一請添調馬隊蓋列仗鏖戰利用步追奔逐

北利用馬豫營現祇吉林黑龍江馬隊一百二十餘名此外省防驍果驍健驍壯三營及宋防汝防兩處馬勇合計雖有一千餘名均不如馬隊之驍捷善戰合無仰懇

天恩准撥吉林黑龍江馬隊一千名選將統帶馳赴豫營聽候調遣實於軍務有裨一請添撥餉項從前豫省養兵不足二萬人月餉七萬兩業已

時形拮据今欲添兵萬人不得不籌增軍餉奈豫省庫款支絀甚於疇昔秋冬以來屢經賊擾全省州縣被兵被災十居八九地方凋殘向來進項涓滴皆枯臣嚴樹森督同藩司盡心設法而爲炊無米智力俱窮設新軍齊集而餉無以應不出一兩月飢潰立形查鄰近各省秦晉獨爲完區欲保秦晉宜先保豫刻下豫事甚亟獨

力難支應請

飭下山西撫臣英桂陝西撫臣瑛棨每月各撥餉銀

二萬協濟豫營庶餉足養兵賊匪不難痛剿俟

兵將到齊先令於歸陳汝光一帶扼紮一面督

飭諸將將本境土匪迅掃然後酌量情形會合

楚皖各軍東擣捻巢南圖苗逆掃除醜類以靖

中原均奏入

上命議政王軍機大臣傳諭勝保曰嚴樹森等奏苗
沛霖圖擾壽潁窺伺中原爲患最巨等語此次髮
捻各匪窺伺潁州其爲苗沛霖勾結前來固無疑
義而逆線旣已據有壽城根柢深固黨與極多固
無可撫之理勦亦重煩兵力惟應智取以除巨患
除總兵成祿等前駐各軍著卽催令前進將撲潁
各匪實力攻勦外並著勝保速行起程由豫赴潁

或誘令苗沛霖來營令其授首或密購該練心腹
之人許以重賞伺隙圖之但能殲厥大慙則其餘
黨與無難解散苗沛霖之殘暴衆所不容其黨半
皆勉強偏脅該大臣務當密速籌辦勿以遲疑致
爲所窺並不得中其詭計再爲乞恩誠以該練居
心叵測即使目前就撫日後亦必反覆爲中原之
患該大臣矢志公忠諒不至以暫顧目前將就了

事正寄諭聞據勝保奏親督各軍卽日渡河南下
並籌辦布置及飛催成祿等督帶馬步各隊馳援
潁州該大臣接奉前旨剋日啟行實屬奮勉可嘉
一切均照所議辦理已明降諭旨令勝保馳赴皖
豫督辦勦匪事宜矣李續宜調任皖撫後屢經寄
諭該撫帶兵赴皖該大臣務當和衷共濟以期迅
掃賊氛

上又命議政王軍機大臣傳諭嚴樹森鄭元善毛昶
熙曰苗沛霖陰險很悍陽欲就撫以緩我師實則
圖據壽潁以爲根本然後肆擾西北實爲中原巨
患本日已諭勝保速赴潁州密爲籌辦惟蒙亳潁
霍一帶村圩苗逆分布黨與近又勾結粵捻首逆
圖撲潁州潁郡西南北三面均與豫境歸陳汝光
等處毗連光固又有潘四一股偏處是豫境邊防

萬分喫緊勝保刻下督兵赴潁嚴樹森卽日交卸
將赴湖北新任歸陳一帶係毛永熙專責鄭元善
統轄全省責無旁貸鄭元善惟當與毛永熙和衷
商酌派撥精兵分投防剿張曜一軍如平輿得手
應派往何路策應併著妥商布置其疲敝之兵並
著飭令裁汰另挑精壯補足額數毋令苗練有隙
可乘擾及腹地地方爲妥善其蒙亳捻股及汝甯踞

集賢堂 卷之三十一 二
賊正息土匪並直東各匪肆行分擾亦應分兵援
應妥籌兼顧以期次第肅清吉林黑龍江馬隊未
便分撥已諭托明阿調撥西安馬隊一千名赴豫
防勦此項馬隊到時須勤加訓練如一時未能趕
到卽著咨商僧格林沁酌量分撥以資攻勦

上又命議政王軍機大臣傳諭官文曾國藩毛鴻賓
曰據嚴樹森毛鴻熙奏潁郡危急江楚皖未能會

師合剿而苗逆兇燄日張其禍瞬及於豫請添派
將領以保危疆查有已革湖北宜昌鎮總兵李續
燾樸誠勇敢善於將兵候補總兵陳由立身經百
戰驍勇無敵請飭募勇赴豫防剿著官文曾國藩
毛鴻賓卽飭該二員前赴河南軍營並於湖南湖
北兩省各募勁壯勇丁三千人卽日帶赴豫境聽
候鄭元善毛昶熙調遣以資得力

上又命議政王軍機大臣傳諭托明阿曰據嚴樹森
毛昶熙奏捻氛環徧請調兵選將以固中原著托
明阿於西安馬隊內挑選精壯一千名配齊軍裝
器械給發行糧選派得力將弁管帶剋期前赴河
南軍營交鄭元善毛昶熙調遣以資得力

上又命議政王軍機大臣傳諭英桂瑛棨曰據嚴樹
森毛昶熙奏豫省賊氛環徧請添兵集餉以資戰

守著英桂瑛棨每月各協撥餉銀二萬兩解赴豫
省軍營豫省爲山陝屏蔽該撫等務當竭力代籌
按月報解毋得稍分畛域

上諭內閣曰欽差大臣兵部左侍郎勝保現在帶兵
前赴皖豫督辦勦匪事宜著派正白旗漢軍副都
統遮克敦布馳往直東交界會同直隸大順廣道
王榕吉接辦防務

勝保又奏言據署安徽巡撫賈臻函稱本月十九日逆匪大股約一兩萬人分犯郡城我軍迎勦未能得手現在東南兩面賊衆連營十座距城均不過一二里城內糧藥將罄偵知該逆已於城之四隅暗掘地道兵民戰守兩不足恃城垣萬分可危囑催成祿一軍卽日抵潁以資協守臣已飛催成祿等帶馬步隊一千四百餘名

先行馳援並飭前隊劉景芳趕緊渡黃續行赴
援爲成祿等策應惟賊勢過重事機已迫應請
飛

飭李續宜之軍一併就近馳援會合北路兵力以解
重圍奏入

上命議政王軍機大臣傳諭李續宜曰據勝保奏剿
辦潁州各匪必須與該撫南北夾擊一切和衷共

皇朝通志卷之三十一
一四

濟以期相得益彰等語勝保帶兵殺賊勇往直前
惟意氣自矜喜佞惡直約束兵弁不能嚴肅以致
物議沸騰疊經嚴旨訓飭該大臣近亦頗知悔悟
人材難得不能不節取所長潁州情形日緊袁甲
三不能繞道赴援是以令勝保前赴皖省與該撫
會同勦辦李續宜平日以皖事自任忠盡素著諒
能與勝保會商妥辦保全大局毋誤事機斷不可

豫存成見謂勝保非可與共事之人致生齟齬

勝保又奏言 臣軍綠營官兵轉戰經年頗多傷
病疲乏不能不更換新旅以資得力現在皖豫
軍務緊急正需厚集精銳查 臣營原存直隸督
標正定鎮標官兵現以畿輔辦理防勦未便再
行更調補額其陝西漢中鎮標原調二百名現
擬酌調三百名固原提標原調三百名現擬酌

調四百名河州鎮標原調七百名現擬仍調七
百名甘肅甯夏鎮標原調三百名現擬仍調三
百名陝甘督標原調二百名現擬酌調三百名
共合二千名之數均懇

飭下陝甘督撫查照請調之數迅速挑選遴派得力
將弁配齊馬匹軍裝星夜馳赴臣營聽候調遣
俟新調補額官兵到營卽將各該起原存征兵

遣撤歸伍以收實效

勝保又奏言再 臣營黑龍江馬隊自夏閒奏調
西丹五百名又欽奉

諭旨調派八百名由副都統明慶管帶來營助剿惟
該兩起馬隊皆由口外奉調而來跋涉長途不
無疲乏其夏閒先到五百名觸暑進征衝鋒破
敵計到營已逾半載傷亡病故者尤多此時該

起實存不過三百五十餘名尙有傷病兵丁百數十名卽後起馬隊八百名中亦閒有傷病與原額未盡相符自宜酌加挑選分別撤留以期兵歸實用現經臣商令明慶等按名點驗於前調西丹五百名及續調八百名內共挑存精壯兵丁一千名以資調遣其餘傷病官兵一百八十員名已飭原帶之護軍參領文哲琿等管帶

起程俟文哲琿抵京後卽就近回本營當差又
西安馬隊原調八百名現存六百二十二員名
除隨臣當差赴豫外其餘五百二十二員名多
係疲乏現擬分別撤留惟河北防務不可無精
壯馬隊以資控禦應照各省軍營換防補額之
例請

旨飭下托明阿於西安駐防馬隊官兵內挑選精壯

四百名星夜赴大名館陶一帶交遮克敦布王
榕吉等調遣一面由臣飭令原撤官兵歸伍一
面由該將軍催令新調之兵剋日前進俟到營
後再將原調隊伍全數遣撤以期得力奏入

上命議政王軍機大臣傳諭樂斌托明阿瑛榮曰勝
保刻下遵旨前赴潁州剿賊該處軍務緊急亟應
更換新旅以資得力著樂斌瑛榮迅速挑選於陝

西漢中鎮標內揀調三百名固原提標揀調四百
名河州鎮標揀調七百名甘肅甯夏鎮標揀調三
百名陝甘督標揀調三百名共合二千名遴派得
力將弁管帶配齊軍械馬匹星夜起程馳赴勝保
皖豫軍營聽候調遣此項更換補額之兵一經到
營其原調官兵卽可遣撤歸伍河北防務緊要現
已令副都統遮克敦布等前往接辦勝保所留兵

勇爲數尙屬不敷自應添調得力馬隊以壯聲威
著托明防於西安駐防馬隊官兵內挑選精壯四
百名星速起程馳赴大名館陶一帶交遮克敦布
王榕吉等調遣不必等候遣撤官兵到陝始行起
程以期迅速

勝保又奏言據山東撫臣譚廷襄咨稱捻首竄
擾曹縣情形危急經臣派遊擊王天保帶勇一

千二百名協同地方官勦賊獲捷得保縣城等語旋據王天保稟稱曹縣土匪攻破小姚寨十一月十一日該員會同曹縣營汛帶領兵團進攻把總王本道帶隊躍入寨牆斃賊七十餘名將小姚寨賊圩平毀十二月初一日擒首郃鳳五等占踞曹縣城外五里墩賊圩率衆攻撲縣城王天保帶隊迎擊復斃匪百餘名生擒一名

賊衆入圩死拒初五日王天保會同曹縣知縣
靳昱分帶勇練圍攻五里墩賊圩賊由東北逃
竄王天保乘勢入圩共殺賊四百餘名內有賊
目二名初八日探知捻首邵鳳五逃往邵堦堆
地方潛匿王天保等馳往勦捕該逆率領三百
餘人出巢南竄王天保奮勇追襲立將邵鳳五
生擒並擒獲捻首王常三等四名餘匪殲斃殆

盡查該遊擊王天保自八月初開派赴曹縣剿
匪連獲勝仗今復平毀賊圩二座生擒首逆郜
鳳五防剿甚爲得力惟曹縣距臣大營遠隔黃
河解犯恐有疏失已由臣飭王天保將郜鳳五
一犯就近解至僧格林沁大營訊辦以歸簡便
其出力弁勇臣酌覈存記俟續有勞績再行給
予獎勵

嚴樹森毛昶熙又奏言亳捻王懷義等由唐境
分爲兩股一撲楚南棗陽爲楚兵勦敗折回豫
境一竄賒旗店欲擾樊襄經民團遏擊將歸亳
巢臣等飛飭駐防沈項之候補知府李徵松率
所部由陳州一帶探擊旋據探報棗陽回竄股
匪於十一月初二日擾及新野邊境知縣丁嘉
言會同署新野營守備李棟之等督兵迎擊捻

斬數百名賊衆逃竄守備特合圖策馬窮追中
伏被害丁嘉言等帶隊追至賊始敗退仍竄唐
泌等境其竄撲賒旗店一股經南陽縣知縣李
瀛督率寨團晝夜轟擊賊遂折竄泌境會台前
股同竄舞境邊馬擾及裕州襄城臨潁等屬均
經鄉團截殺殆盡賊之大股在舞陽屯聚數日
因各屬防守甚嚴居民避入城寨野無所掠懼

官兵截其歸路遂於十八九等日由圍城商水
西華太康邊境連夜東馳沿途寨團截殺擒斬
無算二十二日賊之前股竄淮甯境內之夏莊
等處李徵松督率兵勇馳往剿擊斃賊數百人
敗匪東竄我軍追至戴集一帶斬馘甚多其後
股竄回亳巢各屬鄉團截殺均有斬擒臣查此
股亳擒竄擾宛南關入楚境經楚兵擊敗回竄

又因各屬鄉團截殺賊無所得而歸惟究未痛
加懲創轉瞬春融難保不再圖西犯臣等仍飭
帶兵將弁及地方文武加意防範並添兵選將
隨時策應

嚴樹森毛永熙又奏言再前以河朔偏近鄰氛
飭派河北鎮總兵牛浩然督帶本標兵丁千名
扼紮滑濬交界巡防彈壓查河北現有襄勝左

集賢堂卷一百三十一
三十一
右兩營駐防衛郡皆係省防勁旅足資堵禦所
有牛浩然本標兵丁在防數月未能得力且懷
郡西鄰潞澤爲晉省屏蔽未免空虛應飭牛浩
然卽回懷慶本鎮其所部兵丁一律撤歸本汛
以慎防守均奏入報

聞

初八日 辛卯 僧格林沁國瑞奏言查直東防務緊

要勝保由豫赴潁已奉

旨派副都統遮克敦布馳赴直東交界會同大順廣
道王榕吉接辦防務直東地面現無大股賊蹤
卽有零星匪徒譚廷襄一軍駐紮東昌足資剿
辦設有外來賊匪撲竄情形尙可撥兵前往會
剿至袁甲三奏捻股竄擾固鎮另股東竄請令
臣等派隊扼剿奉

諭酌撥兵勇兼顧睢宿查睢宿地方雖關緊要尙有
田在田一軍進剿吳棠現已赴淮籌備戰守惟
捻匪股數衆多時思北竄北路之防尤較南路
喫重捻匪現又竄至豐縣正在調撥馬隊前往
迎剿若抽兵兼顧睢宿尤恐顧彼失此况數百
里移師往援亦恐緩不濟急田在田統軍徐宿
防剿捻匪東竄是其專責袁甲三駐兵臨淮南

路可期控制嚴樹森毛永熙等扼守河南以杜
捻匪西竄臣等統軍駐紮北路以固藩籬勝保
復督兵潁上西北兼防惟有請

旨嚴飭各路統兵大員認真防守汛地實力進剿各
路官軍均能逼近賊巢聲勢聯絡互相接應方
克有濟臣等以北路緊要於十二月二十七日
移營單縣據報江南豐縣地方南捻立稜眼卽

蘇金二老淵等復率領馬步二萬餘人竄至金鄉魚臺一帶經臣等飭翼長舒通額等帶領馬隊繞至北面勦辦賊見我軍有備旋復回竄當令營總蘇克金率領馬隊駐紮曹馬集於正月初一日進勦我軍至豐縣迤西魚臺東三十餘里之汴家集地方遇該逆馬步萬餘橫亙七八里列仗迎拒我軍排隊衝殺該逆始猶抗拒繼

見我軍分爲三路奮勇衝壓該逆踉蹌敗退我軍乘勝追剿三十餘里因汴梁集地東村落稠密該逆處處埋伏輪轉抗拒我軍自辰至未轉戰多時共斃賊數千名餘賊向東南遁去次日各起馬隊仍向東南進剿探得該逆連夜向豐沛一帶奔竄意欲回巢我軍因連日追剿疲困撤隊駐紮馬良集稍緩兵力至德楞額會同田

集古錄卷之三十一
三十一
在田呈報克復汴塘查劉平盤踞汴塘經德楞
額會同吳棠圍攻兩月之久復由臣等軍營撥
給礮位正可卽時進剿田在田督軍會攻汴塘
已經半月設若實力攻剿早經克復不致南捨
竄至援應劉平出圩現在蔓延淮東所報克復
殊屬不實不盡德楞額自應請

旨暫行摘去頂戴責令勦辦劉平劉雙印等股以贖

前愆至劉雙印等前經色爾固善富爾蓀李其昌等招撫未久復萌故智滋擾地方是該員等草率於前又不能迅速勦辦於後咎無可辭應請

旨將頭品頂戴協領色爾固善副都統用佐領富爾蓀候補參將李其昌等暫行革職以示懲警仍責令隨同德楞額速將劉平等股勦撫並施以

贖前愆 臣僧格林沁現今德楞額帶領馬步各
隊速回嶧縣先清腹地賊匪 臣等駐紮單縣濟
甯較爲空虛現今西凌阿由曹縣前往濟甯駐
紮以資彈壓

僧格林沁又奏言查自上年八月起滄河南北
各股捻匪如劉添詳劉添幅魏羣李城蘇金卽
立稜眼二老淵胡四趙浩然張洛敏羅麻子等

股竄入東境均經我軍痛加勦洗惟李加膺一
股尙未大受懲創現聞由汴塘東竄南捻魏希
元於上年八月間曾遣人遞稟乞撫並已稟知
吳棠昨又稟稱各股捻匪因巢穴乏食欲於今
正大舉北竄是北路之防尤關緊要查吳棠久
駐徐郡勦撫皖捻機宜均甚熟習相應請

旨飭下吳棠俟將清淮防務辦理妥協仍應迅速回

徐駐紮以便臣與之會商勦撫兼施用固北防
同日譚廷襄奏言查直東自開東至景州東省
自濮范至德州延袤六七百里黃河由西南流
向東北運河由東南流向西北大名東昌兩郡
均在運河之西黃河之北扼守南路以開東濮
范爲要扼守北路以威清臨德爲要而河道多
在山東勢據上游必先守東而後能顧直現蒙

欽派副都統遮克敦布會同大順廣道王榕吉接辦
防務似應駐紮開濮之間該處近接大名防剿
尙易爲力東省濮范雖已設防其風俗人情迥
非大名可比且水套之匪尙未淨盡現在河路
未通之處冰凌與泥淖相閉祇可稍緩再行搜
查濮州迤南水套內尙有郭申令等匪衆潛藏
亦須河路稍通方可設法進剿 臣駐紮東昌嚴

防北路並於郡西南之朝城縣派撥馬步千餘
與濮范兩軍相爲犄角西顧直隸北蔽莘堂情
形現已周密惟自黃河改道後濮范極爲喫重
各該地方額兵無多不敷控制河東羅家河口
爲賊匪出入要地並無專汛必須分別裁改增
添臣欲於羅家河口扼紮一軍南接曹縣北衛
濮范而臣營無可分撥擬與僧格林沁妥商酌

派僧格林沁現已移紮單縣曹郡仍應留兵以
資聯絡北路有東昌一軍自在平至德州均可
無慮西南雖有朝城一軍可蔽莘堂惟冠館邱
縣臨清係久經匪擾之處仍須酌駐一軍以護
直隸南界臣營馬步三千有餘分駐東昌張秋
范縣朝城四處均形單薄前經奏奉

諭旨飭令僧格林沁酌撥馬隊前來臣已函催辦理

現探南捻五旗並出竄至豐縣邊馬已抵魚臺
僧格林沁正值迎剿之時馬隊恐難遽撥 臣惟
就現在應辦防剿事宜先行妥辦

譚廷襄又奏言上年十二月二十六日南捻竄
至朱家灣與汴塘賊匪勾連勢甚猖獗副都統
德楞額攻剿汴塘踞匪正可得手援賊突至經

該副都統擊敗襲破圩牆逆首劉平擁衆向東

北竄走當撥馬步各隊前往追逐惟援賊趙學
顏等股約有三萬餘人又有藍旗劉添詳等續
撲大營已派勇隊抄過河北堵截等情臣查德
額楞係專辦南路防剿大員圍攻汴塘日久未
破復有援賊麇至亟須堵扼北竄之路惟聞該
副都統紮營係在運河以南旣被撲營堵遏恐
不得力現在山湖兩路並無重兵殊屬可慮現

卷之四十一 三十一
三
咨僧格林沁就近派兵前往協助並飭兗州鎮
總兵扎隆武等督兵分路嚴防並飭嶧縣地方
官收放湖水調團扼守仰懇

天恩飭下德楞額認真堵遏毋得任賊北竄以全大
局均奏入

上命議政王軍機大臣傳諭僧格林沁袁甲三文煜
崇厚譚廷襄鄭元善毛昶熙曰據僧格林沁奏迎

勦皖捻並遵籌勦辦竄匪及譚廷襄議覆直東防
勦事宜勝保現已奏報帶兵赴潁畿輔地面現無
大股賊蹤卽有零星匪黨譚廷襄一軍駐紮東昌
足資勦辦僧格林沁仍當隨時查看情形統籌兼
顧以固北路藩籬現在捻逆復竄至豐縣僧格林
沁調撥馬隊前往迎勦斷難抽兵兼顧徐宿惟有
各路統兵大員暨各督撫認真防守汎地合籌進

勦互相聯絡以爲擣穴揜渠之計僧格林沁統軍
北路袁甲三駐兵臨淮控制南路鄭元善毛昶熙
等扼守河南著該大臣等卽各將本汛嚴行備豫
爲通力合作之謀向來各路帶兵將帥往往於無
賊之時並不籌思進勦一遇有警卽以賊衆兵單
請飭應援爲詞自占地步甚爲可惡該大臣等務
以滅賊爲心毋蹈從前惡習如有臨時貽誤係由

何路遷延觀望斷不能倖邀寬宥也副都統德楞額與田在田會攻汴塘擒匪未能遏賊東竄業經降旨暫行摘去頂戴責令勦賊自效譚廷襄奏該員恐不得力等情亦與僧格林沁所奏略同田在田前奏克攻汴塘既有不實不盡何以不卽一併奏參著僧格林沁卽行查明究竟有無諱捏情形據實具奏德楞額如果不能得力亦卽嚴參遮克

敦布到防據譚廷襄奏應駐濮范之間該撫駐紮東昌嚴防北路並於郡西南朝城縣派撥馬步千餘與濮范兩軍犄角其羅家河口應紮一軍均著僧格林沁妥商調撥冠縣館陶邱縣臨清久經匪擾仍應酌駐一軍以護直省南界譚廷襄所部馬隊不敷調度並著僧格林沁量爲酌撥俾資分布上又命議政王軍機大臣傳諭田在田吳棠曰吳棠

移紮清浦前奏加築土圩安營集練各事宜自當
辦理就緒現聞羣捻又將北竄徐州地屬緊要僧
格林沁急欲得人商辦惟清浦距徐郡尙遠著吳
棠酌量如可前往卽將清浦防務料理妥實擇員
接辦與僧格林沁會商勦撫之策如不能前往或
新任徐州道張富年亦可稟商卽著迅速知照僧
格林沁總期無誤事機上年南捻立稜眼等股由

豐縣地方率領馬步二萬餘賊竄至山東金鄉魚臺一帶經僧格林沁飭派各軍迎勦斬獲甚多賊復竄向東南豐沛一路遁走田在田統軍徐宿防勦擒匪東竄是其專責前經奏報攻克汴塘賊巢如果屬實何至南擒分竄接應逆首劉平出圩現復蔓延淮東殊恐所報軍情不實不盡本日業將副都統德楞額暫行摘去頂戴責令帶兵自效以

贖前愆著田在田卽將前奏攻克汴塘實在情形
明白迴奏現在通飭各路統兵將帥合力勦擒各
路官軍互相策應不准遷延貽誤儻仍前玩泄或
粉飾戰功入告賊至卽以兵單賊衆請飭應援爲
詞必當治以應得之罪決不寬宥

上諭內閣曰副都統德楞額會同徐州官軍圍攻汴
塘劉平股捻未能實力攻勦致賊蔓延咎有應得

著暫行摘去頂戴責令勦辦劉平等股賊匪以贖
前愆其逆首劉雙印前經色爾固善等招撫未久
仍復滋擾地方亦屬咎無可辭頭品頂戴協領色
爾固善副都統用佐領富爾蓀候補參將李其昌
均著暫行革職以示懲警並責令隨同德楞額速
將劉平等股賊匪勦辦毋稍玩誤致干重咎

欽定勦平捻匪方略卷一百三十二 壬戌年



正月初九日 壬辰 袁甲三奏言疊奉

諭旨飭查賈臻奏報粵捻情形並廬郡是否克復遵
查張逆於十二月初十前後竄近潁郡官兵疊
次出城迎勦連獲勝仗聞賊已退至潁東數十
里至賈臻所奏狗逆踵至正陽關及續撥粵逆
八萬並無其事其程保民於南召等處屯踞之

說不爲無因查程保民本住潁東之程家圩因該圩被苗沛霖攻破遂投入粵逆臣已囑其族人專信開導招徠能否反正尙未可知現在廬郡未經克復南路防勦喫緊李世忠又在天六一帶連次克城隊伍萬難抽撥是以先經函致道員蔣凝學妥籌援勦據該道函稱賊匪欲出光固並抄六霍後路分我兵力已稟請官文李

續宜籌調馬步迅由光固一帶迎勦並稱張馬
兩逆隊伍不能打仗馬逆前竄至光州七里岡
現又回潁東三十里地方擄糧不敢圍城潁郡
當無他虞所言似屬可信至廬賊竄路旣窮祇
有潁壽尙通一綫自當會商楚師一體防範惟
李續宜來函謂欲清皖北必力爭廬壽俟楚撫
接替有人卽可督師入皖彭玉麟謂未能舍舟

登陸曾國藩亦言彭玉麟不能遽離水師擬令
楚軍知會 臣營先規廬郡方可北剿捻而西平
苗 臣目當隨時商辦賈臻所奏苗沛霖已赴 臣
營乞撫一節並無其事惟據前次派往之署壽
春鎮總兵博崇武及勝保委員方模勳等回營
面稟附近壽州各圩民薙髮漸多似有轉機 臣
已飭令傳諭苗沛霖如能速除潁州之賊自明

心跡再行斟酌辦理奏入

上命議政王軍機大臣傳諭袁甲三李世忠曰據奏探悉潁郡情形並函商楚軍進剿苗練乞撫萬不足恃昨據嚴樹森探奏該逆陰蓄異謀種種情狀殊堪髮指勝保已報啟行赴潁恐其到皖於招撫一節亦無把握李世忠所部此時既難撥往潁郡該大臣業據員道蔣凝學稟請官文李續宜添調

欽定四庫全書
卷一百三十二
三

馬步由光固進勦著卽隨時奉會辦理廬州賊匪
竄路已窮惟有潁壽一綫可通自當速與楚師會
商聯絡力爭廬壽便可西平苗練北勦捻逆潁州
軍情雖賈臻奏報跡涉張皇如該大臣所奏各情
亦係得自傳聞惟當隨時確實偵探妥籌兼顧勿
稍大意

初十日 癸巳 吳棠奏言上年十二月二十三日 臣

自徐州帶隊行抵邳州夜見西南火光探係另
捻出巢竄至徐境聲言北接汴塘棍匪東接桃
源捻匪是夜東南亦有火光探係桃境捻逆敗
竄西趨圖與西來捻股會合臣卽督隊冒雪疾
進二十四日馳抵宿遷派遊擊吳鳳柱帶馬步
三百名馳赴南路與成子河各軍併力追擊先
是該逆屢撲成子河圩隄經臣飛飭副將袁世

功等嚴守並派遊擊楊文全等帶馬隊三百名
馳往截擊二十三日袁世功楊文全等帶領馬
步各隊進剿遇有馬步賊千餘列仗迎拒楊文
全等將賊擊退至泗桃交界之金鎖鎮地方見
有賊圩一座該匪入圩固守桃源縣知縣李振
鬻帶練數千名遊擊張振西亦帶兵練繼至併
力夾攻賊勢不支突圩出竄各軍分投追殺斃

匪甚多將賊牙平毀桃境一律肅清臣復派袁世功等帶領馬步馳赴泗州交界勦賊二十六日各軍追至泗州之界首集地方已無賊蹤探得敗匪竄回泗州迤南地面因界首集一帶盡係湖淤村落空虛人馬無所棲止始行撤隊臣仍飛咨袁甲三撥隊接勦以防該捻盤踞臣因西路另捻出勦有北接汴塘棍匪之信當派遊

擊楊文全抽帶馬隊馳赴汴塘協勦並派遊擊
吳鳳柱帶馬隊扼紮宿遷縣洋河地方縣丞吳
炳庭帶馬隊駐紮桃源以資巡緝查桃源捻蹤
經各軍偪勦回竄皖境刻下清淮情形稍鬆臣
仍飭成子河在防各將弁嚴備戰守不得以匪
蹤暫退致有疏忽臣現駐紮清江巡閱地勢雖
該處築有圩基空曠難守俟春融凍解趕築圩

藉資守衛奏入報

聞

十一日甲午嚴樹森奏言據毛飛熙函稱毫捻劉

二老淵等有裝旗聚眾分三路出竄之信宋防
情形喫重現在僧格林沁前敵馬隊已抵單宋
之交北路業經有備恐該匪乘虛西竄囑卽設
備查省防兵勇合計八千有零如穆正春統所

部而南則留省者僅楊飛熊所部襄勝五營而
左右兩營前經派防河北暫難撤回是實存僅
襄勝中前後三營設有警信將無所恃臣之初
計實因亳捻尙無出巢之信欲乘暇先清腹患
今亳捻又動若仍專顧南圍盡銳而行設亳捻
乘虛而西楊飛熊存兵不滿二千戰守均難自
立爾時穆正春一軍旣已南進必不能兼顧省

防且恐汝光各匪乘閒抄襲必至進退失據臣
思南路土匪皆係烏合之衆未敢遠出毫捨則
一歲數竄已成熟徑一經深入全省皆爲震動
自應仍將剛銳等營馬步留駐省防以備東捨
副將余際昌招募楚勇現已成軍周鳳山招募
湘勇卽日亦可齊備已催提該副將等迅卽整
隊北來取道信陽疏通驛路以便將正羅確信

一帶土匪節節掃蕩

嚴樹森又奏言 臣自上年奉

命督辦河南軍務以來以豫省兵將兩缺節經奏調
總兵穆正春副將楊飛熊先後來豫招募楚勇
十五營令該總兵等各統一軍隨時訓練已成
勁旅屢次出仗均稱得力嗣因豫省兵力尙嫌
單薄續派副將周鳳山招募湘勇新鳳六營余

際昌招募楚勇昌勝五營已據該副將等稟稱
所募各勇不日即可成軍茲復催該副將等迅
速整隊來豫俾資分布惟楚省亦在用兵之際
李續宜現在奉

旨帶兵馳赴皖撫新任其所部得力將弁亦必概行
隨同前往臣隻身赴楚俟到任後再行物色將
才既恐緩不濟急且新集之將性情不習亦恐

未能得力查總兵穆正春與臣共事最久其所部遊擊李世玉都司王國良周兆常三員皆堪任使臣現飭該總兵等四員隨帶親軍小隊五百人馬隊五十騎隨臣前往湖北卽飭該總兵就近招募鄂勇簡練成軍以備調遣並令卽日啟程赴楚迅速辦理其穆正春所部剛銳十營五千四百餘人並駐紮沈項之慶凱營駐守虎

牢關之保洛營共一千人均令副將楊飛熊統帶其楊飛熊所部襄勝五營二千七百餘人派參將楊長春統帶並驍果驍健驍壯奇勝四營馬隊馬勇五百數十人以上馬步各營全行移交新任撫臣鄭元善調度余際昌所招楚勇五營周鳳山所招湘勇六營臣抵楚後仍當飛催該副將等卽日成軍來豫藉資防剿

同日毛滂熙奏言查河南現在情形髮捻苗逆
偏處東陲南北各路土匪方熾非統籌全局不
足以資控馭竊以歸陳二郡相去尙有二百餘
里宋營兵力萬難兼顧宜令穆正春統帶所部
五千人進紮陳州其原紮項城都司王永慶一
營五百人亦歸該將節制與皖省潁州互爲聲
援再由臣會商撫臣鄭元善酌派得力文職大

員會同辦理至汝甯光州糜爛已極張曜一軍
力量太單應責成新任巡撫鄭元善添募勁旅
親統前往蓋撫臣久官汝光一帶百姓愛戴必
能號召鄉團以資捍禦至省城爲根本重地防
務萬不可疏宜令楊飛熊統帶所部二千五百
人駐紮專司防守如河北有警卽由東河河道
總督黃贊湯就近調撥馳往救援並請

旨飭下內閣侍讀學士段晴川會同河北道周煦徵
妥籌河北三府團練以壯聲勢至毫捻巨患 臣
獨當之仍請

旨飭下科爾沁親王僧格林沁派撥兵勇節節進剿
臣當督飭將弁會擣賊巢以清巨患至一切籌
兵籌餉應如何酌量變通之處容 臣會商撫 臣
鄭元善陸續奏

聞

毛永熙又奏言再河南軍務自嚴樹森接辦後將現有兵勇裁去一萬餘人所贖額餉派令所調楚將穆正春楊飛熊余際昌周鳳山四人先後赴楚招勇現在穆正春楊飛熊二員業將所部招齊共八千餘人駐紮省城操練臣查該員等皆久經行陣熟諳戎機今嚴樹森奉

命調任湖北恐不肯將此軍留於河南若任其帶往
楚北則是豫省之兵舊者已散新者又去倉卒
招勇萬難得力應請

旨飭下嚴樹森將穆正春楊飛熊二員並所部營員
勇丁移交新任巡撫鄭元善及臣調遣以資攻
勦余際昌募勇已齊卽可到豫聞其人頗爲可
用可否請

旨一併催令來豫歸鄭元善及臣酌量調遣至周鳳
山一員臣詳細採訪皆言獷悍難制所至之區
騷擾百姓湖南撫臣毛鴻賓於上年十二月間
函商嚴樹森言其不可帶兵嚴樹森自謂可以
駕馭不肯聽從今嚴樹森既不在豫則臣等未
能熟諳周鳳山性情恐難控制得宜應請

旨飭下湖南撫臣毛鴻賓速令該員無庸來豫所募

勇丁亦責成趕緊妥爲遣散庶不致有損無益
毛昶熙又奏言再查軍營向來章程凡幫辦之
員一切應行入奏事件均須咨明督辦之員請
其主稿會銜具奏臣與新任巡撫鄭元善同辦
團練共事一年均無意見不合之處但豫省軍
務頭緒太多恐須分投督率而賊情倏忽萬變
公牘往來稽延時日誠恐有誤事機嗣後除照

例應奏事件仍咨送會奏外如遇事關緊急不及咨商者可否仰懇

天恩准 臣單銜具摺以免遲延於軍務大有裨益均
奏入

上命議政士軍機大臣傳諭嚴樹森鄭元善毛昶熙
曰據嚴樹森奏亳捻劉二老淵等復有裝旗聚眾
分路出竄之信宋防情形喫重僧格林沁前敵馬

隊已抵單宋之交恐該匪乘虛西竄等語臺捻屢
經出擾宜防伺隙西竄省垣急須厚集兵力以備
不虞穆正春在豫正資得力嚴樹森所請飭令隨
往湖北之處殊於豫省軍務非宜穆正春如已啟
程著卽飭令折回河南仍率所部交鄭元善調遣
其遊擊李世玉都司王國良周兆常三員及所帶
馬步親兵均著一併折回嚴樹森赴鄂需員現在

周鳳山所招湘勇成軍正當由鄂北行著卽毋庸
赴豫留於湖北交嚴樹森調遣鄭元善接任豫撫
務將嚴樹森布置一切妥爲辦理豫省軍情該撫
責無旁貸不得以勝保帶兵由豫赴潁藉詞推諉
並著催提余際昌新募楚勇迅速整隊赴豫取道
信陽疏通驛路將正羅確信一帶土匪會合張曜
所部兵勇節節掃蕩又據毛昶熙奏籌畫歸陳軍

務懇請單銜奏事所稱歸陳勢難兼顧應令穆正
春統帶所部進紮陳州並令鄭元善添募勁旅親
統前往汝光勦匪等語恐於省防不甚相宜殊非
強幹弱枝之義省防留駐之兵若僅楊飛熊一軍
二千餘人一經賊氛竄逼又恐戰守俱困致賊肆
其竄擾著毛昶熙會同鄭元善悉心妥籌毋致顧
彼失此毫捻爲患甚巨毛昶熙自請獨當其任諒

非徒託空言北路藩籬尤關緊要僧格林沁兵力
亦非甚厚恐其未能多撥仍著該學士就所部各
軍嚴密堵剿毋令蔓延並督飭項城所駐都司王
永慶等營實力守禦河北團練卽應由該學士知
照段晴川會同該地方官妥爲整理軍情緊要如
有會商不及之處毛昶熙著准其單銜奏報以免
遲延

同日賈臻奏言潁郡被圍爲日已久不特袁甲
三李世忠李續宜等未聞有撥兵援剿之期卽
勝保所派總兵成祿一軍亦無入皖確耗而環
城賊營日偪日近該逆恃其人衆更番攻撲四
關之兵不敷戰守糧臺存餉早已告罄火藥鉛
丸等項存儲無多而今日之賊髮捻悍練合而
爲一人數十倍於我附近民圩助寇兵而齎盜

糧者相望於道若遲之又久音耗杳然衆心自
危內變將起合無仰懇

皇上天恩俯念郡城至危將士苦守再行

飭下勝保兼程南來先催其前隊總兵成祿黃得魁
等帶兵速由太和抵潁聞僧格林沁前軍已抵
歸德西凌阿亦抵睢甯距潁甚近並請

飭下僧格林沁派兵就近援剿而以大隊徑由蒙亳

進搆捻巢以速其回顧袁甲三李世忠李續宜
等亦分由臨淮六安兩處派隊馳援毋以道梗
餉乏爲詞庶幾重圍可解臣仍就現有兵練竭
力固守

同日田在田奏言汴塘踞匪勾結南捻北竄圍
撲大營賊圩雖破而餘匪四散奔逃均歸併南
捻股內負隅相抗後股藍旗續至另股又由蒙

村礪山一帶北趨郡城同時喫重臣因商同德
楞額飭帶所部勇隊先回嶧縣訓練防堵並咨
山東撫臣通飭防禦十二月二十八日臣親率
馬步隊赴東路土山等處察看大股照舊盤踞
其前隊已至運河當令侍衛哈勒洪阿都統色
爾固善遊擊姚廣武等各帶精兵往擊斬馘七
八十名臣亦親帶大隊接應追剿三十餘里斃

賊一百餘名次日復帶隊往勦復斃賊百餘名
餘衆泗水潰遁後股捻逆及前踞汴塘之劉平
等匪仍在萬年牖以南距營較遠臣一面令汴
塘練總杜均平安插難民卽將該圩平毀另築
小圩以資防守一面飭都司陳繼寬協同各營
駐紮朱家灣搜捕餘匪飭參將閃鳳來等統帶
馬兵隨同德楞額全部馬隊馳赴運河以北乘

該匪半渡爲聚竄之計 臣於三十日回徐布置
城守事宜兼顧東西各路據報東竄擒匪經遊
擊楊文全等會同清淮官兵迎剿該逆屢挫由
泗境一帶回竄並據總兵胡元昌等於宿州東
北一路督率民團節次堵剿賊遂繞東路回巢
餘匪仍在宿城附近及蒙村等處往來滋擾西
路竄賊已至豐縣趨撲城垣因 臣帶隊回徐賊

卽聞風北去參將閃鳳來等隨同德楞額等馳
至臺莊正月初二日出隊賊向東北紛竄閃鳳
來與色爾固善等分兩翼列仗德楞額大隊在
後策應賊始敗潰兵勇由新安莊至丁廟甲追
逐四十餘里賊屍徧野殲賊約三千名劉平之
妻鄭氏及其子女二口並逆首劉兆燦擒首趙
鳳堂趙狗等均被擒殺探悉劉平帶傷梟水逃

至淵頭集圩初三日德楞額等過河直逼該圩
因賊聞風出竄截殺多名餘匪竄入穆家圩負
險死守我軍跟蹤圍住色爾固善等馬步齊攻
兵勇躍入圩牆劉平率黨來拒經兵勇攢刺倒
地擒送德楞額前訊明就地凌遲梟示黨與三
四百名悉就擒馘逸匪百餘亦經哈勒洪阿等
全數殲除徐境東北一帶一律肅清次日德楞

額卽帶所部折回東境追剿前股竄匪因徐郡
東西北三面喫重商將臣營馬隊撤回臣仍飭
就東北一路巡哨並派知府汪堯辰等會同巡
緝竄匪以淨根株此次劉平伏誅其家屬腹黨
無一漏網所有尤爲出力人員先行開列懇請
恩獎其餘在事出力員弁兵勇可否彙案保奏之處

出自

聖主鴻慈均奏入

上命議政王軍機大臣傳諭僧格林沁曰潁州賊衆
兵單被圍甚急據賈臻奏稱該大臣若徑趨蒙亳
則圍城捻匪必將回顧老巢潁州之圍自無難立
解惟前據僧格林沁奏因劉雙印復萌故智該大
臣駐紮單縣已令西凌阿由曹縣前往濟甯駐紮
賈臻所奏西凌阿前隊已抵睢州甯陵之語是否

確實又嚴樹森奏稱該大臣前隊已抵單宋之交
並據毛永熙奏毫捻現在出巢請飭僧格林沁派
撥兵勇節節進剿該大臣現在防剿北路正當喫
緊之際能否撥兵前往潁州援剿及徑趨蒙亳之
處卽著相度機宜妥爲籌畫前據該大臣奏德楞
額會同田在田呈報克復汴塘不實不盡已降旨
將該副都統暫行摘去頂戴仍責令勦辦劉平等

股以贖前愆茲據田在田奏匪首劉平已於本月
初三日就擒正法並著僧格林沁一併查明據實
具奏

上又命議政王軍機大臣傳諭勝保李續宜賈臻曰
據賈臻奏逆匪圍攻潁郡兵力甚疲急盼各路援
師等語潁郡爲淮西要區現在被圍日久情形甚
屬危迫勝保前統所部於初八日啟程兵衆不下

萬餘著卽督率所部迅速前赴潁州力解城圍斷
不可稍有逗留致滋貽誤李續宜調任皖撫諒已
啟程除蔣凝學多隆阿入皖各軍由該撫分別迅
商進攻外如有可撥之兵卽派得力將弁統帶赴
潁壽一帶與勝保和衷商辦仍由該撫酌量調度
以期悉協機宜勝保亦當虛心商酌不可以統帥
自居稍涉驕矜致失士心勝保未到以前賈臻卽

就現有兵勇竭力固守不許稍涉鬆懈

上又命議政王軍機大臣傳諭田在田曰東竄捻匪雖經遊擊楊文全等截剿回巢惟餘匪仍在徐城附近及蒙村等處往來滋擾西路竄賊已至豐縣徐郡東西北三面喫重著田在田督飭各營將弁會同知府汪堯辰等乘此聲威將敗逃餘匪節節搜剿並將宿城附近各圩迅速掃蕩毋留餘孽

上諭內閣曰匪首劉平經兵勇擒獲正法黨與亦悉
數殲除徐境東北一律肅清勦辦尙屬認真所有
尤爲出力之參將閔鳳來著賞給威勇巴圖魯名
號遊擊姚廣武著以參將補用徐州夏鎮汛守備
王靖保著賞加參將銜都司李信先著賞加遊擊
銜守備解鳳廷著賞加都司銜其餘在事出力員
弁兵勇著田在田等彙案保奏毋許冒濫

十四日酉丁嚴樹森奏言聯捷奉

旨撤回防河事宜

飭段晴川接辦現據段晴川函稱前項防河兵勇係
聯捷由大名府帶來類皆游手好閒不明紀律
段晴川雖係幫辦向未統率將與兵不習不惟
難資得力且恐別滋事端誠如

訓諭事勢有所未宜且該員親母年已八十有五常

年患病該員無兄無弟母子相依未能遠離實
難接辦防務應請將前項兵勇全數裁撤河朔
防務統歸豫省軍營相機籌辦等語臣查河朔
偏近鄰氛賊蹤屢經深入而前此防軍未聞一
戰是其不能得力早在

聖明洞鑒之中臣稔知此項兵勇皆係直境游民湊
集充數若再易人統率將與兵既不相習兵與

民復不相安不但於防務無益且恐與地方有
損段晴川於聯捷營務知之甚悉所稱事勢未
宜自係實在情形且該員以母老多病未忍遠
離懇辭防務閱其來函情詞懇摯若令勉強接
辦殊非我

皇上以孝治天下之心臣復與新任撫臣鄭元善面
商意見相同自應將前項兵勇悉數裁撤其積

欠口糧等項卽於河北捐輸項下設法籌給已由臣札飭河北道周煦徵會同段晴川妥爲辦理分起遣散並飛飭沿途各州縣彈壓出境毋令滋生事端此時河北雖無匪蹤而直東伏莽未除設有警報當由省防抽撥勁旅竭力防剿段晴川籍隸河北鄉望素孚當能號召鄉團聯絡官軍協同守禦其有尙須辦理團練之處仍

責成段晴川會同各地方官審度時勢因地制
宜期於有利無弊以資保衛奏入

上命議政王軍機大臣傳諭鄭元善曰聯捷由大名
帶赴豫省防河兵勇旣據嚴樹森聲稱不能得力
卽著鄭元善派員帶赴遮克敦布王榕吉軍營交
該副都統等酌量去留免致別滋事端段晴川旣
因母病未能遠離所有防河事務毋庸令其勉強

集三書圖之四卷二下三十二
三五

接辦河北如有警報該員仍當號召鄉團協助官
軍守禦鄭元善身任豫撫防河事務是其專責據
嚴樹森聲稱裁撤防河勇丁一事與鄭元善面商
意見相同業經准其裁撤此後沿河有警卽著鄭
元善由省派兵迅速防河毋令匪蹤搶渡致河北
地方復遭蹂躪並須先事布置方爲妥善

上又命議政王軍機大臣傳諭遮克敦布王榕吉日

前因聯捷辦理河防未能得力將其撤回所帶兵
勇恐一時難以遽撤交段晴川接辦防務茲據嚴
樹森奏聯捷由大名府所帶兵勇類皆游手好閒
毫無軍律若易人統率實於事勢未宜且段晴川
以母老多病懇辭防務自未便令其勉強接辦本
日已諭令鄭元善將此項兵勇派員帶交遮克敦
布王榕吉軍營著遮克敦布王榕吉於此項兵勇

到營後再行察看分別去留去者善爲遣散勿令聚而爲匪留者加以訓練俾成勁旅如河北有警會同河南官軍合力防剿以期餉不虛糜兵歸實用

同日朱潮奏言查捻匪肆擾山東逼近畿輔秦晉最爲完善設遭蹂躪關繫匪輕聞山西撫臣

英桂陝西撫臣瑛榮曾先後爲河南巡撫才具

平庸勦辦捻匪毫無成效該兩員無功可錄
國家當承平之日使之循分供職或可期其無過
至用兵實非所長威望旣損不能遷地卽良時
事孔艱豈容再三貽誤設仍如在河南任時一
籌莫展卽治以失律之罪該兩員固無足惜如
國事何我

皇上知人善任如得忠誠可倚兼有才望之大員爲

單行本之明卷二百三十一
三十一
該兩省巡撫屹作干城庶可紓

九重西顧之憂而消逆捻覬覦之患奏入

上命議政王軍機大臣傳諭英桂瑛瑩曰御史朱潮
奏捻匪窺伺山陝山西巡撫英桂陝西巡撫瑛瑩
先後曾任河南巡撫勦辦捻匪毫無成效深恐威
望旣損再三貽誤原奏各情良非過慮惟該撫等

受

皇考知遇之恩簡任封疆有年朕亦豈肯遽予罷斥英
桂瑛槩惟當振刷精神力圖報稱於各該省防堵
事宜實心講求遴選員弁分赴各要隘認真防守
毋令匪徒闖入方爲不負委任陝西兵尙可用訓
練不容稍緩山西兵素不得力英桂惟當簡練整
頓力求自強豈可苟安姑待儻陽奉陰違或委用
非人視防堵爲奉行故事一經逆氛擾及毫無布

置任賊縱橫旁竄朕惟知執法從事非僅予罷斥
所能了事也

十五日戊戌吳棠奏言上年十二月閒黑旗擒首

李城趙克元任得秀任弗得等紅旗擒首李廣
化孫亮藍旗擒首劉添幅劉添詳等大股匪徒
三萬有餘竄撲汴塘各營經副都統德楞額總
兵田在田督隊迎勦將汴塘賊圩攻克逆擒遂

自汴塘迤東併股北竄旋據探報該捻自嶧縣
頓莊牘竄渡運河由鄒城縣境於正月初四初
五等日竄至邳宿交界之紅花埠劉馬莊並至
汴陽之馬蹏莊等處臣由徐啟程隨帶各隊共
二千餘名當因汴塘未下將龔燾倫張祖雲姚
廣武張從龍滕國棟王靖保等魯隊均留汴塘
剿匪臣祇帶遊擊吳鳳柱都司邱尊謙等馬步

七百餘名赴任旋因桃境捻股擊退又派楊文
全帶馬隊一百七十餘名赴田在田軍營隨剿
清淮防兵共僅數千分布各路尤形單弱惟該
捻繞道東趨設竟竄擾阜甯鹽城完善之區大
局亟難收拾臣當飛派署副將袁世功帶馬隊
百名吳鳳柱帶馬隊百名由清江赴沐又派遊
擊張振西知縣吳炳輝帶馬隊二百名由宿遷

赴汴迎勦初八日袁世功等帶隊至錢家集北
五六里地方突遇馬賊五六百名向東竄擾袁
世功自東北面迎擊吳鳳柱自西北面抄擊陣
斃悍賊二十餘名該逆敗退追殺十餘里沿途
斃賊二百餘名訊據擒賊供稱此次出竄黑旗
捻逆共二萬有餘紅旗捻逆七八千餘藍旗捻
逆萬餘現欲東竄阜甯鹽城攜糧當將擒賊任

芮等正法袁世功等仍扼紮錢家集地方大股
捻蹤仍在沐境盤踞臣又飛調參將朱光庭步
隊千名並派遊擊吉慶步隊三百名都司邱尊
謙縣丞吳炳麒吳炳庭馬步共六百名並飭張
振西吳炳輝星夜馳赴錢家集與袁世功等合
隊堵截一面飛咨田在田迅飭龔耀倫赴任並
飛檄張祖雲姚廣武張從龍滕國棟王靖保等

剋日帶隊前來會勦至錢家集地方去清江僅
九十餘里清江圩工周圍十餘里尙未築成防
守刻難稍懈 臣逐日查勘暫就河南北舊有圩
基連夜補砌挑築惟各營皆已出勦守圩需隊
甚多 臣又調總兵安勇步隊五百名漕標遊擊
慶連步隊二百名馳赴清江並飭隨辦團練之
直隸州知州李汝鈞清河縣知縣萬青選調集

練丁嚴密扼守

吳棠又奏言 臣查捻逆疊竄東境屢經親王僧
格林沁痛剿敗回昨准該親王來函已督師追
賊至單縣地方此時捻逆懾於軍威不敢北犯
惟清淮防兵單薄是以乘閒東趨深恐此堵彼
竄且該親王大兵已至單境距徐屬碭山不過
百餘里乘勝南征即可直擣宿永賊巢設捻股

乘虛由汴陽北竄山東該親王恐轉爲賊牽掣不能南下該逆反得負嵎自固惟有籲懇

天恩飭下親王僧格林沁迅撥馬隊二三千名兼程馳赴汴陽追剿庶該捻急於回顧不敢東竄並不致乘隙北犯實於南北大局均有裨益奏入

上命議政王軍機大臣傳諭僧格林沁田在田吳棠曰捻首李城等糾合各股匪徒由汴塘進東併股

北竄自嶧縣頓莊牯槍渡運河旋由紅花埠劉馬
莊竄至沐陽之馬蹏莊等處經吳棠調派副將袁
世功等督帶馬隊前往沐陽迎剿獲勝現在大股
捻蹤仍在沐陽盤踞阜甯鹽城一帶尙屬完善亟
須厚集兵力痛加剿洗以裕江北餉源僧格林沁
所部各軍聲威素著該匪聞風震懾現已督師追
賊至單縣地方該處距徐屬碭山僅百餘里著卽

酌量迅派馬隊二三千名兼程前赴沭陽會同吳
棠派出之袁世功等兵勇合力兜剿俾該逆急於
回顧不敢東竄並不致乘隙北犯則剿辦自易得
手清淮兵力較單現據吳棠咨催龔耀倫赴任並
檄調張祖雲等帶隊來援著田在田卽飭各該員
剋日起程迅赴沭陽會勦毋稍遲誤清江防守事
宜吳棠業經趕築圩牆並調集兵練協同扼守仍

著嚴密防範不可稍涉大意

欽定勦平捻匪方略卷一百三十三 壬戌年

正月十六日己亥袁甲三奏言疊奉

諭旨責臣駐軍淮甸未能分兵遠征苗黨攻撲潁郡

又未能豫籌防範臣查臨淮爲南北衝要捻粵

交乘臣營兵勇兩萬除水師礮船三千餘人分

布淮澮兩河外陸路兵勇約計一萬六千餘人

駐紮鳳陽府縣兩城一千餘人定遠一千五百

人泗州二千人固鎮一千八百人王莊九百人
長淮衛三千七百餘人臨淮南北兩岸五千人
南路進規廬郡北路堵剿捻匪均須由臨淮抽
分上游苗練叵測前探有竄臨淮清江之說豫
勝營所留數千人分駐沫河口蚌埠與長淮衛
互作聲援均以備苗下竄且淮南北圩練以長
淮衛爲咽喉經編修袁保恆極力整飭其不從

苗之九十餘圩人心甫定仍須鎮撫牢籠方可
操縱在我此兵勇抽撥甚難之原委也至潁郡
距臨淮正站五百四十里而懷遠以上均爲苗
練阻隔南路須繞由六安中隔廬逆北路須繞
由歸德面面皆賊是以聲息未能相通廬郡雙
墩集賊股經遊擊吳永璧等於上年十二月間
督練截勦此股賊由六安北境向西北遁去該

處西通光固西北可繞赴潁州究竟竄往何處
尙無確信李世忠在江皖交界一帶勦辦正當
得手斷難分兵前往袁保恆力扼上游並兼顧
定遠各圩練亦難抽撥 臣前接官文來咨擬將
河州鎮總兵吉順一軍二千餘人飭赴潁州防
勦旋爲道員蔣凝學稟留仍駐紮六安城外 臣
已函商李續宜或令吉順管帶所部赴援潁州

或抽撥楚軍援潁而以吉順之兵防守六安由
該撫就近斟酌辦理奏入

上命議政王軍機大臣傳諭袁甲三李續宜曰袁甲
三奏覆陳布置各路防勦情形潁郡情形危緊李
續宜身任皖撫責無旁貸總兵吉順兵勇二千餘
人現駐六安或卽令其率領所部援潁或另行抽
撥楚軍赴潁而以吉順之兵防守六安卽著李續

宜迅速酌辦

同日河南巡撫鄭元善奏言廬州敗匪程保民等各率逆黨約會張落刑等捻股圍攻潁郡情形岌岌並聞北路捻匪欲赴沙河南岸與各逆勾結竄擾潁州爲豫省東路屏蔽接壤陳州此時潁州早成坐困陳郡又無重兵誠恐各匪乘虛西竄經臣面商調任撫臣嚴樹森卽於省防

各營抽撥馬步兵勇派副將楊飛熊統帶馳赴
沈項交界之槐店集扼要駐紮並將扼防沈項
各營勇隊一併交該副將統帶其王永慶李永
祿兩軍亦歸調遣與潁西各堡寨聯絡聲勢互
相策應相機堵剿力扼西竄之路兼爲潁郡聲
援陳郡有此一軍可無空虛之慮惟臺捻西竄
早成熟徑且金樓逆寨未克亦足牽掣我軍現

經臣會商毛滂熙督飭前敵各營乘此春和設
法進兵迅圖克復毛滂熙駐宋最久於東路形
勢瞭如指掌宋郡團練於通省中最爲得力亦
能悉聽指揮足以助兵力之不足宋郡一路暫
可無虞汝甯一軍近亦時有捷報藩司張曜帶
兵素稱得力現仍責令統帶汝防兵勇激勵將
士進攻平輿一面札飭副將余際昌一軍先行

來豫將信羅正息一帶土匪節節掃蕩先清腹
患然後進紮光固以防苗逆至河朔爲通省完
善之區餉源所出最關緊要現飭駐衛輝之襄
勝左右兩營仍紮該郡萬一匪勢復向西趨卽
馳往會合堵擊 臣擬將省防應辦事宜料理就
緒卽當親率兵勇出省於陳汝一帶酌度情形
相機策應仍與毛昶熙悉心籌商選將派兵會

三三三
三
合皖楚各軍實力進剿奏入

上命議政王軍機大臣傳諭鄭元善曰潁郡被圍甚緊屢諭勝保李續宜等督兵赴援勝保到潁尙需時日李續宜雖經調任皖撫亦恐難卽日到任深恐城圍已合不及救援萬一潁郡有失則陳郡各屬防堵更難措手著鄭元善體察情形如沈項尙不十分喫緊卽飛飭楊飛熊督率各軍前赴潁州

攻勦力解城圍以勦爲防較之株守一隅功效奚
啻倍蓰該撫務當不分畛域相機籌辦

鄭元善又奏言據藩司張曜等稟報平輿逆黨
於上年十二月十四五等日糾合各股竄撲前
敵各營經兵勇奮力擊退嗣據逃出難民王四
喜供稱陳大濬令各路捻首及被脅村莊並糾
約張鳳林等股匪同時裝旗出竄又聞陳逆分

派賊黨欲於二十七日先撲郭樓韓嶺等處營壘乘閒進撲汝郡城關現在趕造雲梯欲扮兵勇混入郡城作爲內應當卽密令各營晝夜嚴備二十七日果有賊馬陸續竄出我軍截斬數十名二十八日郡東十八里廟數處火起賊衆分路駛突復經我軍擊退該匪馬步數千復於二十九日夜閒偷襲郭樓營守營兵勇施放槍

礮環擊馬隊齊出夾攻斃賊百餘名賊卽回遁
偵知匪衆欲於元旦乘我不備徑撲郡城當派
庶吉士吳元炳督率馬步各隊進攻平輿賊巢
遊擊周明崑等隨後策應爲先發制人之計是
夕四更我軍行至平輿迤西突遇賊衆銜枚捲
地而來吳元炳親督馬隊衝擊所向披靡陣斬
黃衣賊首一名匪勢不支立卽驚潰我軍追逐

十餘里斬首數百級擒首賈朝玉已被擒殺並
將張莊柳莊賊卡全行平毀臣仍飭該藩司督
飭將弁乘此聲威將平輿賊寨迅圖攻克奏入
報

聞

十九日壬寅吳棠奏言臣於正月初八日派隊赴

錢家集剿匪獲勝當飭袁世功吳鳳柱帶隊追

勦十一日及賊於沭陽西北廟頭地方遊擊張振西等各帶馬隊合兵進勦該逆馬賊約七八百名步賊五千餘名列仗抗拒我軍馬隊分三路齊進鏖戰兩時陣斃賊匪五千餘名張振西等從旁衝入各軍繼進馬賊先遁步賊隨潰我軍乘勝追殺斃匪五百餘名十二日後股捻匪二萬餘名自高流等處竄至蔣家圩與前匪合

集聖圖卷之三十三
股袁世功等卽赴蔣家圩會合朱光庭等步隊
奮力衝擊該逆猝不及防當被擊退袁世功等
奮勇追勦斃賊七八百名逐北二十餘里該逆
復糾衆來撲並有另股捻匪繞向東南奔竄意
圖抄出官軍之後襲擾清淮臣查先後竄來捻
股約計五萬有餘惟有朱光庭等步隊一千六
百餘名袁世功等馬隊五百餘名派出截勦該

逆乘虛擾竄則官軍爲賊所隔清淮一帶又恐
被賊蹂躪當調朱光庭袁世功等帶隊扼紮錢
家集六塘河一帶南顧清淮裏下河門戶並留
千總朱永林帶隊二百名在沐陽守城並飭清
河安東一帶團練扼守六塘河要隘適團練大
臣晏端書已到淮安星夜來浦督練助守惟清
淮防兵單薄雖屢次獲勝而前股捻逆尙未盡

職後股又復續至賊燄猖熾若不添兵助剿深
恐滋蔓難圖現准田在田函稱張祖雲姚廣武
兩隊暫留徐宿軍營已飭龔耀倫張從龍王靖
保陳振邦滕國棟等隊於十二日起程查龔耀
倫等所部兵勇不過八百餘名殊覺單薄此時
逆捻因畏僧格林沁軍威不敢北犯故全股東
竄覬覦清淮裏下河一帶完善地方臣現在力

扼東南竄路而東北海州安東阜甯各路防不
勝防惟有顛懇

天恩飭下親王僧格林沁自馬良集撥隊東援並請
飭下德楞額自臺莊帶隊馳赴沭陽會合臣軍併力
攻勦奏入

上命議政王軍機大臣傳諭僧格林沁都興阿田在
田吳棠曰據吳棠奏清淮防兵單薄前股捻逆尙

未盡殲後股又復續至若不添兵助剿必致滋蔓
難圖著僧格林沁仍遵前旨迅卽酌撥馬隊二三千
名馳赴沭陽會同吳棠所部各軍合力剿洗並
飭德楞額由臺莊帶隊前往援剿毋稍遲誤龔耀
倫等自徐帶來兵勇不過八百餘名仍恐不敷分
剿著田在田察看徐宿軍情如現在不甚喫緊卽
添派張祖雲姚廣武兩隊前來策應裏下河等處

完善之區爲江北餉需所自出該匪垂涎已久亟
應竭力捍禦著都興阿就近調派勁旅前赴阜甯
一帶迎頭截擊以遏賊氛

同日賈臻奏言潁郡被困將及三旬正月初二
日臣密飭遊擊范文英挑帶奮勇乘夜往劫西
面賊營斬賊數十名次夜遊擊李安邦亦選健
卒五十人派把總王占元撲東嶽廟賊營自率

千總孫才撲正東賊營焚其更棚十餘座賊衆
驚愕不敢出拒其東北關外賊以廢廟爲壘偏
我營濠偷挖地道自參將李璋截斷三穴後該
逆仍於附近穿鑿初四日李璋等選帶各隊分
路直薄大王廟任家堂兩處賊壘該逆倉猝迎
拒我兵奮勇砍殺斃賊四五十名餘賊立時驚
散因於廟殿西偏尋得地道開口處所土堆木

料積累其旁正在焚燬廟房忽有東西南三路賊衆來撲李璋等指揮兵勇嚴陣以待伺其距關不遠槍礮齊發立斃悍賊多人參將馬陞等帶隊接應賊兩面受敵我兵乘勢下壓城上更以大礮對准轟擊立斃紅衣騎馬賊目一名賊衆相率退竄李璋於地道口門外用水灌之不意穿穴極深取徑甚曲仍有賊潛伏其內夜深

集卷之三十三 三十三
二二
甕聽猶聞窆掘之聲卽飭夫役相度地勢穿濠
對窆又破地道二處曳出支架木板及洩水竹
竿多件其西北牖口要地與西南兩面關圩賊
亦時時窺伺馬陞范文英梁仕紳等督飭兵勇
疊次迎擊斃賊不少查郡城久困 臣祇此兵力
日與諸將弁講求戰守機宜所幸官民一心兵
練用命兼旬以來正奇互用均未損我軍威而

賊數太多東至潁上百餘里西至阜陽與太和
沈邱接壤處所賊蹤徧地臣屢次咨呈袁甲三
乞師援剿乃由潁至臨正路梗阻必須繞越河
南之歸德江北之徐州再入皖境歷泗州以達
臨淮相距千里通塞靡常是以時閱數旬未接
一札惟有再行稟商袁甲三聽候酌辦如蒙

皇上格外天恩飭下現駐歸德之西凌阿就近援剿

師行迅速當易奏功 臣仍就現有兵練堅守待
援不敢稍懈奏入

上命議政王軍機大臣傳諭僧格林沁勝保袁甲三
李續宜鄭元善賈臻曰前因潁郡警報頻仍節經
寄諭僧格林沁袁甲三李續宜等各籌援剿勝保
據報啟行亦經催令無論行抵何處卽著兼程前
往昨因鄭元善奏派副將楊飛熊等管帶兵勇駐

紮沈項復經寄諭該撫體察情形徑赴潁州援剿
西凌阿之前隊早已馳抵歸德就近赴援潁州可
期得力著僧格林沁卽遵前旨迅籌策應勝保現
在行抵何處其所派前隊成祿一軍據奏早經渡
河何以此次賈臻奏報未及一字豈其尙未到潁
殊堪疑詫該大臣援潁是其最急之務責有攸歸
著懷遵前旨兼程速進並催成祿等軍趕緊赴援

袁甲三會否撥兵救應亦不得意存膜視駐紮六安之吉順一軍能否赴潁抑或另派楚軍往援李續宜身任皖撫接奉前旨必已遵辦鄭元善所派楊飛熊之軍與其駐守沈項曷若越境以勦爲防均著迅速籌辦大集援軍以保名城毋再稽遲並著各將所辦情形迅速馳奏賈臻仍就現有兵力激勵官民協力固守以待援師毋稍疏懈

二十日癸卯僧格林沁國瑞奏言疊奉

諭旨酌量撥兵前往潁州援剿或徑趨蒙亳臣僧格
林沁審度機宜捻匪老巢多在亳州東南該逆
若欲北來由歸德之永虞夏徐州之豐沛蕭碭
直入東境或由宿徐北至韓莊入臨興頭是道
若重兵紮於亳州不能扼賊北竄我軍自去歲
大彰撻伐後捻逆時有結衆北竄之信此時亟

須嚴加防範該逆如果北來自當再加懲創此
後辦理皖捻方可得手潁州被圍雖急若撥兵
前往少則無濟於事若全軍往援恐該逆乘虛
北來我軍反落賊後且前接譚廷襄來函言勝
保不日取道大名赴豫自係遵

旨由豫赴潁是勝保一軍南下河北已覺兵單賈臻
又欲臣等統軍往南萬一該逆北竄何以禦之

況東境各處匪黨尙未削平現在督飭搜捕其
直東交界派遮克敦布與王榕吉駐紮防守並
奉

諭旨令 臣 僧格林沁通籌兼顧 臣 等惟有先籌肅清
東境疆圉嚴防皖捻以固北路藩籬一俟腹地
安帖然後統軍節節前進庶免爲該逆牽掣南
捻前竄豐縣業經擊退回巢此時該逆五旗並

身三十一
二六三三
二八

出意在竄撲東境現督馬隊駐紮單縣馬良集
等處修築隄濠以遏賊蹤其曹屬會匪雖經屢
次痛勦大股漸就肅清而零星賊匪伏匿河套
時思出竄前派趙康侯帶領勇丁在鄆鉅迪西
駐紮搜捕並飭署鄆城縣知縣陳烈等分路搜
緝據趙康侯稟報將著名匪首常連佩孛獲解
營訊辦其餘黃河套內零星匪黨現飭趙康侯

等一俟河水開凍再行前往剿撫又據毛永熙
文稱河南商邱縣金樓地方有另股捻匪盤踞
官兵攻剿數月未能得手咨商移兵會剿臣等
復探得金樓迤南十數里卽宋濤沅孫葵心老
巢該處糧草缺乏若大兵前往人馬無處覓食
臣僧格林沁咨行河南巡撫籌撥餉銀在虞城
商邱夏邑等縣先行置備糧草如捻逆無北竄

確音卽可乘閒督兵進剿至奉

諭飭查田在田攻克汴塘究竟有無諱捏 臣等已飭
兗州鎮道確探接仗情形是否屬實尙未接據
稟覆茲准吳棠函稱捻匪竄至汴陽縣境已奏
請由 臣等迅撥馬隊二三千名馳往追剿查上
年十二月皖逆竄至魚臺沛縣經 臣等派撥馬
隊剿除大半該逆未遂所欲星夜竄回今復由

嶧境過河東竄難保非誘我軍向東追剿該逆
乘曹單空虛得以北犯是以 臣等駐軍單縣並
派前敵馬隊馳赴碭山馬良集等處駐紮旣可
嚴防捻匪北竄又可作直搗老巢之勢俾該捻
抽身回顧東路賊情自緩矣 臣 僧格林沁現飭
德楞額迅速追剿並咨行吳棠飭令該處官兵
實力勦辦毋任滋蔓

身之末國之口 二百三十三
十八

同日田在田奏言前次攻勦汴塘探有另股捻
匪李加膺等由碭山一帶北竄自劉平擒獲後
李加膺等經僧格林沁督軍擊敗惟西南蒙村
丁家寨等處向與捻巢切近因龔耀倫卽日帶
兵赴淮其原紮蒙村之孚勝營勇亦調赴清淮
防勦該處爲徐郡門戶關繫最爲緊要正籌畫
閒接奉

諭旨飭各路官軍會剿捻巢查捻逆老巢在宿永蕭
碭商鹿亳太穎懷之間以徐宿全局而論則宿
州居前敵之中濰口偏在西隅以剿捻全局而
論宿徐又在極東濰口在北豫省之虞夏商鹿
皆其西北正西也查賊巢多在滄南臨渙一帶
該處係永宿交界數年來各路大軍未有深入
其地者現在臣營蒙村一軍本在濰口之前南

接臨渙西連永城相去均不及百里 臣愚以爲
會剿之師仍應從此入手現派參將呂道宣馳
赴蒙村接管龔耀倫所餘隊伍遊擊文憲銀仍
駐烈山爲濰口左右兩翼遊擊張祖雲分帶烈
山之勇駐戴家圩以資犄角一面添募馬勇三
四百名步隊除調赴清淮外其餘詳加挑揀籌
備口糧由 臣親自統帶卽由濰口蒙村一路節

節前進勦撫兼施如豫軍進至永城卽可聲息相通且查蒙村以南卽李加膺等老巢現經東軍懲創其氣已餒若僧格林沁督軍前進蕭碭等處前聯徐豫兩軍後仍控制東省俾臣等仗其聲威領隊前驅後路無虞空虛兵力亦不嫌單薄僧格林沁近在單縣之王樓已距徐宿不遠昨接來札詢臣以進兵道路臣已派員代備

皇朝通志卷之三十三 三
馬草等項一面繪齊輿圖擬卽就近馳往單縣
當面稟商將來或分或合及由何路進取之處
俟籌定後再行具奏總期聯絡各軍大氣包舉
直搗賊巢惟軍行糧隨現旣懸軍深入尤須多
爲籌備 臣惟有殫竭心力與吳棠妥籌接濟一
面稟商僧格林沁定議後卽行迅速進剿均奏

八

上命議政王軍機大臣傳諭僧格林沁曰北路藩籬
至爲切要僧格林沁大軍原屬不可輕動必須北
路之防穩固方可進剿捻巢潁州被圍日久節據
賈臻等奏稱西凌阿前隊已到歸德地方是以諭
該大臣就近派往援剿並經疊次飛催勝保兼程
前進迅解潁圍西凌阿之兵如果已至宋郡切近
潁州仍著僧格林沁卽遵前旨迅速調派赴援以

保危城僧格林沁所稱游弋沭陽等匪欲誘我軍
向東追勦卽乘曹單空虛北犯甚爲有見現派前
敵馬隊馳赴碭山之馬良集等處駐紮卽可嚴防
北竄又可作爲欲擣該捻老巢之勢使賊回顧以
緩東路賊情並飭德楞額作速進勦與吳棠飭令
該處官兵實力勦辦卽照所籌迅速辦理田在田
現赴該大臣軍營稟商進勦機宜此路官軍並歸

該大臣統率與東豫諸軍相聯一氣抑或仍令自爲一路著僧格林沁妥籌具奏

上又命議政王軍機大臣傳諭僧格林沁田在田吳棠曰據田在田奏捻匪巢穴多在滄南臨渙一帶該處係永宿交界數年來各路大軍從未深入其地田在田現擬整齊隊伍籌備口糧親自統帶各軍由濰口蒙村一路節節進擣如豫軍進至永城

聲息即可相通李加膺等股匪經東軍懲創其氣
已餒若僧格林沁督軍前進蕭碭等處後路不至
空虛所籌不爲無見田在田現已馳赴單縣與僧
格林沁面商進取機宜著僧格林沁悉心籌畫俟
計議已定卽行馳奏並卽由僧格林沁飛咨各路
統兵大員剋期並舉聯絡聲勢則勦辦自易得手

二十三日

丙午

勝保鄭元善奏言汝捻陳大濬負

固平輿上年十二月內糾集各股竄撲城關經
張曜督軍擊敗該匪復糾合新項息阜捻匪史
步廣等股分踞郭臺尹莊陳莊劉樓大趙莊等
處乘夜築壘以成犄角之勢王蘋幘等股匪復
踞李旗屯挖溝設卡漸圖邀我後路張曜會同
庶吉士吳元炳選派遊擊王泰來等各率所部
爲前敵都司周登高等爲接應參將尹嘉賓等

各帶馬隊爲兩翼相機抄擊正月初八日馬步
隊進逼郭臺匪衆抵死拒守我軍開礮環擊站
牆悍賊應聲而倒官軍乘勢越濠而進爭先剿
殺賊屍枕藉尹莊劉樓之匪知郭臺已破同時
併力來援約計馬步賊四五百人排隊包抄張
曜指揮兵勇列陣迎擊並飛調兩翼馬隊搶繞
賊後賊隊大亂陣斬擒首李建宋玉二名餘匪

殲斃無算賊衆四散奔竄立將尹莊陳莊劉樓
三處賊壘同時攻破平輿老巢忽出馬賊數百
騎步賊二三千名蠶擁而來李旗屯又出匪衆
千餘截我後路我軍分隊迎勦自午至申鏖戰
三時之久張曜見賊無退志激勵將士奮力死
戰一面與吳元炳分督馬隊突出橫衝匪衆稍
卻各軍大呼奮壓賊勢不支紛紛潰散生擒擒

首宋山應一名陣斬紅衣馬賊數十名捻首王
積愾史步廣各受重傷而遁我軍跟蹤追剿敗
匪向東南狂奔我軍搶入李旗屯將各匪搜殺
無遺共計殲斃馬步賊二千餘名此次官軍大
獲全捷連克五圩勦辦尙爲得手惟平輿一日
不克匪黨一日不除現經臣等添派副將楊飛
熊督率省防馬步三千餘名馳赴汝甯併力撥

勦並飭張曜乘此聲威設法進攻迅圖克復再
將正羅信息等處土匪節節掃蕩以靖邊圉至
定遠擒首張落刑至穎上後遣黨竄入息境圍
偏光州經遊擊李忠奎等派隊截擊光州業已
解圍現催提督余際昌卽日成軍取道信陽會
合汝軍勦辦此次汝營勦匪出力各員先行開
列額懇

天恩給予獎敘

勝保又奏言臣於正月十二日馳抵汴省卽飭副將劉景芳副都統烏勒興阿等各率所部進援潁州刻下該郡被圍情形危急聞賈臻布置戰守尙爲嚴密惟城外四面皆賊城中糧藥不足頗費支持計臣派援之烏勒興阿劉景芳及成祿等馬步官兵不下六千有餘現又飛催各

隊到齊卽令分起進發取道沈項太和迅解穎
州之圍惟臣所統各營兵勇甫抵河口因冰凌
船少數日尙未渡竣據毛永熙飛函知會准於
十七日到省與臣及撫臣鄭元善面商緊要機
宜臣自當將皖豫大局及歸陳一帶如何分布
進兵之處妥爲會商以期周密至汝甯情形正
月初開張曜一軍疊次獲捷勦辦漸可得手惟

正暴信息等處土匪縱橫信陽明港驛道梗塞
文報不通已逾數月臣已商同撫臣抽撥省防
楚勇剛銳五營益以吉林黑龍江等營馬隊兵
勇共三千餘名派副將楊飛熊統帶卽日馳赴
汝甯歸張隴調度併力掃蕩疏通驛路並飭張
隴督率將士乘勢進攻平輿賊巢臣復刊刻告
示發貼汝光各處使之震懾軍威解散脅從以

孤賊勢一俟各隊到齊卽日親統大隊先赴陳州駐紮調度並飭前敵各軍速赴潁郡早解城圍設法進兵蒙亳一帶爲擣穴擒渠之計

勝保又奏言查皖省潁壽一帶張逆等股屬集郡城被圍肆擾潁西蔓及光固蒙亳羣捻時圖出竄豫境汝光兩屬各匪縱橫延擾十數州縣陳屬之沈項一帶徧地賊氛臣由豫進兵陳汝

爲大軍後路亟應先籌防勦庶無回顧之虞且
信確等處捻匪勢已擾及桐泌設乘虛圖竄西
北不能不酌派馬隊馳勦非添幫辦之員不足
相助爲理查有都統穆騰阿前在 臣軍營數年
曾幫辦安徽軍務帶隊奮勉辦事認真又提督
傅振邦曾幫辦 臣軍務並督辦徐宿勦匪事宜
和平深穩勇敢有爲合無仰懇

天恩俯准於穆騰阿傅振邦二員中

簡派一員

飭令迅速前來皖豫幫辦 臣營軍務以資臂助奏入
上命議政王軍機大臣傳諭勝保鄭元善曰現在穎
郡被圍情形甚急勝保已飭副將劉景芳等各率
所部赴援合之成祿前隊官兵共六千有餘兵力
不爲單薄卽宜乘此聲勢嚴飭成祿等星速前進

盡力勦洗務與潁州城內消息相通不得以賊衆
兵單藉詞逗留該大臣擬進紮陳州督率勦辦仍
著隨時體察情形如赴潁援各軍必須親自策遣
方能得力該大臣卽由沈項一帶進發毋誤事機
楊飛熊兵勇三千餘名勝保旣與鄭元善商令派
赴汝甯歸張曜調度疏通驛路應否進攻平輿賊
巢抑就近進勦潁郡爲勝保各軍後路聲援之處

著勝保鄭元善酌度緩急情形辦理至勝保請於
穆騰阿傅振邦二員中簡派一員幫辦軍務穆騰
阿現在京城訓練旗兵不能派令前往其傅振邦
一員已諭知僧格林沁譚廷襄卽飭該員前赴勝
保軍營俟該員到營後該大臣卽行馳奏再降諭
旨

上又命議政王軍機大臣傳諭僧格林沁譚廷襄曰

提督傅振邦前經降旨令其來京現在勝保前赴
皖省辦理軍務襄助需人著僧格林沁譚廷襄轉
飭傅振邦毋庸來京卽令迅速起程前赴勝保軍
營毋稍延緩

上諭內閣曰官軍擊勦平輿附近捻匪連克賊壘五
處尤爲出力之參將尹嘉賓遊擊劉自順均著賞
加副將銜佐領巴彥克喜著賞加圖爾格齊巴圖

魯名號遊擊銜都司周明崑周登高均著免補都
司以遊擊儘先補用千總賈蕙山著免補千總以
守備補用並賞加都司銜潁上擒匪分股竄至息
縣地方進圍光州遊擊李忠奎等督兵往援該匪
解圍而遁仍著鄭元善督飭汝光防勦各軍速將
該府州屬土匪節節掃蕩毋任蔓延

欽定剿平捻匪方略卷一百三十四 壬戌年

正月二十五日戊申勝保鄭元善毛昶熙奏言臣

勝保督師抵汴臣毛昶熙於十七日馳抵省垣

與勝保鄭元善會晤籌商查皖豫軍情以潁州之圍爲最急現在總兵成祿並副將劉景芳兩軍行抵太和縣境已飭該鎮將轉戰而前沿途掃蕩臣勝保卽日親統大隊進紮陳州督率馳

集賢堂 卷之三十四 一
勦以期迅解穎圍至宋東一路爲臣毛滂照專
責刻下蒙亳各捻屢經僧格林沁大兵勦敗賊
勢已蹙尙未裝旗出竄惟金樓馬廠二圩負嵎
如故應乘賊勢未動剋期攻拔疏通進兵之路
已由臣毛滂熙督飭前敵將士設法進攻宋陳
穎均爲接壤宋軍與援穎之師彼此可資聲援
自當聯絡策應以成犄角之勢臣勝保統率大

兵由陳州東進一俟潁州解圍卽當會合豫軍
由陳州歸德鹿邑三路並進直搗蒙亳埽穴擒
渠以除巨患至陳屬沈項一帶爲援潁大軍後
路餉道所關尤爲緊要伏莽甚多該處原有王
永慶丹凌雲王同聲等三營並李永祿馬勇一
營扼紮防勦本歸副將楊飛熊調遣現因該副
將改赴汝郡鞭長莫及已飭陳州府知府劉拱

宸就近調度相機策應以保後路而通餉道汝甯張曜一軍屢有捷報勦辦漸已得手惟平輿逆寨日久未下確羅信息一帶賊勢縱橫近又有張落刑逆黨張耀林等率衆攻撲光州雖經官兵擊退而賊蹤未遠仍恐勾結滋蔓經臣鄭元善會同臣勝保飭派副將楊飛熊督率省防馬步三千人馳赴汝甯隨同張曜一軍併力勦

辦並飛催副將余際昌迅提新募昌勝營楚勇
取道信陽將該處土匪掃除然後一意東征可
無掣肘之患

勝保又奏言 臣連日飭派大員會同開封府督
催後起各隊迅速過河十五日後誠順七營僅
渡五營其餘兩營降衆因風大船少未經過渡
該降衆等稽留河干風餐露宿未嘗此苦遂多

變計思歸雖據稟稱情願歸農各安生業臣以
新收之衆究恐野性未馴一經遣散難保不別
滋事端未便允准當飭副都統明慶帶領馬隊
五百名授以機宜馳赴北岸沿途攔截押令折
回歸隊如果該降衆等懍遵軍令迅速過渡臣
仍當督帶南行儻敢違抗立即備以兵威相機
辦理毋稍姑息以絕北路後患明慶俟此事辦

竣卽令馳赴 臣營聽候調遣 臣仍親督大隊剋
日自汴起程進紮陳州督飭前敵各軍迅解穎
圍奏入

上命議政王軍機大臣傳諭勝保鄭元善毛永熙曰
穎州被圍已久總兵成祿等旣已行抵太和著勝
保催令星馳赴穎速解城圍其沈項等處業經勝
保等派知府劉拱宸督率兵勇以爲成祿等後路

援應惟潁州賊勢甚張如成祿等軍不敷勦辦勝
保自應速由陳州移營前進卽著該大臣酌度情
形妥爲辦理金樓馬廠圩匪著毛昶熙督飭將士
迅圖克復其平輿逆寨及光州等處竄匪並著鄭
元善催令布政使張曜副將楊飛熊等實力攻勦
速爲掃蕩一俟豫省境內肅清潁郡解圍卽可分
兵三路進搆蒙亳以爲掃穴揜渠之計誠順兩營

降衆變計思歸未經渡河據勝保奏稱已派副都
統明慶馳往北岸辦理該降衆等狼子野心旣以
思歸爲名難保不滋生事端如再敢抗違軍令不
卽渡河卽著勝保等添派官軍密速兜捕悉數殲
除以去肘腋之患儻該降衆有竄擾河南省城及
各處郡縣等事必治勝保以辦理不善之罪該兩
營降衆頭目係何姓名著勝保查明具奏

同日吳棠奏言臣所謂袁世功吳鳳柱等馬隊
於正月十四日馳紮錢家集朱光庭等步隊並
清安團練均抵六塘河十五日東岸官莊等處
有捻股六七千名自河西來撲朱光庭帶領兵
練開放槍礮轟斃賊匪多名袁世功等帶馬隊
援應該匪恐官軍抄其後路遂向西北退竄惟
朱光庭等所守係南六塘河爲赴清淮之要路

乃與賊相持之際該逆分股由沭陽之謝家口竄渡北六塘河一股竄至安東縣西北徑撲縣城一股竄至清河王營之鹽河北岸距清江僅十餘里意圖直撲清淮 臣趕卽會商晏端書調集團練嚴守圩牆並派隊二百名馳至王營在鹽河南岸多插旗幟以張聲勢一面飛調吳鳳柱馬隊回顧清江十六日黎明吳鳳柱等馬隊

先至適有捻股萬餘來撲 臣卽派吳鳳柱等扼
河堵截將過河馬賊悉數殲除各匪退竄朱光
庭等因聞清江緊急於十五日帶隊回援行至
徐家莊猝遇賊股彙集將官兵圍裹朱光庭帶
隊衝擊斃賊七八百名外委朱兆英力戰捐軀
陣亡勇丁一百餘名朱光庭亦受槍傷因賊勢
太重不能前進遂暫紮錢家集幫同守禦 臣聞

賊竄安東立派守備劉佐廷帶勇二百名馳往
助守該逆屢次撲城均經知縣宋傳燧守備劉
佐廷等帶領勇練將賊擊退臣因捻股東竄派
都司恆貴帶隊二百名赴淮安守城並商請晏
端書回淮督飭總兵鶴齡知府顏培瑚等調練
嚴防又飛咨都興阿派隊馳赴鹽城扼截並派
袁世功等馬隊馳追竄捻十八日捻匪零股竄

至淮安之下關劉伶臺等處經兵練擊退大股
仍在新王東順河集盤踞另股分竄阜甯之東
溝等處又有捻股竄及淮安東鄉之車橋地方
適署淮揚鎮總兵龔耀倫參將黃國瑞等帶隊
前來臣一面飛飭阜甯鹽城各縣嚴密守禦一
面添派龔耀倫等帶隊先赴車橋剿匪並擊阜
甯賊股准都興阿來函已派總兵王萬清帶隊

一千名北來會勦臣卽飛飭王萬清徑赴車橋
迎擊以防擒竄寶應高郵要路惟查此次竄來
擒匪五萬有餘臣所部並調至各軍不過數千
雖清江要地經臣悉力扼守將賊擊退而匪股
衆多繞道東竄止有龔耀倫等馬步各隊一千
五百餘名追擊數萬擒逆兵力單薄且恐該逆
由海州竄入山東地方臣營馬隊無幾追勦難

及惟有仰懇

天恩飭下親王僧格林沁迅撥馬隊前來勦擒並乞
飭下德楞額自臺莊先行帶隊東來會勦以顧鹽阜
完善地方且防該匪乘虛北竄

吳棠又奏言前奉

諭旨以江北團練未能振作是否仍須晏端書等經
理抑或即可裁撤令曾國藩薛煥具奏現在督

臣撫臣遠在安慶上海是否業經覆奏臣尙未
見明文惟查晏端書所辦揚通團練隨同都興
阿勦匪獲勝淮海圩練均能固守尙屬著有成
效現在捻氛未靖當此軍務未竣整頓團練之
際合無仰乞

天恩飭下晏端書仍暫留江北辦理團練臣當與之
悉心酌辦保衛地方奏入

上命議政王軍機大臣傳諭僧格林沁吳棠曰捻匪
由徐州竄擾汴陽雖經吳棠調派兵勇截擊而該
逆已擾及安東阜甯並至淮安之下關東鄉等處
匪勢蔓延日甚設再任令南趨則裏下河各完善
地方將不可問該處爲餉源所出豈容逆捻窺伺
海州贛榆偪近東省設由該處回竄則北犯可虞
僧格林沁前奏該逆誘我東剿不爲無見惟此時

逆燄日張淮安以南各屬豈可再任蹂躪且該匪
既可由海州北犯則該大臣雖嚴扼碭山亦復何
益吳棠兵力單薄亟應派兵援應著僧格林沁仍
遵前旨速撥馬隊二三千名派委得力員弁統帶
剋日前往清淮協同勦辦其德楞額一軍並著由
臺莊星夜起程馳赴沭陽一帶相機會勦斷不准
藉口耽延致有貽誤田在田督辦徐宿軍務孤軍

恐難抵禦著卽歸僧格林沁節制以一事權而資
協勦其應否飭令該總兵督率所部馳往東路會
同吳棠以利攻勦之處卽著該大臣妥爲調遣吳
棠仍就現有兵力於南北兩路實力堵勦不得任
令紛竄晏端書著准其暫留江北督辦團練

二十六日 己酉 袁甲三奏言前據署壽春鎮總兵

博崇武等面稟壽州附近各圩漸多薙髮似有

轉機經 臣告以該練勾結捻粵各逆竄擾潁郡
萬無就撫之理飭令傳諭苗沛霖如能速除潁
州之賊自明心跡再行酌量辦理茲據博崇武
回稱苗沛霖專心勦賊現已議定解潁州之圍
於本月十六日派隊由南路三河尖一帶援潁
並因張落刑眷口黨駭均屯潁上縣擬於二十
日外進偪潁上俾令張逆回顧潁郡之圍自解

並懇函致李續宜如帶兵前赴潁壽勿遽以苗
練爲賊又云賈臻兩次函致苗沛霖囑其速援
潁郡等語臣察其情詞顯係怵於楚師聲威恐
楚皖夾攻萬難自立且探聞張逆自竄過正陽
關後因與苗練爭糧大相牴牾各圩亦因苗練
接應捻粵過河衆心甚多不服現在東路各圩
旣逐漸歸官西路亦有渙散之意苗勢漸蹙又

爲此自全之計原難遽信且賈臻從前一意主
勦頃鈔咨上年十二月奏彙云刻下情形又變
請暫示羈縻臣以爲自古用兵未有不能勦而
能撫者現探潁圍已鬆粵逆亦有南竄之信而
賊蹤未遠仍恐再圖勾結併力一逞更難收拾
若能使該練與粵捻互相猜忌一經接仗其勢
自離未始非援潁制賊之一法臣現已札飭博

崇武率所部壽春兵丁督飭苗練迅掃竄潁之
賊以定功過所謂將計就計非遽易勦爲撫也
至蒙城官紳自上年正月閒團練守城與苗爲
敵該處西北偏近捻巢東南均係苗練黨與臣
每擬撥駐一軍以固人心因後路梗阻糧道難
通是以未果今苗練旣願西去勦賊則我以禦
捻東擾爲名分兵駐蒙亦係籍制之計臣已挑

選隊伍一俟該練進圍潁上卽飭尹善廷統帶
官兵前赴蒙城駐紮收撫圩練以孤賊勢而圖
進取臣惟就智力所及隨時妥籌斷不敢拘泥
成見奏入

上命議政王軍機大臣傳諭袁甲三曰苗沛霖罪大
惡極斷難姑容現因楚軍勢大衆心離散陽以就
撫緩我師卽陰以赴援圖潁郡其謀甚狡若令入

續通志卷之六十三
三十四
三十三

潁州則潁州又將爲壽州之續辦理更難著手昨據勝保奏已於正月二十日由汴省赴陳州先派之成祿等軍已抵太和並派知府劉拱宸等督軍爲成祿等後路援應當諭勝保如賊勢甚張卽由陳州移營前進袁甲三一面派隊收撫附近各圩一面知會勝保催令成祿等軍節節進剿仍卽迎探李續宜何時可以起程商令督飭蔣凝學等分

路進兵我軍愈壯苗勢愈孤一俟李續宜入皖便
可爲一鼓殲除之計博崇武爲苗練心腹其言未
可輕信該大臣惟當遵奉厯次諭旨一意勦賊斷
不可稍涉游移致滋貽誤

同日毛永熙奏言 臣督師勦匪適當汝甯新敗
之後兵疲寇熾整頓維艱自咸豐十年到宋後
選將募兵晝夜請求維時調任湖北巡撫前河

南撫 臣嚴樹森新到河南巡撫之任 臣以該撫
素有能名奏請會辦軍務旋奉

詔旨命嚴樹森督辦剿匪事宜仍以 臣爲幫辦 臣方謂
豫省軍務必有起色乃嚴樹森並不敢親來歸
德察看情形又不敢一至汝甯酌度地勢安坐
省城兩月不出迨人言嘖嘖公論不容始勉強
出紮陳州旋復退回省城從此株守汴梁日講

省防九十月閒大股捻匪竄擾南陽焚掠擄殺
萬民塗炭地方官吏告急文書日輒數至臣正
督飭宋營將兵攻勦金樓馬廠等處賊圩難於
分撥又因賊衆南竄省防已鬆該撫新募楚勇
八千皆已至豫因飛咨該撫由省派兵前赴南
陽勦賊乃竟擁兵自衛堅不聽從惟飭張曜於
汝甯營中撥兵二千跟蹤追擊兵旣單薄僅能

尾追該撫以此軍不能得力並將此隊兵勇全
行裁撤仍不肯再派一兵前往故捻匪盤踞南
陽兩月有餘窮山僻村皆遭荼毒而該撫且沾
沾自喜但幸省城無虞不顧外郡之蹂躪此其
膽之怯也該撫過分畛域發餉不公省城兵勇
口糧絲毫不欠而宋汝二營勒不全發至今積
欠甚多軍心不服嘖有煩言幾至譁變且該撫

既爲豫吏自宜就豫省現有兵勇力求整頓乃
見諸公臆形諸語言總謂豫省將弁兵勇無一
可用非楚將楚兵不能得力接辦之初並不與
臣商酌一意孤行勒令臣將宋營現有兵勇裁
去一萬僅留五千所餘額餉另募楚兵孰意豫
兵已減楚兵未來捻匪知我力單四五月閒偏
脅民寨迫以附逆並搶掠沿邊民麥臣以五千

之兵東救永夏西援鹿柘南顧亳州北防東匪
筋疲力盡日夕不遑幸民團同心合力輔助官
兵麥禾皆收地方無事而金樓教匪乘虛滋事
東省土匪擾及睢甯臣止此兵力萬難分撥因
抽派陳祿興一營飭令督率民團會剿一而飛
咨撫臣由省撥兵夾擊乃羽檄風馳不發一旅
若非西凌阿統兵北來賊膽畏怯則陳祿興雖

屬驍勇豈能以五百人累立大功克復堡寨乎
乃該撫動以省兵精壯誇耀於人實則擁兵自
衛是其見之偏也上年勝保奉

特旨督辦皖豫軍務

天語煌煌爲疆吏者宜如何和衷商酌共濟難難儻確
見其必至貽誤亦止應密行陳奏乃勝保接奉

恩旨卽行文來豫查取現有兵數並豫籌軍餉該撫旣

不肯將兵數知照且告以兵餉不能接濟已屬
不成事體迨該侍郎因宋兵太單派隊進紮商
邱劉口地方及睢州等處該撫一聞此信卽飛
飭地方官吏驅逐勝營兵勇出境敢有擅行接
濟勝營口糧者定行叅處勝保無可如何始將
兵勇撤回伏思

朝廷成命阻於疆吏而不行督撫之權日重將帥

之權日輕呼應不靈動輒掣肘嚴樹森之意不
過恐勝保奪其兵柄故豫爲阻撓然不已近於
跋扈乎此其量之狹也且嚴樹森接辦之初臣
累次寄函詳述毫捻情形宜勦不宜堵催其來
宋趁夏秋餉需充裕之時合力進兵該撫不肯
聽從至疊奉

諭旨催令各路軍營會擣老巢臣復單騎進省面商

進剿之策該撫仍以保守中土爲主臣亦知擣
巢之策非河南一省力曷所及然見僧格林沁
一軍屢獲大勝賊膽已寒並聞其欲進紮單陽
之間節節攻剿若豫軍再與合力則毫東賊匪
皆思自保巢穴不暇出竄內地州縣藉可休息
是議剿卽所以議防也乃該撫不肯商量堅執
己見此其性之愎也至該撫操守尙好留意吏

治並非無用之材但器識褊小殊乏大臣之度
臣不敢稍諱其短亦不敢稍沒其長合併陳明
奏入

上命議政王軍機大臣傳諭官文曰毛滌熙奏嚴樹
森自到河南巡撫之任惟知株守汴梁上年九十
月閒大股捻匪竄擾南陽適新募楚勇八千皆已
到豫該撫擁兵自衛未派往援捻匪盤踞南陽兩

月有餘窮山僻村皆遭荼毒省城兵勇口糧絲毫
不欠宋汝二營積欠累累謂非楚兵楚將不能得
力宋營兵勇裁去一萬僅留五千拾匪沿邊搶掠
該撫復不發一旅勝保督辦皖豫軍務係奉

特旨行文來豫查取兵數豫籌軍餉該撫不肯將兵數
知照並告以不能接濟軍餉勝保派隊進紮商邱
睢州等處該撫飭令驅逐出境恐勝保奪其兵柄

故爲阻撓其跡近於跋扈屢奉諭旨催令各路軍
營會擣亭捻老巢該撫仍以保守中土爲言堅執
己見惟操守尙好留意吏治並非無用之材等語
嚴樹森仕鄂有年前經胡林翼奏保仰蒙

皇考擢任豫撫到任以後尙無大過而人言嘖嘖諒非
無因屢經訓諭冀其悛改現已將該撫由豫調鄂
不日卽可到任該省調兵籌餉一切事務繁劇嚴

樹森能否勝任抑僅長於吏治他務非所素習官
文自必知之甚悉著卽秉公覆奏儻實有膽怯見
偏量狹性愎等病致於大局掣肘不能勝封疆之
任亦著據實密陳無稍徇隱

二十九日 壬子 李續宜奏言疊奉

諭旨飭令救援潁郡 臣思潁州關係大局自應速籌
援應第施南襄陽德安等處警報頻至雖來鳳

已經克復而臣部之在鄂者防備尙難鬆勁未
便概調赴皖惟有於現駐霍六之軍權其緩急
量爲撥調現擬令駐霍之記名提督成大吉總
兵蕭慶衍各率全部赴援潁州又以孤軍深入
兵食維艱並飭道員葉兆蘭隨同大軍前往就
近商度軍情籌畫糧餉至六安爲鄂省東北門
戶兼偪壽春自應仍留道員蔣凝學一軍嚴密

備禦 臣惟有督飭將士盡力勦賊固不敢輕率
以誤全局亦不敢遲緩以失戎機至皖省一切
事宜俟 臣抵安慶後與曾國藩妥爲商辦屆時
另行馳報奏入報

聞

同日賈臻奏言正月初七日郡城東北關地道
轟發我兵奮力堵住該逆復就圩外已焚房屋

添築數營屬聚悍賊多名意圖再窆參將李璋
等挑選奮勇於初九日夜間開圩東門撲之該
逆始於壘中對拋火器都司陳義等復帶健卒
突出圩南門繞至賊營之後賊衆驚竄我兵分
路擒斬計斃五六十名立將新築賊營二座焚
燬惟其另掘之穴徧地尋覓未得口門守備田
濤創造丈六長子母大鐵錐就濠底泥水深處

用錐力鑽入土丈餘兩次滲漏濠水二三尺知
又穿透地道現仍察看鑽掘冀免轟發之虞其
西北關大石橋牖口要地久爲該逆所窺伺至
十一日逆衆於對岸之劉家花園築營欲奪橋
牖並於泉河下游搭造浮橋以便進隊運糧馬
陸趁其營壘未就先以銅礮轟擊復於深林破
屋中多設疑兵自率勁勇五千餘人向前猛撲

賊衆立時驚散其西北浮橋旋經兵練先後乘
夜拆毀惟東面賊壘逆衆日增其大王廟等處
偏我東北關圩輒石火彈時時拋入我兵兩次
力撲苦於無隊分紮官軍回營賊復結壘十五
日參將李璋突出奇兵薄賊濠牆該逆蒼黃出
拒短兵相接馬陞率兵繼進槍礮火器打落賊
營適東南北三面援賊捲地而來逆勢兇很我

軍排隊營外伺其將進擊之賊衆分路撤退查
賊衆屢次攻圩偷挖地道均未墮其狡謀現於
郡城東南西三面挖掘長濠爲久困之計而城
大兵單子藥缺乏米糧告匱情形危急惟有仰

懇

飭下李續宜速帶大軍兼程來潁西淩阿就近由歸
德移師南下並催陳州之師刻日進援袁甲三

李世忠等亦卽分撥勁旅星夜西來庶幾分路
進兵重圍可解臣仍殫竭血誠就地籌糧激勵
兵練堅守以待奏八

上命議政王軍機大臣傳諭勝保袁甲三李續宜鄭
元善賈臻曰穎郡爲淮北根本豫省藩籬被圍已
閱數旬情形萬分危急勝保奉命援救李續宜身
任地方均屬責無可貸乃成祿一軍據勝保奏稱

早已行抵太和何以日久尙未到穎著勝保嚴飭
該員星馳前進儻敢再事遷延卽著從嚴叅辦該
大臣亦卽由陳州督兵繼進毋稍遲緩成大吉援
穎已否起程並著李續宜嚴行督催勿令觀望袁
甲三昨有派博崇武援穎之議未知能否得力該
大臣專辦皖北軍務務當設法救應毋許膜視西
凌阿如抵歸德楊飛熊駐兵沈項均係勁旅且去

潁州極近並著僧格林沁鄭元善遵照前旨飭令該都統等統兵速進立解城圍弗任延緩賈臻仍當激勵將士實力守禦以待援師

三十日癸丑正白旗漢軍副都統遮克敦布奏言

臣行抵景州接王榕吉函稱現駐大名當卽取道故城縣境據該縣面稟此路偏僻車輛難覓且投誠勇衆並未全數渡河時出滋擾所帶軍

火礮位均關緊要自應改道德州等語伏查臣
隨帶兵勇無多當經札訓練勇二百四十名作
爲親軍小隊並在山東糧道庫存項不借支銀
二千兩以備此項練勇口分並沿途添募勁勇
製備軍器卽由德州徑赴東昌與譚廷襄面商
防勦機宜再由東昌前赴大名會同王榕吉籌
辦一切防務至勝保酌留兵勇駐紮濮州館陶

俟臣到防後查看能否得力再定去留以歸覈
實查直東交界運河一帶匪徒易於出沒此擎
彼竄未能一律肅清惟有會商王榕吉酌派委
員分投搜捕嚴懲首惡解散脅從勦撫兼施以
期仰副

聖主保衛閭閻之至意再團勇陳冠甲與回民讎殺
一節臣面詢德州知州據稱該團勇雖與回民

不睦尙無不法別情現擬諭令漢回和息不致
滋事合併聲明

同日直隸大順廣道王榕吉奏言 臣奉

命會同遮克敦布接辦直東防剿事宜當於勝保督
師路出大名時面商布置所留兵勇惟西安馬
隊四百名尙未據西安將軍選派到防其青德
滿營官兵二百餘名山東五營暨河間協官兵

三百餘名河南忠義勇六百名歸大名鎮總兵
伊綿阿管帶駐守濮州又宣化兵八百名虎賁
勇四百名歸正定鎮總兵徐廷楷管帶駐守館
陶查詢各項兵勇多有疲乏臣已知會該兩鎮
認真點驗將不堪應用者速行遣撤以節虛糜
查山東邊境與臣管轄地面相接者北自邱館
莘冠南自朝觀濮范及菏澤等州縣綿長三百

集三教國文卷之六十四 三十一
餘里年來皆爲賊藪仰賴

天威勦撫兼施幸就救平第濮范一帶捻匪尙多潛
伏館冠餘孽未靖賊氛多在東境而流毒必及
直隸臣現已遴委妥員分赴各州縣會同查察
臣籍隸山東於該處人地尙知大概當親赴東
省邊境邀集各處紳耆輾轉勸諭使之互相保
衛曲周廣平等處向爲匪徒出沒之所亦已遴

員編查不使宵小溷跡至濮范降卒中之桀驁
不馴者尙須再行抽調一二千名前赴豫皖大
營令其帶罪自效方爲拔除禍根之計其河套
內餘匪現探擒首李占標等又復豎旗聚衆意
在出巢報復業經勝保棟派道員陳顯彝前往
濮州會同署大名府知府劉煦督飭劉效忠等
帶隊進剿臣亦卽馳赴開濮之間扼要設防一

面稟請山東撫臣添派得力鎮道大員前來會
辦一俟副都統遮克敦布到營與之悉心妥議
期顧全局

王榕吉又奏言查聯捷所帶勇丁一千餘名多
不得力臣所知者有薛直諒一隊四百餘名多
驍勇敢死之士誠如

聖諭若令散處四方恐致勾結匪徒別生枝節惟此

輩強悍成性平日多與大名本地居民積不相
能一旦屬聚歸來亦恐兩不相安激之成變現
由署大名府知府劉煦稟商勝保設法安插其
餘勇下容俟副都統遮克敦布到防再與妥議
分別留撤均奏入

上命議政王軍機大臣傳諭遮克敦布王榕吉日勝
保所留兵勇旣據王榕吉奏稱多有疲乏卽著遮

克敦布於到防後會同王榕吉認真點驗裁汰以
節虛糜聯捷防河勇丁由豫撤回以後凡驍勇敢
死之士自應留於軍營以資得力其餘勇丁應行
遣散並著妥爲籌辦至濮范降卒中之桀驁不馴
者據王榕吉稱尙須再行抽調一二千名前赴豫
皖軍營效力著該副都統等咨商勝保辦理遮克
敦布所稱投誠降衆未盡渡河據勝保奏稱已派

明慶前往辦理此項降衆如敢滋事卽著遮克敦布等派兵會同明慶實力剿除勿任一名漏網至直東交界運河一帶據遮克敦布奏稱未能肅清並據王榕吉奏河套餘匪探有捻首李占標等豎旗聚衆意在出巢業經勝保派隊往剿卽著該副都統等相機策應會合剿捕其廣平各屬應如何周厯巡查消息未萌均著悉心妥辦遮克敦布奏

陳冠甲尙無不法等語陳冠甲旣無不法重情自應由該地方官妥爲駕馭以免別生事端至該副都統等係歸僧格林沁節制此後如實有緊要事件准其專摺奏報其餘辦理事宜均著稟知僧格林沁妥籌具奏以免歧誤

欽定剿平捻匪方略卷一百三十五 壬戌年

二月初二日 乙卯 勝保奏言逆捻張落刑等勾結

髮逆圍攻潁郡知大兵將至分遣逆黨姜台凌
孫四瞎等四十餘旗捻衆一萬數千人肆擾潁
西太和一帶阻我進兵之路沙河以南各民圩
多被脅從勢甚猖獗 臣先飭總兵成祿一軍進
紮皖豫毗連之界首集將撲河之賊擊退匪衆

退踞沙河南岸之魏家窰邢家寨等處正月十三四等日該逆攻撲太和縣城經臬司黃元吉等督率兵練擊退仍分踞近城數里之萬福溝等處其大股屯紮穗子鋪屢撲界首集邊馬至槐店以東游駛圖阻我師臣復飭道員洪貞謙等馬步兵勇前往助剿十六七八等日成祿等疊次獲捷斬馘甚多洪貞謙等馳抵槐店密約

成祿等先後夾擊二十日我軍分三路進剿該
逆萬餘人列陣迎拒勢甚兇猛我軍如牆而進
槍礮連環匪衆應聲而倒成祿督隊由界首集
抄其後路賊腹背受敵勢不能支紛紛退過浮
橋向南狂竄兵練四路兜擊共計殲斃千餘名
逆衆仍在沙河以南各圩盤踞惟潁郡待援萬
緊據探東南兩面賊營甚多無路進兵北面臨

河惟西面紮有賊營七座必須由此路進勦現
在西面被圍稍鬆文報暫可出入接據賈臻咨
稱該逆屢挖地道均經我軍堵禦現又開挖長
濠爲久困之計臣聞信飛派總兵成祿參將宋
憬詩合爲一隊以作前敵烏勒興阿劉景芳合
爲一隊以作策應飭令剋日拔隊馳赴太和進
紮距城三十餘里之劉家集一帶節節進逼併

力痛勦以期迅解重圍惟前敵馬步隊業已懸
軍深入而毫捨大股出竄已過宋郡或直趨劉
口徑竄山東或西擾豫省均未可定兼之汝光
土匪蔓延正新汝確信羅光固等州縣徧地賊
氛臣派赴前敵各軍已八千餘人僅存馬步兵
勇四千餘名親督駐紮陳郡後路兵力已單若
再輕率前進設宋郡竄匪北來汝郡土匪南至

均可截大軍後路爲患非輕臣再四籌維惟有暫紮陳州居中調度先其所急督飭赴援諸軍迅解潁圍然後以次掃蕩皖豫各匪肅清腹患勝保又奏言接據河南藩司張曜稟稱捻首陳大禧糾合新項大股匪衆萬餘人攻撲郭樓前敵營盤又勾結阜陽三河尖等股數千人竄踞萬寨一帶張鳳林等匪復合正息土捻八千餘

人窺伺汝郡正月二十三日該司會同庶吉士
吳元炳督帶馬步各隊由城北東岳廟一帶進
剿賊匪直前迎拒抵死不退自辰至未鏖戰四
時之久適汝甯府調派練丁由西北前來賊見
援兵大至登時驚惶我軍奮力掩殺賊不能支
紛向東南狂奔追至三十里之旗溝地方沿途
擒斬賊匪一千三百餘名此次剿匪雖爲得手

而陳大禧負固平輿各股匪勢尙張前派副將
楊飛熊一軍現已馳抵上蔡本應會合痛剿惟
刻下潁郡待援萬緊而沙河南岸匪勢縱橫非
厚集兵力不足以遏兇鋒而保後路自當先其
所急飛調該副將迅由汝甯馳赴槐店策應援
潁前敵各軍聽候臣就近調遣俟潁郡解圍後
或應飭回汝郡或會擣老巢再與河南撫臣商

酌相機調度

勝保又奏言頃接副都統烏勒興阿副將劉景芳稟稱正月二十二日由界首集督帶隊伍過沙河南岸進剿匪衆萬餘人蠶擁而至列仗抵拒我軍併力奮擊自辰至午鏖戰三時之久賊勢過衆烏勒興阿指揮衝突正在危急之際適臣續派赴援之參將宋憬詩等督隊馳至衝入

重圍賊衆披靡與烏勒興阿等合力痛剿賊勢
大潰我軍乘勝追殺共計殲賊一千餘名查沙
南各匪股數衆多時圖抄襲我軍後路惟穎郡
待援緊急該副都統等卽欲於二十三日拔隊
起程乃經鄉民哀求不放出寨故是日未能成
行等情 臣接閱之下曷深焦急已將該副都統
等摘去頂戴仍責令迅速督隊前進由太和以

東之劉家集節節掃蕩進援潁郡不准片刻遲
留如再不知奮勉卽行叅奏治罪又據探報亳
州各圩五旗俱動王懷易雷燕等大股由鹿邑
西竄二十四日至老鴉店丁村等處盤踞邊馬
擾及吳召廟地方距陳郡僅七十餘里臣飛飭
知縣孫禧等帶領所部誠順五營馬勇一千餘
名馳赴試量集一帶相機勦辦並號召附近鄉

團協同兜剿以遏逆氛此時捻衆紛至沓來汝
匪猖獗於東南毫匪驀越於東北均爲切近之
患且前此竄過歸德大股據探睢杞兩邑已有
匪蹤距陳亦僅百數十里逆氛逼近省門臣兵
力過單實有應援不暇之勢惟有隨時相機調
度飛咨河南撫臣嚴密備禦以固根本重地如
果省垣有警臣仍當撥兵援應以期力保完善

同日賈臻奏言圍城逆匪環窆長濠每日廣列
旗仗遮蔽濠前正月十七日我軍分路出擊遊
擊梁士紳等帶領勁卒五百人首出南寨逆衆
排隊抵拒梁士紳等大呼陷陣衆兵橫衝斜突
所向披靡該逆退過長濠少頃賊復越濠進犯
遊擊范文英帶勇趕至南關與梁士紳等合隊
力勦自辰至午撲壓二十餘次士氣愈厲計斃

賊四五百名餘賊越濠狂奔東路賊衆趨赴南路
路援應遊擊李安邦出東關列隊截擊立斃悍
賊百餘名逆勢潰敗竄回東面賊壘此後逐日
誘戰屢有殲擒兇燄稍戢至二十日夜圩東門
外地道轟發圩牆震塌兩丈餘羣逆正待撲進
乃西風大起藥力忽然倒坐反將賊踞廟房數
間轟塌瓦亂飛斃賊甚夥趁此呼吸之際我

軍上緊堵塞完固正在竭力搶護之時而圩門
迤南又發地道二處外濠地面塌卸四五丈餘
幸圩牆毫無損壞賊衆見此兩穴又未轟開廢
然而返郡城幸保無虞刻下援師未來城圍仍
緊惟有督飭將士嚴密守禦不敢稍涉疏懈均
奏入

上命議政王軍機大臣傳諭勝保袁甲三鄭元善毛

熙熙賈臻曰此次逆賊圍攻潁郡勢甚兇悍雖堵
剿獲勝第厯據賈臻奏報情形極爲危迫副都統
烏勒興阿副將劉景芳經勝保飭令援潁乃託詞
沙南剿匪獲勝鄉民不放出寨遷延不進顯係心
存畏葸烏勒興阿劉景芳著先行摘去頂戴責令
由劉家集一帶剋期援潁不准片刻逗留如再藉
詞延玩卽行從嚴奏叅治罪以肅軍律總兵成祿

帶隊前赴潁州至今已近兩月尙未進援實屬畏
葸無能著該大臣嚴飭前往潁郡相機進剿儻仍
沿途遷延必當重治其罪勝保本係統兵援潁惟
新汝等處徧地賊氛准其暫駐陳州第該郡距賊
較遠該大臣仍當酌量前進楊飛熊一軍本因汝
甯兵單調往助剿勝保已派成祿等軍八千名赴
皖河南省防空虛應否飭令該員馳赴槐店策應

援穎之處卽著鄭元善酌量辦理毫匪五旗並動
已由鹿邑西竄擾及吳召廟地方毛永熙務當力
遏賊鋒毋得徒託空言任賊遠竄省防尤應妥籌
儻有緊急勝保仍當派兵策應不得以兵單爲詞
致有貽誤賈臻一面激勵將士竭力固守一面催
提成祿等軍迅速馳援儻再託詞延玩卽由該藩
司叅奏毋稍瞻徇袁甲三於穎郡情形雖道途阻

隔亦當隨時探明奏報以期周密李續宜派赴援
穎之提督成大吉等已否起程卽著迅催前進勿
稍稽緩

初三日丙辰吳棠奏言臣於正月十九日派總兵

龔耀倫等帶隊馳赴車橋與都興阿派來之總
兵王萬清合隊截剿淮東捻股詎二十一日捻
匪另股竄至阜甯之東溝東坎安東之佃湖地

方有南撲淮安之信臣卽於二十二日帶親軍
五百名馳赴淮安爾時各軍均已派出存城兵
勇無多臣一面與晏端書調集團練分守郡城
暨河下淮關各民圩一面飛調龔耀倫帶馬隊
回顧清江留步隊守車橋與寶應鹽城一帶礮
船聯絡聲勢以扼東竄之路又趕調王萬清帶
隊回顧淮安正調派閒該逆大股來撲淮城臣

與晏端書督飭文武官紳嚴加防守開放大礮
擊倒馬賊十餘名當日據龔耀倫報稱二十二
日另股捻逆馬步七八千人由西北澗河兩岸
直撲車橋我軍潛伏不動遊擊黃國瑞帶領步
勇五百餘名繞從後面出其不意衝入賊中龔
耀倫等奮勇夾擊該逆不支向西北奔潰各軍
乘勝追殺二十餘里沿途斃賊八百餘名是晚

龔耀倫帶隊到淮 臣卽飭其趕赴清江王萬清
黃國瑞等亦同時帶隊到淮其時該逆散踞淮
安城外各村莊二十三日 臣派黃國瑞王萬清
等分路進擊沿村搜殺擒逆三百餘名其大股
馬賊聞風先遁步賊萬餘正在列仗未成之際
經王萬清等合力衝突立將該逆壓下十餘里
斃賊六百餘名復經鄉團截殺餘匪均向西北

潰竄旋因版牘告急隨派黃國瑞等帶隊八百
名前往駐守復據探稱捻股竄至百子堂官莊
等處清江情形喫緊臣連夜馳回清江仍留王
萬清守淮安總兵鶴齡守河下參將穆恆德等
守下關二十四日該逆馬賊一股竄至王營以
北意圖牽掣王營官軍一股竄至王營以西意
圖襲撲清江當經駐紮王營之縣丞吳炳庭帶

隊先剿西面捻股時天色微明又值大霧該逆馬賊五百餘名已至清江北圩濠外吳炳庭遂令各馬勇脫去號衣捲掩旗幟自後混入賊隊該逆尙不知覺徑行下馬爬圩經臣飭令守圩兵練執械嚴防並拋輒石打倒逆賊多名吳炳庭等自賊隊中吶喊衝出該逆驚駭無措下馬之賊二百餘名悉數殲斃餘匪潰散經吳炳庭

追至王營並將北面馬賊四百餘名乘勝擊敗
沿途勦擊至鹽河南岸又斃賊二百餘名落河
淹斃不計其數 臣當派龔耀倫統帶馬步各隊
二千餘名扼紮王營北鹽河南岸該逆大股疊
次來撲均經擊退是日有後股捻首李城帶馬
賊三百餘名步賊二千餘名直撲版牖該處圩
工未成被馬賊闖入圩內二十餘名經總兵張

士芳等奮力迎擊立斬馬賊十餘名並將捻首
李城斫傷又經黃國瑞追殺十餘里斃賊三百
餘名該逆因車橋鹽城等處堵禦嚴密不能東
竄又在清淮等處屢被官兵擊敗不能南趨遂
由鹽河北岸向西北敗竄臣接德楞額來函知
已督帶馬隊二千餘名馳抵宿遷縣順河集地
方現今捻股敗竄已過清江西四十里之漁溝

地方步隊連日奔馳疲乏追剿一時難及臣一
面派袁世功等馬隊五百名馳赴西路追賊一
面飛咨德楞額星夜前來臣所派馬隊卽歸德
楞額統帶以期合隊追擊並飛飭西路各團練
嚴防圩寨以杜奔突

吳棠又奏言據阜甯縣知縣畢培貞稟報正月
十五日晚閒望見安東縣中河迤南火光十六

日捻股由周門鎮蘇家嘴等處向東北竄擾距縣四五十里畢培貞因城牆坍塌缺城圩甫修未成立卽調集兵練分門扼守十七日賊股萬餘四面圍撲縣城畢培貞與遊擊安殿士守備張薪樞等登陴固守自卯至申該逆疊次來撲均經畢培貞等擊退至酉刻賊股愈聚愈衆抵死奔突闖入阜甯城內畢培貞等腹背受敵兵練

死傷潰散遂退守射陽湖以顧下河門戶一面
飛調東南鄉團練六千餘名設法進剿十九日
夜閒畢培貞等分兩路渡湖掩至阜甯縣城該
逆不知虛實未及列仗迎拒畢培貞帶領兵練
一擁入城該逆驚惶亂竄卽於二十日黎明將
縣城克復斃賊四百餘名畢培貞等又復帶隊
追剿十餘里賊股敗向安東縣境等情臣查此

次捻股東竄五萬有餘連日臣督隊分投馳剿雖屢獲勝仗將賊擊退皆係以少擊衆竭力支持阜甯縣城不守畢培貞有應得之罪惟該員於失守後仍能調集團練於三日內克復縣城尙可量從未減相應請

旨將阜甯縣知縣畢培貞卽行革職以示懲儆其餘在城文武俟臣查明另行叅辦奏入

上諭內閣曰擒匪大股撲犯淮安經吳棠與晏端書督飭文武官紳嚴加防守另股直撲車橋龔耀倫等帶勇夾擊該逆向西北奔潰各軍追殺二十餘里斃賊八百餘名該逆散踞淮安城外各村莊我軍分路齊進搜殺擒逆三百餘名馬賊聞風先遁王萬清等復將步賊壓下十餘里斃賊六百餘名該擒竄至王營龔撲清江北圩適吳棠馳回清江

防守縣丞吳炳庭等帶隊衝突斃賊二百餘名復
追剿至鹽河南岸又斃賊二百餘名後股捻匪直
撲版牘經黃國瑞追殺十餘里斃賊三百餘名該
逆向西北敗竄仍著吳棠嚴飭袁世功等會同德
楞額馬隊將西竄捻股追剿淨盡此次在事各員
雖未據吳棠奏請獎敘而覽其所奏以少擊衆剿
辦尙屬出力著吳棠擇尤保奏候朕施恩阜甯縣

知縣畢培貞於失守城池後旋即調集團練於三日內克復縣城惟究未能防範於前著卽革職以示懲儆其餘在城文武著吳棠查明叅辦

初五日 戊午 鄭元善奏言擬准親王僧格林沁咨

稱大軍現由豫境歸德一帶進剿亳捻當卽催提副將余際昌等軍以便會合宋軍策應東路旋探亳東捻旗已動本月二十一二等日賊隊

由營郭蔡道口一帶竄入豫境行蹤剽疾時毛
飛熙由省回宋行抵杞城飛函知會該捻糾集
各股精悍二萬餘人已由甯陵睢州各境焚掠
而西邊騎到處撲城均經各該地方官督勇擊
退二十四日全股進偪杞城經毛飛熙先期飛
調陳祿興勇隊由甯陵抄前援應一面督率署
知縣劉時修布置城守是日申酉之交匪衆蟻

附關廂勢極洶涌正在督勇轟擊旋見後隊賊騎紛紛敗竄偵知僧格林沁已督馬隊三千由劉口追賊至杞在城東三里堡接仗獲勝當派城勇乘勢繼擊斬馘多名該匪退至護城隄外往來游駛二十五六等日屢次撲城馬隊出擊均有擒斬賊仍在近城四面屯聚並攻破附近民寨意圖盤踞各等情臣聞報後立即親督馬

步二千人於二十七日拔隊東進行抵陳留據報匪衆麕集杞西游騎已至陳留交界之韓岡一帶當將大隊扼紮陳留連日派隊至韓岡東探蹤勦擊而沿途寇騎充斥兵力過單且與僧營隔絕彼此難以策應余際昌一軍業經到省現已飛調馳赴陳留相機進勦並函咨勝保就近由陳州派兵以扼南路一面約會僧格林

沁毛永熙會合夾擊期。穢醜類惟省垣爲根本
重地而存兵無幾萬一賊勢西趨臣仍當親督
各隊回顧省防兼備西路不敢顧此失彼致有
疏虞奏入

上命議政王軍機大臣傳諭僧格林沁勝保鄭元善
毛永熙曰僧格林沁駐軍單縣此時聞由豫境歸
德一帶進剿毫無是否係該大臣前敵之軍抑係

親督大軍前往毛昶熙之兵駐紮歸德該捻由亳
東竄至甯陵等縣何以先事毫無豫備臨時始行
調隊迎剿現在僧格林沁之兵已至杞縣攻賊之
後而歸德陳州又有毛昶熙勝保之兵鄭元善復
在陳留堵截該匪攻樸村墟想因官兵三面緊迫
之故現在如能剿洗淨盡固可一勞永逸儻兜剿
不密鋌而走險恐其由考城一帶乘虛北竄僧格

林沁是否尙在曹單該處有無大隊可以堵截殊
切懸系鄭元善駐兵陳留其通許一帶有無防守
能否遏截西竄均著面面籌到並著激勸兵勇奮
開賊壘與僧格林沁馬隊會合僧格林沁所派之
兵現已接仗獲勝著卽飛飭乘勝進攻毋稍鬆懈
毛永熙駐守杞城仍應選派勁旅出城會合夾擊
一面飭令歸德軍營嚴密防剿並著勝保由陳州

調撥得力兵勇遏賊南竄之路以期四面兜剿者
城防務著鄭元善妥籌兼顧毋稍疏懈

初七日

庚申

勝保奏言逆捻姜台凌等股盤踞沙

河南岸邢家寨等圩抗阻官軍據總兵成祿副
將劉景芳等稟報二十八日我軍由蘆子鋪過
河進剿斃匪甚多逆衆退入邢家寨死拒次日
我軍過河攻破田仲營賊寨斃悍賊三百餘

名又據探報亳州大股捻匪分兩路西犯一由歸德之北直犯睢杞圖撲省城一係王懷易雷燕等捻衆萬餘人由鹿邑竄入試量集圖撲陳州邊馬已至戴家集等處距郡城僅二十餘里臣聞警卽派知縣孫禧等帶領誠順營馬勇一千一百餘名馳赴迎擊二十七日馬步賊匪由仁興集直奔陳州大路而來我軍分三路進剿

殲馘多名逆衆折竄東南汲冢集二十八日我
軍跟蹤追剿該逆回竄東南已入亳境未便窮
追收隊回營其另股數千人由亳境突竄陳州
東南四十餘里之馮塘魯臺等處屯踞以阻我
師赴槐店之道並據探報陳郡正南四十餘里
之新站及水寨一帶有逆捻大股數萬人由西
南突竄而至勢將與馮塘之匪聯爲一片臣卽

派軍功董道平等馬步各勇星馳堵剿復接藩
司張曜稟報新蔡擒匪楊方衡等勾結大股於
正月十四日圍攻新蔡分踞四關共紮賊營二
十餘座築立礮臺槍礮環攻已六晝夜之久城
內糧食火藥將盡危急萬分又據項城縣稟報
二十四日逆捻張落刑大股突竄包河橋孫灣
店一帶二十五日攻撲縣城城上槍礮轟擊匪

集賢堂 卷之三十三 三十三

衆退圍永和寨以僞示射入寨中內有二十二
日攻克新蔡之語查新蔡被圍萬分危急是否
已被攻陷抑係該逆等虛詞恐嚇現道途梗塞
尙未接確實稟報 臣復添派誠順營馬勇馳赴
南路會同董道平等迅將馮塘新站等處之賊
併力奮擊疏通進兵之路其由歸德竄往睢杞
一股經僧格林沁馬隊擊勦逆衆敗竄杞鹿太

交界之新集水集等處蔓延太康將犯陳州之
北臣派往前敵各軍不下萬餘人業已深入存
營馬步僅三千餘人力難分投肆應副都統明
慶所追河北逃回降衆沿途會圍截殺所餘無
幾現調該副都統迅帶所部馬隊五百名來陳
以資調遣並催調副將楊飛熊一軍援勦項城
新蔡諸賊以遏南路逆燄惟後路杞太大股竄

匪亟須掃蕩現僧格林沁親督馬隊追剿已抵
杞縣毛毖熙亦行抵該處鄭元善調集參將楊
長春等軍扼紮陳留合力堵剿省垣門戶可保
無虞惟恐該匪被剿南奔則必趨鹿太臣旣腹
背受敵且有斷絕糧道之虞臣軍實已無可分
撥再三籌畫惟有仰懇

天恩飭下僧格林沁酌量情形於擊退此股匪徒後

如可駐紮歸德睢杞之間則步步進逼爲會擣
蒙亳老巢之計或東省鄆單一帶仍須兼顧則
不能久駐豫疆應請選派得力馬隊一二千名
扼紮鹿太之交策應臣軍後路實於皖豫軍務
有裨再臣營餉需缺乏隨帶軍火亦虞短絀請
飭河南撫臣迅速籌解毋稍延誤至潁州被圍情形
日見緊急前敵道員洪貞謙現已馳抵太和會

同署臬司黃元吉收撫附近民圩號召皖豫各
鄉團齊至太和聽候調遣總兵成祿一軍亦已
由穗子鋪拔隊赴太節節進紮以期迅解重圍
臣本擬日內馳赴槐店調度前敵各軍督率進
剿剋期援頴無如大股捻逆四路抄截阻我軍
行殊堪痛恨楚軍尙駐六安杳無赴援信息應

請

飭下安徽撫臣李續宜迅速赴援卽使潁南賊勢縱橫路途梗阻亦宜設法前進毋再觀望遲延致誤事機

勝保又奏言正繕摺聞接准鄭元善函稱亳捻大股麕集杞縣四鄉占民寨築木壘爲久抗計請臣派隊由太康通許一路直達杞南以便合剿等情臣自應派兵前往惟臣前敵各軍業已

深入援潁大營存兵無多東南北三面賊氛環
逼分投堵擊已屬萬分喫重實無可撥之兵且
潁郡被圍已四十餘日待援萬緊勢難回軍北
勦躊躇再四惟有先其所急督飭前敵諸軍滾
營前進直抵潁郡迅解重圍一俟圍解兵力便
可抽分再當酌度緩急或回軍會勦杞境竄捻
或徑擣蒙亳老巢屆時會商辦理

勝保又奏言接准鄭元善咨稱豫省騎兵足敷
調遣已將奉撥西安馬隊奏請停止自爲搏節
餉糈起見惟現在豫省捻逆各股麕集東南毫
捻大股時撲省門圖擾西北設乘虛渡河北犯
實爲可慮自嚴樹森奏撤聯捷防河一軍將直
東豫晉四省防務均責成地方官辦理現直東
兩省河口有遮克敦布王榕吉督率兵勇堵剿

專司其事尙可無虞惟豫境所轄黃河上下游
互延數百里虛無一兵卽謂遇有緊急可由省
防派兵馳勦不知汴垣防勇一遇大股竄擾方
顧南岸之不遑斷不能更顧北岸至衛懷等處
甫經團練之衆恐難抵禦大股查上年河北兩
次被匪竄擾彰衛各屬均經蹂躪獨懷慶一府
得以保全實聯捷一軍堵擊之力臣抵汴後疊

接河北各屬紳民呈請奏留聯捷仍辦防河臣
明查暗訪該紳民等所稟各情尙無虛飾卽其
所帶之勇以少勝多亦能得力是嚴樹森前奏
未免失實現旣奉

旨飭令聯捷回京臣亦未便再爲瀆請惟查此起西
安馬隊五百名雖不如吉林黑龍江馬隊驍勇
善戰究係訓練之衆銳氣可用現據陝西撫臣

瑛棨來咨知於正月十九日自陝起程計期已
行抵豫境應請

飭令此起馬隊毋庸撤回卽由孟津過河於懷衛沿
河擇要扼紮巡防北岸遇有賊警督率各團認
眞防勦與直境遮克敦布王榕吉一軍遙爲聲
援互相策應庶河朔不致空虛於北路大局實
有裨益奏入

上命議政王軍機大臣傳諭僧格林沁勝保鄭元善
毛昶熙李續宜曰亳州捻逆糾合匪衆直奔陳州
經官軍擊退後另股又竄至馮塘新站等處新蔡
亦復被圍睢杞捻衆經僧格林沁勦敗後回犯陳
州該郡三面逆氛環逼其軍情緊迫自係實在情
形惟毛昶熙帶兵五千有餘扼紮歸德何以此次
捻衆西竄未見派兵堵遏卽使毛昶熙阻隔在杞

營中將弁竟不援救緩急更何足恃該學士現已
回營卽著派兵痛勦儻仍不能得力一任辜捻紛
竄必將毛昶熙治罪另派大員統帶其衆勝保駐
紮陳州原爲居中調度前奏省城有警分兵兼顧
該大臣自任甚力現在何以不能分勦西竄捻逆
亦未將項城新蔡一帶匪衆實力掃蕩僧格林沁
赴豫之師未必能厚尙能勦敗西竄大股捻逆可

見實心辦事自必立收成效也該親王扼紮鄆單
南援清淮兼顧豫省兵力亦以分而見單勝保請
俟僧格林沁擊退杞縣股匪後卽駐紮歸德睢杞
之間爲會擣蒙亳之計如鄆單尙須兼顧卽選馬
隊一二千扼紮鹿太爲勝保後路策應是否可行
著僧格林沁酌量辦理勝保務當就現有兵力妥
爲籌勦不得以兵單餉絀藉詞諉過潁郡被圍已

久前將烏勒興阿等摘頂示懲並催成祿等軍進
援務卽飭令進解潁圍力掃賊氛毋稍延宕該大
臣本係援潁之師責無旁貸不得專俟楚師致滋
貽誤李續宜前調赴援潁州之成大吉一軍現在
行抵何處卽著催令前進如果成祿等軍不能迅
速前進該撫亦當妥爲籌畫毋致誤事聯捷前在
河北因其不能得力飭令回京茲據該大臣奏稱

河北士民請留聯捷仍著候旨遵行西安馬隊到
豫暫留勝保軍營惟豫省餉項是否足敷支應著
鄭元善酌量具奏汴城兵力甚單現在雖可無虞
鄭元善仍當妥爲兼顧毋稍疏忽

上又命議政王軍機大臣傳諭僧格林沁曰前因疊
次有人奏聯捷帶兵防河不能得力是以飭令回
京其所帶兵勇交遮克敦布等分別去留茲據勝

保奏上年彰衛兩府被賊蹂躪獨懷慶一府保全
實由聯捷一軍堵禦之力現在河朔士民紛紛呈
請奏留聯捷仍辦防河勝保明查暗訪聯捷所帶
之勇實能以少勝多等語聯捷防河本不得力遇
有警報輒遁回懷慶以避賊鋒僧格林沁駐軍東
省想已早有所聞此次紳民所遞呈詞有無虛飾
其河朔防務業經各督撫分投布置是否足資抵

禦抑或必得聯捷督辦始保無虞並勝保稱疆境
所轄黃河上下游互延數百里虛無一兵省防及
衛懷之圍均難移撥抵禦各情是否確實均著僧
格林沁酌度情形切實覆奏

上又命議政王軍機大臣傳諭鄭元善毛昶熙曰據
勝保奏豫省捻股麇集恐其乘虛北犯河朔直東
兩省河口有遮克敦布王榕吉督率兵勇籌防尙

可無虞惟豫境所轄黃河上下游互延數百里無
兵駐守河北各屬紳民請留聯捷防河等語究竟
聯捷辦理防務是否得力留於豫省有無實濟著
鄭元善毛昶熙確切查明據實覆奏毋許稍有瞻
徇如果聯捷之在河北實能保障地方該處士民
同深感戴該撫等必得其詳但不准以保留該員
在豫爲地方誘卸防河地步將來聯捷如有名無

實不能堵剿賊匪仍惟各該疆吏是問又據勝保
奏軍餉缺乏隨帶軍火亦虞短絀著鄭元善將應
撥勝保軍營月餉軍火迅速籌解毋稍遲誤

欽定勦平捻匪方略卷一百三十六 壬戌年

二月初九日

壬戌

譚廷襄奏言教會各匪經勝保

分別招撫奏明帶同誠順等七營南下隨征業

已自館陶起程取道大名派員督押前進旋據

稟報有張玉懷楊蓬嶺二人帶同馬步一二千

名折入朝城境內已經勝保飭令副都統明慶

等督帶馬隊隨後趕到並經直隸大順廣道王

榕吉馳至一同曉諭該衆等仍舊南行旋復折
回於本月初二三等日以湊集盤費爲詞逐漸
北趨冠縣清水鎮一帶 臣查該降衆等蒙

恩准其免死隨征自效竟敢私自折回已屬有干軍
律况遲回觀望藉口遷延心懷叵測 臣現派隊
前赴堂邑駐紮聞明慶暨王榕吉等已馳赴冠
縣進紮清水鎮與留防館陶總兵徐廷楷堵禦

北路臣又飭臨清州會同臨清協督帶兵勇防
範適遮克敦布抵東擬卽督帶德州勇二百四
十名並添調沙鎮練勇三百名馳赴臨館一帶
相機辦理如該降衆遵令南下應由明慶等督
帶前進儻敢堅執不允或有滋擾情事卽行四
面兜剿以期一鼓殲除

譚廷襄又奏言再查沂州府屬蘭山鄒城二縣

界接江南向爲幅匪棍匪出沒之區疊飭該管
文武督率兵團相機防剿時有斬擒德楞額一
軍現聞駐紮江南之順河集以防擒逆卽在鄰
城之南茲據郟城縣稟報擒逆前股被剿回竄
沐陽後股勾結土匪在紅花埠東南山根盤踞
時出滋擾均經擊退又據蘭山縣稟報幅匪宋
三剛等先在南曲坊等處屯踞旋於正月二十

八日向東北竄去並有另股姜三壯等擁衆由王家橋等處渡河亦向東北竄去探聞已及莒州邊界等情臣查莒州爲由沂入青萊之路已飛飭沂州及青萊等屬文武分督兵團扼防邊界並咨青州副都統將豫備防海官兵派員管帶探明協同堵禦又嶧縣匪徒劉雙印等勾結劉平餘黨聚衆滋擾聲言圍城已由該縣就近

稟請德楞額回軍援應該處係德楞額久經駐紮之地自可併力殲除至曹單等處漸已平靖僧格林沁於正月二十二日移軍曹考交界之劉家口復進剿南捻大股在河南睢州地方接仗獲勝探聞追至杞縣仍圖截擊奏入

上命議政王軍機大臣傳諭僧格林沁勝保譚廷襄遮克敦布曰據譚廷襄奏赴豫降衆張玉懷等帶

同馬步一二千名折入朝城經明慶等押令南行
旋復折回逐漸北趨冠縣清水鎮一帶等語直東
降衆本不足恃屢諭勝保妥爲防範嗣經該大臣
調赴皖豫卽有變計思歸之奏昨又奏稱沿途會
圍截殺所餘無幾何以尙有張玉懷等仍赴冠縣
此事關繫直東防務豈可飾詞具奏該降衆等本
應駢首免其一死給予口糧令其隨征自效已屬

法外之仁現在仍復折回諒因河套中尙未肅清
意圖勾結滋擾卽使勉強押令南行仍恐緩急之
際變生肘腋莫若乘此時四面截殺免貽後患卽
著僧格林沁譚廷襄遮克敦布等妥籌辦理毋稍
濡忍致誤事機明慶所帶馬隊五百名雖因陳州
喫緊調回第此事勝保辦理不善咎無可辭豈可
因已離直東卽不思力圖補救仍著勝保飭令該

副都統駐紮冠縣與王榕吉等妥商籌辦儻明慶業已起程卽由譚廷襄咨令折回務期將此股降衆辦理妥協再行南下東省西路雖有僧格林沁大兵駐紮而東南尙形空虛德楞額一軍如可折回卽令扼紮嶧縣其幅匪竄及莒州尤應嚴爲堵禦卽著譚廷襄嚴飭沂州青萊等屬文武紳團並咨青州副都統一體協同堵剿毋任蔓延

初十日癸亥勝保奏言臣連日督飭誠順靖安兩

營馬勇並參將李忠華等步勇分擊馮塘魯台
等處各擒斬馘多名匪勢退卻在槐店附近一
二十里外游弋道員洪貞謙暨總兵成祿等均
已督隊馳抵太和會同署臬司黃元吉號召民
團收撫各圩以助官軍援穎所有穗子鋪一帶
偏近沙河南岸各賊時圖過河攻撲經臣派遊

擊闔進升等帶勇一千名扼紮堵剿策應前敵
該逆大股分撲太和穗子鋪等處我軍分向太
和東南兩河口陳家埠口堵遏賊衝惟賊勢過
衆分投截擊幾於應接不暇旋接署安徽撫臣
賈臻稟稱正月二十七日擊賊大捷連破賊營
三座賊卡十三處堵塞地道口門兵氣較揚人
心亦定惟城外賊營仍舊合圍而張落刑盤踞

穎上未動並據城練得苗沛霖書有二月初四日帶練先拔穎上後解穎圍之約臣查苗沛霖既有赴郡解圍之說其非甘心叛逆尙有可原臣仍當相度情形如果真能立功贖罪再行酌度妥辦請

旨遵行惟現在自馮塘槐店以至穗子鋪太和縣中間處處爲賊牽掣道路時塞時通臣現擬親督

隨營馬步馳赴槐店酌度前敵機宜進抵太和
督飭該鎮道等由劉家集王家圩等處節節掃
蕩直抵潁郡北門會合郡軍內外夾擊以解重
圍再接探報北路大股毫捻於二十七八九等
日屢次圍攻杞縣四面築立長圍僧格林沁毛
永熙派隊出勦屢擊不退邊馬北至蘭儀南到
太康通許各處撫臣鄭元善馳抵陳留爲賊所

阻未能會合等情查僧格林沁毛飛熙被圍在
杞急應撥兵援應臣軍現在進解潁圍正當喫
緊之際勢難掣動不得已派知縣侯楨等帶新
募壯勇一千名駐紮太康援勦杞縣相機策應
並飛飭總兵黃得魁在省城一帶迅集得力楚
勇一千名馳赴陳留隨同撫臣協力勦擊現副
都統明慶帶領黑龍江馬隊五百名業將河北

逃回降衆追及已飛飭其督帶來南兼程渡黃
就近馳赴陳留杞縣助勦以厚兵力 臣仍先其
所急卽日督隊馳援潁郡一俟潁圍解後如北
路賊勢尙熾再行酌量回軍與僧格林沁等會
合勦辦

勝保又奏言查誠順七營降衆馬勇經 臣自館
陶統帶南下其先行過河者雷鳳鳴等五營勇

集三十七頁之四卷二百三十二
隊一千二百餘名由臣督帶來陳駐紮派令擊
勦試量集等處竄匪極爲得力其二起楊蓬嶺
張玉懷所帶降衆數百人因船少待渡露宿河
干數日遂變計思歸經臣派副都統明慶已革
道員周士鍵馳往北岸迅速追及相機辦理茲
據稟稱楊蓬嶺張玉懷於二十一日回歸冠縣
所部降衆除沿途會團擊殺外俱四散歸家皆

在朝觀一帶一路尙無騷擾情事周士健會同
大名道王榕吉馳抵觀城派弁前往撫輯而楊
蓬嶺已自行投到據稱過河時別隊訛言所有
降衆過河卽殺遂致大衆疑懼不肯渡河該頭
目再三開導而部衆竟自北來該頭目恐沿途
生事不得已一路彈壓而回此時惟有速卽齊
隊跟隨南渡以贖前愆等語並見張玉懷所言

大略相同定於二十七日帶領來觀謁見該道
等俟見過後卽令趕緊齊隊分起起程等情伏
查該降衆等以惑於訛言致生疑懼變計思歸
並無反側之意該頭目楊蓬嶺張玉懷二人因
恐沿途生事復行折回亦係實在情形茲旣據
查明並無騷擾情事楊蓬嶺等並深知愧悔情
願齊隊跟隨效力自應網開一面以觀後效已

由臣飭令明慶周士鍵迅卽督帶黑龍江馬隊
並此兩起馬勇兼程南渡就近馳赴陳留杞縣
隨同撫臣鄭元善併力援剿再行馳赴大營聽
候調遣至周士鍵前因嚴樹森挾嫌傾陷致干
聖怒飭令革職離營惟查此起降衆歸誠時係派周
士鍵會同劉景芳收撫之人而爲楊蓬嶺等所
畏服臣於派令明慶北渡後因事關重大不敢

集賢堂卷之三十三
一
稍涉拘泥復添派周士鍵馳往會辦茲降衆仍
舊輸誠南下不致重煩兵力辦理尙合機宜堪
以仰慰

宸廑奏入

上命議政王軍機大臣傳諭勝保曰道員洪貞謙總
兵成祿業經督率前隊馳抵太和會同署臬司黃
元吉號召民團收撫各圩以助官軍援穎其沙河

南岸及穗子鋪等處亦經勝保派閻進升等帶隊
堵剿惟賊股甚衆處處牽掣必須盡力奮擊方可
開通道路勝保擬卽日親督馬步馳赴槐店並督
飭該鎮道等由劉家集等處滾營前進節節掃蕩
迅解潁圍卽著照所議迅速辦理毋稍遷延致干
重咎至賈臻所稱張落刑盤踞潁上未動苗沛霖
有二月初四日先拔潁上後解潁圍之約等語苗

沛霖心懷叵測其兇橫狡很道路皆知動以割別
曲直爲詞緩我進兵之計如果決志歸正必先將
張落刑殲除再行進解潁郡之圍始可明其心跡
若僅虛張聲勢派練赴援安知不與張落刑暗地
串通暫解潁圍遂其故智勝保斷不可墮其術中
致貽後患僧格林沁等被圍在杞旬餘未接該親
王奏報實深懸系亟應設法援救以解重圍勝保

督辦皖豫勦匪事宜責無旁貸著卽妥籌援勦無
致顧此失彼其黃得魁侯楨等並著嚴飭帶勇星
速赴救明慶所帶馬隊計已渡河南下著迅飭就
近馳赴杞縣與僧格林沁等軍內外夾擊力掃賊
氛日前勝保馳奏在陳州被困當寄諭僧格林沁
撥兵救援今據勝保奏僧格林沁被困在杞勝保
正宜迅速添兵赴豫如有疏虞惟勝保是問追回

降衆能否馴順尙未可必仍令前赴勝保軍營交
該大臣嚴行鈐轄斷不可令其隨同明慶赴杞致
有他虞至周士鍵平日聲名本屬惡劣復經嚴樹
森叅劾是以降旨將該員革職逐出軍營勝保何
得不遵詔旨擅自留營調遣如各路統兵大臣紛
紛效尤於明奉諭旨之件違抗不遵尙復成何事
體仍著勝保恪遵前旨將該革員迅速逐出毋得

徇情容隱

上又命議政王軍機大臣傳諭僧格林沁譚廷襄鄭元善毛昶熙曰前據鄭元善奏亳拾西竄杞縣經僧格林沁督軍進剿獲勝本日復據勝保馳奏探報北路巨捻三四萬人圍攻杞縣僧格林沁毛昶熙派隊出剿屢戰未退經該侍郎派知縣侯楨等帶領新募壯勇一千名駐紮太康相機援剿飭總

兵黃得魁在省城迅集得力楚勇一千馳赴陳留
隨同撫臣協力勦擊等語僧格林沁軍報未至已
浹兩旬節據鄭元善勝保所奏是該大臣已身入
杞縣與毛昶熙同在圍中殊深慮念單縣距杞不
遠大營兵勇爲數尙多務卽撥調赴援如能迅解
城圍與豫營兵勇會合痛勦大加懲創固屬不可
失之機萬一賊圍已合其勢狡猾卽當與毛昶熙

分籌戰守毛昶熙激勵民團督飭該縣文武將守
禦事宜力籌穩固毋稍大意僧格林沁飛調勁軍
能卽力戰衝圍突出不惟大軍駐單得所主張亦
可與鄭元善陳留等處官軍聲氣相通設法調度
斷不可因守危城爲賊牽掣致妨大局毛昶熙已
調陳祿興等勇隊赴援其歸德兵勇亦應添調助
剿鄭元善進駐陳留務與僧格林沁毛昶熙設法

會合內外夾擊以解城圍余際昌之軍已到應卽
先其所急飛調赴杞援應譚廷襄昨奏亦稱僧格
林沁移軍追賊已至杞縣著卽飛探如杞縣之圍
勢難衝突恐與單縣大軍聲息不通卽著該撫會
商國瑞等趕緊調撥策應毋稍延誤至曹單之防
亦須兼籌不可留兵太少顧此失彼本日復諭勝
保力籌援杞但該侍郎專力援潁所部之軍未知

能否分撥僧格林沁譚廷襄鄭元善毛昶熙務當
各就單營宋營及陳留各軍合力籌勦迅解重圍

十二日乙丑僧格林沁國瑞鄭元善毛昶熙奏言

臣僧格林沁於正月二十一日據虞城商邱各
縣稟稱亳東捻匪五旗並出欲由虞城西竄豫
境當與臣國瑞飛調駐紮碭山馬良集及單縣
之馬隊於二十二日馳赴曹縣劉口地方會齊

旋據探報該逆已由甯陵竄至睢州我軍於二
十四日追至睢州該逆已西竄杞縣卽督帶各
起馬隊向杞縣追勦午刻至許岡地方各股捻
匪列仗相拒馬步橫亙十餘里經署翼長蘇克
金等督隊衝壓該逆紛紛敗退乘勢追殺數里
屍骸滿野餘匪竄入廢寨忽有西路大股逆匪
結隊來援我軍分路衝擊賊始退卻共計是日

殺賊約有二千餘名天晚始行撤隊在杞縣迤
東四里駐紮適 臣毛永熙由省馳回歸德三十
三日方至杞縣賊衆已至當派都司蔣學耕等
帶領隨行馬勇衝出賊陣馳赴甯陵飛調遊擊
陳祿興所帶馬步全隊來杞以資勦擊一面嚴
布城防二十五日 臣僧格林沁入城與 臣毛永
熙會商勦辦所帶馬隊皆令環布濠邊助守二

十六至二十八日各股捻匪分擾四關勢甚猖

獗 臣僧格林沁 臣國瑞 臣毛昶熙督率員弁開

放槍礮併力防守並疊次縋城出擊連日皆有

斬擒賊始退去在隄外各村盤踞 臣僧格林沁

自入杞城卽欲遣隊出剿因連日大風揚沙咫尺

莫辨且自龍門口追賊轉戰數百里人馬飢

疲難以接仗經 臣毛昶熙多方籌濟軍食休息

三日兵氣大振二十九日該逆復來攻撲臣僧
格林沁派馬隊豫伏濠邊故作不出之狀迨該
逆將欲撤隊歸村急令馬隊暗由小西門齊出
直撲東南史莊馬樓等處賊營該逆倉猝來迎
我軍奮力衝殺匪勢不支向東逃竄遂踏平賊
營七座斃賊千餘名追殺十餘里天晚撤隊回
城臣鄭元善扼紮陳留適所調余際昌一軍前

集賢堂卷之三十一
一
來當令與楊長春所部楚勇三千名會合進剿
一面約會 臣僧格林沁由杞派隊前後夾擊初
一日 臣僧格林沁派蘇克金統帶馬隊進剿縣
西陳敏屯一帶捻股適余際昌等軍趕到該逆
見我馬步齊至不敢交鋒避入圩內難以驟攻
而東北田陵寨賊匪西來接應蘇克金等馳往
截剿將賊衝爲兩段乘勢掩殺賊衆棄械狂奔

我軍追殺十餘里計斃賊二千餘名餘匪入寨死守不出初三日復派蘇克金等馬隊余際昌等步隊往勦趙寨賊牙余際昌楊長春身先士卒越濠而過我軍一擁入寨賊衆驚散經馬步各隊痛殺共計斃賊四千餘名此圩悍賊殲除淨盡蘇克金余際昌等復令各隊馳赴焦寨賊圩併力圍攻忽田陵寨之賊全股來援寨內之

賊亦拌命殺出蘇克金等率馬隊馳禦援賊余
際昌等率步隊追殺寨內竄賊分投奮擊蘇克
金等將援賊追散會合余際昌等追殺焦寨竄
匪是日鏖戰四時之久共計殺賊八九千人該
逆喪膽乘閒宵遁沿途復經各團掩殺斃賊不
計其數敗殘餘匪皆折回西南由通許一帶敗
竄臣僧格林沁臣國瑞於初四日統領馬隊馳

赴陳留與臣鄭元善會商後立即拔營前進臣
鄭元善以省兵盡銳東出根本空虛卽督小隊
於是日旋省布置要隘以防回竄一面知會臣
毛昶熙督率在杞各營步勇回顧省防兼爲臣
僧格林沁大軍後路策應並探明賊蹤所向如
被擊回竄臣毛昶熙仍督所調宋營馬步卽日
馳回歸德截賊歸路至此次勦匪尤爲出力之

已革副將余際昌擬請開復原官免繳捐復銀
兩並

賞還花翎

賞加勇號儘先參將楊長春擬請免補參將以副將

儘先補用以昭激勸其餘在事出力文武官紳

兵勇可否由臣等先行存記彙案擇尤保奏出

自

逾格鴻慈奏入

上命議政王軍機大臣傳諭僧格林沁勝保鄭元善
毛昶熙譚廷襄遮克敦布曰捻匪以大股竄入豫
境圍攻杞縣經僧格林沁督兵馳至會合鄭元善
派出官軍痛加剿洗賊衆大受懲創遂向通許逃
遁該大臣卽由陳留督兵追剿實屬公忠體國勇
往無前毛昶熙鄭元善接濟軍食合力會剿覽奏

均深嘉悅該匪被擊西竄難保不蔓及鞏洛窺伺
山陝鄭元善現已回省自應將汴梁防務妥爲布
置仍著調派得力官軍探明匪蹤迎頭前進與僧
格林沁大兵會合夾擊現在汝甯捻逆未平設與
此股竄捻勾結則勝保有四面受敵之慮該大臣
前奏擬卽赴太和力圖援穎仍著調派一軍馳赴
通許等處與僧格林沁等軍聯絡聲勢合力兜剿

使該匪不得進徧陳州方爲妥善該匪被剿窮蹙
自必仍由宋郡回竄卽著毛昫熙速行馳還歸德
扼賊歸路爲一鼓聚殲之計毋庸前往省垣以專
責成儻該逆實有竄突西路之勢則暫且截令歸
巢徐圖進剿未始非策著僧格林沁等相機妥辦
此時國瑞已隨該大臣入豫德溥額復往東路追
剿清江一帶捻匪曹單等處係派何員駐紮能否

獨當一面所留兵勇共有若干是否足敷鎮守均
著僧格林沁妥爲籌畫毋致顧此失彼並著譚廷
襄將該省防剿事宜與僧格林沁隨時會商悉心
經理直東交界防務係遮克敦布等專責並著與
王榕吉實力籌辦毋稍疏忽豫省一經肅清直東
邊防復能鞏固則僧格林沁即可進擣蒙亳老巢
以期一勞永逸惟在該大臣等同心協力迅奏膚

公是所殷盼

上又命議政王軍機大臣傳諭瑛棨張芾曰辜捻糾
集大股悍賊數萬由歸德竄至杞縣占踞民圩經
僧格林沁督帶馬隊會合鄭元善毛永熙兵勇痛
加勦洗疊獲大勝該逆糾合餘黨向通許一帶西
竄僧格林沁現帶馬隊追擊此股被創奔逸蹤跡
飄忽日向西趨毛永熙一軍因歸德防堵緊要未

能西追鄭元善因汴梁空虛業已折回省垣僧格
林沁馬隊爲數無多現雖追賊西至通許又須兼
顧東省曹單一帶設賊勢日趨關陝恐僧格林沁
一軍未能舍豫東邊防悉力窮追所有陝省毗連
豫疆之潼關商雒各隘口自應早爲設防以資堵
禦著瑛棨調派兵勇嚴密堵扼並著張芾聯絡鄉
團以助聲勢儻遇該匪竄至卽行會合截擊毋令

竄入邊境是爲至要

上諭內閣曰毫東捻匪糾合各股併力西竄勢極兇
悍僧格林沁等三路會剿旬日之間殺賊萬計實
足以伸天討而快人心僧格林沁調度有方深堪
嘉尙著先行交部從優議敘敗殘餘匪仍卽督同
鄭元善毛昶熙等乘勝窮追盡殲醜類毋留餘孽
其尤爲出力之已革副將余際昌著開復原官免

續捐復銀兩並賞還花翎仍賞給偉勇巴圖魯名
號儘先參將楊長春著免補參將以副將儘先補
用其餘在事出力之文武官紳兵勇並著僧格林
沁等擇尤保奏候朕施恩

十五日戊辰吳棠奏言臣於正月二十六日派袁

世功等帶馬隊五百名馳追竄捻至清江四十
里之漁溝地方該逆列仗迎拒馬步約有三千

餘人經袁世功等奮力衝擊斃賊一百餘名乘
勝追殺猝遇伏匪馬步一萬餘人分兩面將官
軍圍裏幸各馬隊皆係徐宿久經戰陣之勇左
右衝突殺賊五百餘名突出賊圍臣聞信立派
都司張從龍等步隊馳過鹽河接應正值馬賊
千餘名東竄我軍奮勇直前槍斃悍賊五十餘
名該逆大股遂竄聚桃源北岸盤踞衆興民圩

四出打糧南擾桃源之雲家渡一帶北竄沐境
之錢家集一帶東則時有另股擾及鹽河北岸
去清江十餘里臣一面督飭修理濠牆嚴密扼
守一面派撥礮划赴楊莊三義壩衆興一帶往
來梭巡屢將搶渡運河之賊擊退並派馬步各
隊分守錢家集等處以爲犄角飛咨德楞額帶
隊由宿遷渡河繞至桃源南岸東來會剿二月

初三日德楞額帶隊馳抵清江初四日探得捻
股已由衆興回竄漁溝一帶初五日該逆前股
馬步萬餘竄至鹽河北岸經德楞額督帶馬隊
並都興阿派來副將劉成元步隊與遊擊黃國
瑞等分道渡河兜擊將該逆衝爲數段有悍賊
三四百名抵死抗拒經色爾固善帶領馬隊併
力兜剿悉數殲斃餘匪敗潰各軍追至漁溝以

西沿途又斃賊一千餘名日暮撤隊回紮王營
是晚該逆後股馬步二萬有餘復竄至鹽河西
壩北岸經德楞額等軍在沿河南岸堵截開放
槍礮轟斃逆匪多名至初六日黎明有另股捻
匪萬餘人繞至鹽河東壩下游直撲清江北面
圩牆德楞額等分隊抵禦東面另股其西壩匪
衆乘隙直渡鹽河德楞額等又以清江重地不

得不撤隊回顧而過河之賊愈聚愈衆我軍間
有傷亡旋經副將劉成元遊擊黃國瑞等奮勇
衝殺立斃賊二百餘名餘賊敗退劉成元等又
併隊追逐直至西壩鹽河北岸落水淹斃之匪
三百餘名先是另股捻匪竄至清江圩北意圖
乘虛闖入經臣派總兵劉琮等越牆迎擊德楞
額又督同色爾固善等撤隊回剿兩面夾擊斃

匪三百餘名餘賊向西敗潰各軍奮勇追擊沿途殺賊無算現在大股賊蹤敗回衆興另股邊馬乘閒竄至安東西鄉臣一面撥隊馳守安東縣城一面與德楞額籌商堵剿並接田在田來函云已帶隊二千名於初五日馳抵宿遷縣城臣已飛咨趕帶馬隊由桃源南岸東來以期併力合剿奏入

上命議政王軍機大臣傳諭僧格林沁吳棠曰捻匪盤踞衆興直撲清江北圩其西壩匪衆乘隙直渡鹽河幸德楞額等會合夾擊賊匪敗退而我軍亦有傷亡該逆仍未大受懲創尙在衆興盤踞另股邊馬竄至安東西鄉恐其乘清江圩工甫修之時仍圖聚黨回撲著吳棠商同德楞額會合各軍力圖進剿並撥兵馳往安東縣城嚴密防守毋稍疏

虞田在田旣帶隊二千名馳抵宿遷現在清江兵
力不敷待援孔亟著僧格林沁卽飭田在田趕帶
馬隊由桃源南岸東下以期併力會剿

欽定剿平捻匪方略卷一百三十七 壬戌年

二月十六日己巳勝保奏言臣前聞捻匪竄撲杞

縣勢極狹猖當飭副都統明慶副將黃得魁馳

往應援旋據毛昶熙來函暨各該地方官稟報

僧格林沁會督各軍業已擊勦獲捷逆衆向東

潰竄是臣營後路情形較鬆而陳州東南尙有

捻首王懷義雷燕孫四瞎葛大牛等股沁匪糾

合一二萬人連破胡橋龍王堂等處民圩十三
座四路焚擄經 臣 派知州恩保等帶領誠順營
馬隊及飛虎勇共三千餘名扼紮魯台馮塘一
帶以遏陳州東南及西竄周口之路連日接仗
獲勝疊有斬擒該逆仍死蹶不退意圖牽掣援
頴之軍 臣 以頴郡待援甚急必須親赴前敵調
度遂於初四日自帶輕騎並親軍小隊數百名

馳抵槐店旋見火光四起賊馬紛出冀截我軍
去路當派委參領勝喜等帶領靖安營馬隊三
百名將賊擊退一面星馳前進並於界首集一
帶節節留兵駐守以疏餉道又於穗子鋪地方
酌留參將宋憬詩管帶勁旅千餘名飭令相機
攻拔邢家寨老巢以爲肅清河南之計臣於初
六日馳抵太和查知阜太之間連日反正來歸

者已有二百餘圩惟兩河口距太和僅十二里
該處匪首汪玉書李騷虎等依田家圩爲聲援
四出焚掠接濟盜糧該處爲自太赴潁必由之
路當派練總高騰雲等各選精壯練丁會合兵
勇於夜半時從陳家埠口渡河乘其不備直偪
賊圩齊將火彈拋入圩中登時火起我兵趁勢
擁入逆衆驚潰棄寨狂奔兵練四路追殺斃匪

四五百名並將逆首汪玉書李騷虎擒獲正法
其田圩練首田濟軍等懼我軍威卽時捆獻老
賊泣求歸正道路得就肅清前敵各軍已於初
七日進紮距潁城三十五里之劉家集地方以
便節節進搗而潁郡以北劉家集以南處處賊
圩林立時有賊匪游弋又接賈臻函稱近日圍
城賊衆偵知我北路大兵已至將東南各壘移

於西北圍拒我軍並圍攻王家圩民寨以斷潁
州聲息且郡城糧米子藥僅能支持旬日望援
愈切臣現飭前敵諸軍乘此聲威滾營進搆不
容該逆喘息探聞苗沛霖因臣親自督軍前來
於初一初二等日分路約會各圩定於初七八
日先搆潁上縣張落刑老巢卽日隨同大軍進
薄潁郡聽候調度臣已飭該練迅速圖功以贖

前愆統俟穎郡解圍後該練果否認眞出力殺
賊再行斟酌情形奏明辦理又聞楚師亦於初
一日行抵固始初七八日可至三河尖如能剋
期而至亦可藉爲臂助早解城圍但賊匪衆逾
數萬節節遇阻我師解圍已屬不易且恐痛斃
之餘勢必捨命紛竄或於我兵後路另圖鋌走
均難豫定臣惟有激勵將士設法辦理總期力

保危城痛殲巨寇奏入

上命議政王軍機大臣傳諭勝保曰勝保督兵至太和後阜太之間反正來歸者已有二百餘圩並勦平王圩安撫田圩前敵各軍距潁城僅三十餘里辦理極爲得手惟潁州糧米火藥旣僅能支持旬日自應速籌援救著勝保督飭將士星馳前進奮力攻勦速解城圍仍嚴扼西北兩路不得任令該

匪徒而走險竄擾他處李續宜派援潁州之成大
吉蕭慶衍兩軍由霍山起程繞道固始並著催提
前進聯絡聲勢南北夾擊李續宜計亦不日可到
可與之會商定計以期早殄逆氛苗沛霖有約會
圩衆先擣穎上進援潁郡之說如該練果能將張
落刑一股剋日掃除殲擒首逆潁上得就肅清則
殺賊既有明效自可許以自新應由勝保奏聞請

有僞第以立功自贖等語冀緩我師於張落刑等
貌爲仇讎暗相勾結則狡謀更屬可惡勝保惟當
悉心籌畫翦此巨憝不得因該練飾詞文過遽爲
乞恩圖目前之苟安貽無窮之後患諒該大臣必
能體察情形妥爲辦理也

同日鄭元善奏言副將楊飛熊一軍前因汝防
緊要派令會合張曜一軍節節掃蕩現奉

諭旨飭赴槐店策應援穎惟查汝甯逆捻陳大濬負
固平與屢攻不克近復勾結新項阜陽捻股及
張鳳林匪衆三四萬人圍撲官軍前敵營盤阻
遏餉道窺伺城關藩司張曜一軍三四千人東
擊西勦竭力支持楊飛熊到防後激勵將士奮
勇進攻雖擊毀賊巢少挫兇鋒而楊樓之役弁
勇受傷五百餘人益見衆寡懸殊蕩平非易並

據新蔡縣知縣韓承宣稟報逆捻楊方衡袁波
愚等勾結髮逆數千並各路匪徒圍攻縣城四
面共紮賊營二十餘座並於西北東北兩面築
立礮臺又偷挖地道輪流攻撲自正月十四至
二十三日已九晝夜未敢稍息城中糧食子藥
將盡待援緊急等情是新蔡情形亦形喫重且
刻下皖捻出竄僧格林沁督隊追擊處處需兵

策應再四籌思惟有酌留楊飛熊一軍仍駐汝
郡會同藩司張曜乘勢攻拔平與賊壘相機妥
辦並就近探明新蔡被圍情形酌撥隊伍援救
以固門戶而重邊防至沈項槐店一帶勝保現
由陳郡進兵聲勢甚壯卽可由該大臣酌量緩
急調撥堵剿

鄭元善又奏言接准僧格林沁來函該大臣親

督馬隊於初五日自陳留啟行是日駐軍尉氏
探悉捨股在縣城迤東盤踞初六七等日派隊
進剿連戰獲捷擒斬甚多敗匪現竄入里四黃
河樊家三處民寨負嵎固守因馬隊勢難攻圍
飭調步勇前往會剿等情臣已遵照挑派襄勝
昌勝兩營勇丁三千名繳委副將巴揚阿等管
帶卽日馳赴尉氏一帶聽候調遣奏入

上命議政王軍機大臣傳諭僧格林沁勝保鄭元善
毛昶熙曰汝甯逆捻陳大溥負固平輿近復勾結
匪衆三四萬人圍撲官軍前敵營盤窺伺城關賊
衆兵單情形喫重僧格林沁追勦竄逆現已駐軍
尉氏據鄭元善奏已挑勇丁三千名前赴該大臣
軍營聽調如里四黃河等民寨攻克後即可分兵
助勦汝甯之匪楊飛熊一軍前諭酌量飭赴槐店

策應援穎現在新蔡被圍甚急勝保鄭元善毛飛
熙自應飭令該副將一軍仍駐汝郡酌撥隊伍先
解新蔡之圍再會同張曜等軍攻勦平輿賊壘以
期根株盡拔如該副將兵力不敷卽添派勁兵助
勦以重邊防勝保現由陳郡進兵太和聲勢甚壯
沈項槐店一帶毗連穎州深恐匪衆旁竄仍著勝
保酌量緩急撥兵駐守相機堵勦毋稍疏虞

二十日酉癸勝保奏言臣於二月初七日飭總兵

成祿等馬步各軍由兩河口進紮距潁州三十
五里之劉家集節節滾營前進直逼賊巢初八
日賊騎數千蠶擁前來意欲撲我新築營盤臣
派道員洪貞謙督飭前敵各軍奮力迎戰馬賊
登時敗退我軍分路齊進行至數里見大股賊
匪列仗數層衆逾數萬我軍列陣轟擊斃賊數

百名該逆恃衆來撲經協領常海等帶領吉林
黑龍江馬隊分路抄擊步隊繼進鏖戰三時之
久賊勢不支紛紛敗退我軍追壓十餘里斃賊
千餘名進至小王寨劉家海迪北見該處賊衆
屯聚尤多層層接應未便深入撤隊回營初九
日我軍分爲三路轉戰而前先將小王寨攻拔
斃賊甚多餘衆併入劉家海賊巢乘勝進攻沿

途搜捕伏賊數百名各軍馳抵劉家海賊衆一
二萬仍圖列隊抗拒我軍屢捷之餘益加奮勇
交戰數刻賊盡披靡乘勢掩殺血流成渠遂將
劉家海十餘處賊營全行攻破餘衆向西南一
帶遁逃我軍追至距潁十里之王家圩寨安營
查圍潁之賊股數衆多非節節攻拔勢難直抵
城下且東路捻勢過重尤非一面兵力所能解

圍臣於未抵太和之先卽密調苗練各營令其
及早圖功會合攻勦潁東賊氛旋據各圩稟報
苗沛霖聞臣親至齊集東練數萬由下蔡進薄
潁上出其不意攻破張落刑老巢節節勦殺於
初九日馳抵距潁三十餘里之迴溜集定於初
十日齊到潁州潁東一帶賊營數十座全行攻
破並擒斬大小擒首五十餘人賊勢大潰臣現

己一面飭令前敵探明沿河賊壘尙有若干塌
力進攻以期早抵城下一面先行密通潁郡消
息俾知大軍已到庶可內外夾擊迅解城圍現
聞楚軍已抵潁南七十餘里之大橋集日內當
可趕到臣現將太和後路布置妥協卽行前進
親督各軍痛殲醜類力挽全局

同日賈臻奏言竊潁郡被圍已歷兩月之久仰

蒙

皇上諭令各路統兵大臣派兵援剿頃接李續宜來
咨知己飭總兵成大吉蕭慶衍帶兵赴援刻下
師次何所城圍道梗難得確音惟勝保所派之
道員洪貞謙等前敵馬步七千餘人已抵太和
據稱擬紮距城三十餘里之劉家集如果迅速
進隊兵力較厚當易見功乃時閱旬餘尙未知

其如何布置而圍城之中糧米無多難資餽口
馬牛宰殺殆盡兵民同困鎗丸早罄以碎鐵代
之火藥僅存四千餘斤不過旬日之用際茲儲
峙將空兵力甚憊而戰守之具又復缺乏人心
憂危日甚一日合無仰懇

天恩飭下李續宜催令前隊成大吉等速由郡城南
路進援而自統楚師大隊由郡城東路直搗頰

上賊巢抄襲賊後河南撫臣鄭元善亦飭副將
楊飛熊一軍由槐店一路徑抵太和與洪貞謙
成祿等由郡城西北兩路併力進剿勝保如能
進紮太和親至劉集王圩一帶督催部署則前
敵倍加踴躍而附近民圩之向爲苗捻脅從者
皆可去逆效順協助官軍尤可收釜底抽薪之
效再得西凌阿分派馬隊由亳南來將聲威更

壯不但立解城圍當可盡殲醜類於皖豫軍務
大局實有神益

賈臻又奏言我軍於正月二十七日攻奪任家
堂等處賊壘後粵逆馬融和所踞校場一營並
三官廟屯賊俱於二十八日向東南撤退不敢
如前近偏參將李璋督飭兵勇趕將校場一帶
大小賊營三座賊卡五處悉數踏平長濠以內

現無賊壘惟泉河北岸吳姓民圩該逆憤其助
官擊賊於二月初一日糾衆四五百人分由東
北西北兩路攻撲該圩地居高阜俯瞰北關本
爲用兵必爭之地 臣卽於東北西北兩關挑出
勇隊交參將馬陞督率渡河迎勦各關將弁帶
隊繼進馬陞列隊圩外嚴陣待之逆衆越過長
濠遙擁而至我軍開放槍礮擊斃三四十人該

逆不稍退卻馬陞大呼衝入賊隊立時刺死悍
賊三人兵勇一齊掩殺無不以一當十力戰不
及三刻卒將大股賊匪壓退追至濠外賊之中
槍斃死者百餘人刺斃濠內者二百餘人賊衆
氣奪回奔圩圍立解該逆屢經懲創心膽甚虛
若得援軍直抵城根與各關兵勇內外夾擊似
無難立解重圍均奏入

上命議政王軍機大臣傳諭勝保李續宜曰本日遞
到賈臻摺件係本月初九日所發因於睢州被匪
搶去奪回後由鄭元善代爲呈遞據該署撫奏稱
被困日久雖經官軍力戰善守而糧米無多牛馬
宰殺殆盡火藥僅支旬日情形實屬危急惟據勝
保奏前敵官軍於初九日攻克小王寨劉家海賊
巢直抵距潁十里之王家圩寨安營勝保亦卽由

太和前往是賈臻發報之日正值官軍獲勝該城
危在呼吸成祿等既相距僅十里卽著勝保嚴催
該總兵等迅速進攻仍設法通信入城藉得內外
夾擊立解城圍毋稍延緩苗沛霖率練進薄穎上
攻破張落刑老巢已抵距穎三十里之迴溜集並
有初十日齊到穎州之信穎州東路捻匪既經苗
練剿擊獲勝此時籌解穎圍正須兵力勝保自應

與該練聯絡聲勢藉壯軍威惟穎上巢穴雖據探
稱攻破而張落刑尙無下落該練遽已前進豈不
虞該捻首糾合餘黨起乘其後是苗沛霖總須將
張落刑擒斬方可自明心跡該練居心叵測道路
皆知值此率領大眾突如其來勝保務遵疊次諭
旨悉心籌辦慎之又慎不得稍涉率易貽誤大局
成大吉等軍已抵潁南之大橋集並著勝保就近

催提前進會合攻擊李績宜諒已行抵安慶著卽
星馳前進將潁郡一帶軍務力籌整頓卽可將辦
理苗練事宜與勝保會商妥辦該撫現抵何處並
著卽行馳奏據賈臻奏請調副將楊飛熊都統西
凌阿兩軍前往應援楊飛熊現赴汝甯西凌阿駐
紮單縣均未能前往潁州並著勝保行知賈臻知
悉

二十一日甲戌毛昶熙奏言臣因僧格林沁自杞

統帶馬隊由陳留一路追賊時囑臣督率步勇
回顧省防臣到省後復接各路探稟宋郡正東
又有續出援賊臣將省防及一切策應事宜商
明臣鄭元善就近妥辦卽於初八日由省起程
帶領都司蔣學耕馬勇參將陳祿興步勇兼程
前進於初十日抵宋查知前敵營盤總兵圖塔

納等於前次大股擒匪出竄在馬牧一帶與賊
接仗屢次獲勝一面探知續竄另股擒匪尙在
郡東平台一帶游駛先經調到團練數千名正
與相持臣知該匪意圖接應前股卽派陳祿興
蔣學耕率領馬步馳往又委員添調各寨民團
數千名一同前進該匪探知兵練大至登時慌
亂奪路狂奔鄉團乘勢疾追擒斬多名遂將續

竄大股壓退其永城一帶賊巢經參將孫之友
督率所部並調集鄉團進剿於正月二十五日
將城西李大樓洪家岡兩寨攻克二月初一日
進攻城東北王花園賊圩馳抵寨外該參將分
飭兵團列陣以待親督奮勇數百名搶過濠塹
豎梯登牆寨中賊匪併力抵禦鏖戰兩時站牆
之賊駭散兵勇齊上奪開寨門大隊繼進該逆

鼠竄狼奔跟蹤追殺殲斃長髮老捻數百名乘
勝前進數日之間丁樓閻樓劉家河呂莊官莊
店劉竹園張樓馮莊李家林等處九寨先後來
營乞降現聞各處逆黨心皆震懾亟應乘機勦
辦以期漸就蕩平宋郡相近之金樓王雙樓馬
廠各圩臣已嚴飭將弁兵練趕緊圍攻剋期收
復俟近處肅清卽約會各路官兵四面進剿奏

八報

聞

二十二日亥乙僧格林沁國瑞奏言二月初三日
我軍在杞縣西北攻克趙寨後該逆旋於是晚
向西南奔竄臣等恐該逆仍竄南陽一路當卽
督帶馬隊於初四日馳抵陳留探得河南捻衆
往西南竄去卽於初五日拔營由朱仙鎮繞至

賊西行抵尉氏縣該逆卽在縣東十數里各莊
盤踞我軍自初七日起連日出隊均有斬擒惟
因經旬大風塵沙迷日未能痛剿該逆每經戰
敗卽遁入民寨內負隅死拒馬隊難以進攻當
經咨調省防勇隊三千名到營臣等於十一日
督帶蘇克金等各起馬隊及巴揚阿等管帶勇
隊前往進攻該逆列仗死拒橫亙數里我軍馬

步一齊衝壓賊衆旋退我軍步隊紮在馬隊仍
前衝擊該逆卽由東南突出馬賊數百名直抄
我軍之後經卓明阿等整隊迎擊立斃百餘名
賊衆大亂我軍乘勢掩殺復斃賊多名其餘全
行竄入黎寺集寨內旋卽調撥勇隊環攻該逆
拌死守禦急切難以得手暫行撤隊該逆復出
寨尾隨意在誘敵臣等將計就計引賊至河邊

樊家寨卽令蘇克金等一齊撥馬回壓該逆始
猶抗拒我軍槍箭連環賊勢不支卽行敗走經
馬隊追殺四五里直抵賊寨斃賊數百名餘匪
竄入寨內十二日復督馬步各隊前往進攻該
逆未敢踞寨向該縣東南撤退 臣等將勇隊紮
住督催馬隊跟蹤尾追行僅十數里卽見該逆
馬步直前撲來我軍向前迎擊鏖戰逾時該逆

前隊紛紛倒地後股已亂我軍齊力衝壓賊勢
大敗俱向東南逃竄掩殺二十餘里殲斃馬步
賊匪三四千名生擒百餘名賊勢零落由通許
睢州迤南柘城一帶星夜回巢我軍緊躡其後
於十六日馳抵歸德途次疊據報稱毛永熙派
撥勇隊及各團沿路截殺甚多回巢馬步賊匪
不過千餘名查此次亳東各股逆擒西竄經我

軍壘次殲除餘匪逃回者不及十分之一尙足
以寒賊膽但著名擒首未賻殲除清淮一路尙
有李城大股竄擾潁上又爲張落刑糾約各股
勢甚鷓張一時難期肅清行軍之要糧草爲先
卽如臣等追勦西竄擒匪地方豫備糧草未能
敷用更兼各處協餉積欠過多屢催罔應徒有
直擣老巢之心實無籌畫餉糈之力每念及此

焦灼萬分惟有仰懇

皇上天恩飭下河南巡撫鄭元善署漕運總督吳棠
速爲籌備以濟兵食再此次追剿捻匪佐領委
營總西成阿等四員先後陣亡可否仰懇

天恩將西成阿卓凌阿交部從優議卹依昌阿輔清
阿交部議卹以慰忠魂奏入

上命議政王軍機大臣傳諭僧格林沁曰毫東老巢

巨捻結衆西竄疊經痛勦遁回零星敗匪所餘無
幾乘此鼓行而前捻渠擣穴淨絕根株實有可圖
之機乃以儲峙不先糗芻弗給未能乘勢急切蕨
事皆由地方官吏疲玩成風一時積習難以驟挽
殊堪痛恨本日業經嚴切寄諭鄭元善吳棠及直
隸總督山東巡撫竭力通籌豫備糧草以爲進擣
老巢之策並飭將各省應解協餉尅期撥解該大

臣軍營俾得士飽馬騰定期大舉僧格林沁忠勇
素著謀略兼長此次西竄捻匪屢被懲創實足以
寒賊膽惟寇窮則有反噬之心捻匪所畏者僅有
該大臣之軍恐其聲彼擊此別蓄詭謀該大臣總
當於勇往之中寓慎重之意遇有警急酌量調遣
縱將來遠涉窮追直搗巢穴只可撥兵前去亦斷
不必身臨前敵清淮徐宿一帶捻氛尙熾專恃該

大臣坐鎮指揮調度較衝鋒陷陣爲尤要也至直隸山東河南江北各路應解協餉該大臣卽隨時嚴催毋任延緩如再仍前玩愒卽行據實嚴叅一俟餉糈豫備可以足用定期密約各路直擣毫巢再行妥籌馳奏諒能謀定後動毋誤事機該大臣何日回至單縣仍卽先行具奏以慰廑念

上又命議政王軍機大臣傳諭文煜鄭元善譚廷襄

吳棠曰捻逆竄擾東豫江淮一歲數至地方悉被蹂躪民不聊生卽直隸亦爲之戒嚴前諭僧格林沁爲直擣老巢之計以期淨絕根株惟東由宿州西自亳州兩路進剿該處賊圩林立大兵進擣無從覓食必得寬爲豫備方不至軍行遲誤該大臣心顧大局奏催之章甚少而該督撫卽置之罔應豈協力同心之誼况進擣老巢實爲東豫等省永

除後患該大臣衝鋒冒險勞勩如此而該督撫於
應解餉項尙不悉心籌畫於心何安著文煜鄭元
善譚廷襄於欠解月餉無論何款先行撥解僧格
林沁軍營吳棠於徐州江北兩糧臺一併悉心籌
畫源源解往俾得士飽馬騰剋期進剿儻仍前延
誤不能迅速籌解致僧格林沁停兵待餉節節耽
延必治文煜等之罪懷之

上諭內閣曰此次毫東大股捻匪出巢西竄疊經痛
勦殲除殆盡實足以寒賊膽而快人心著僧格林
沁仍卽督率諸軍將敗歸餘匪迅加掃蕩淨絕根
株毋留餘孽陣亡之佐領委營總西成阿卓凌阿
均著交部從優議卹依昌阿輔清阿均著交部議
卹以慰忠魂

同日田在田奏言臣由東省單縣回徐以東竄

捻逆擾及清淮安阜情形喫緊當卽飛調馬步
兵勇於二月初二日自徐起程督率東下初四
日行抵睢甯探知東竄捻股自擾掠安阜後刻
已折回其前隊已竄至桃源縣境運河北岸之
衆興鎮雲家渡一帶意欲搶渡回巢臣卽於初
五日赴宿遷選派兵勇於沿河一帶常川偵探
擬乘其渡河併力截擊初六七兩日探得該逆

在雲家渡柳化集上下二三十里閒絡繹往來
雖似窺伺河南仍復盤踞河北臣正擬督率所
部由桃源馳赴清江與署漕臣吳棠面商機宜
忽於初七日晚接總兵胡元昌自宿州來稟云
縣曠一帶黑藍旗兩股捻匪於初三四等日陸
續裝旗或東竄清淮或渡運北犯均未可定初
八日又接睢甯縣稟稱探得西匪另股邊馬已

至泗境之楊家寨夜見火光燭天綿亙數十里
並據逃出難民云該逆馬步約兩萬餘人聞有
捻首欲由桃源新灘擾及清淮又有捻首欲由
運河北渡各等情 臣卽督率馬步各隊馳抵睢
宿交界之埠子集地方相機堵剿初九日馬賊
千餘名步賊四五千名奔突而至我軍一見賊
蹤奮勇衝擊該逆不及整隊向西南敗遁當卽

追壓四十餘里該逆遂向大李集一路竄去臣
以衆興爲我軍後路河北一股尙須防禦且所
帶馬步各隊不過二千餘名設河北捻逆竄突
過河則西來之賊在前東擾之賊在後腹背受
敵不得不豫爲之備是以未便窮追刻下南岸
祇此孤軍兵力實形單薄且道路四通八達尤
慮防不勝防已飛稟僧格林沁迅撥馬隊二三

千名前來合剿續後軍情再行隨時奏報

田在田又奏言二月十三日接據睢甯縣知縣黃憲鑑來稟以前被擊退之捻糾集黑藍等旗合股東來約有四萬餘人其勢甚衆睢城四面皆賊請撥兵勇救援等情臣卽於是日督帶馬步駐紮耿車十四日整隊前進行至距睢二十餘里之夏家圩地方遇賊馬四五百匹在該處

焚掠臣當將步隊立定督飭各營馬隊四面兜
剿該逆直前抗拒我軍合力衝殺生擒紅衣賊
目一名髮捻數十名陣斬百餘名該逆遂向西
南竄遁我軍乘勢追擊十餘里詎步賊六七千
人皆於十餘里外林立其時分向四面擄掠之
馬賊知有官兵均已回顧屬集二千餘匹之多
馬步夾合成隊臣傳令各將士屹立相持無稍

移動一面將合營所帶小洋槍湊集五十餘桿
成合一隊密授宜機一面飛諭步兵槍隊埋伏
民房然後帶隊撤回愈走愈速該逆遂棄步賊
緊追至十餘里外步賊相離已遠我步兵槍隊
從民房突出擊斃馬賊多名洋槍馬隊復折回
迎頭施放其餘馬隊從兩旁奮力衝擊該逆見
勢不支奪路仍向西南飛遁我軍復乘勝追壓

十餘里又陣斬一百數十名是晚收隊至夏家
圩駐紮次日復將撲營之賊擊退進紮高作訊
據獲賊供稱此股係捻首魏坤魏禧沅李克儉
羅和尚羅麻子等帶領步賊兩萬餘人馬三千
餘匹欲由清桃接應衆與捻股一同北犯如下
游遇有重兵卽擬在宿睢一帶北渡等語伏思
該逆意在由東北兩路乘隙竄擾 臣軍不過二

千餘名勢難兼顧惟有竭力籌維相機扼截不敢稍涉大意奏入均報

聞

卷之三十一

三十一

欽定剿平捻匪方略卷一百三十八 壬戌年

二月二十四日丁丑勝保奏言 臣督飭前敵各軍

進紮王家圩劉家海茨河鋪等處屹立三營以
爲犄角之勢均距潁城不過十里十餘里與城
內消息已通乃粵捻各逆知 臣懸軍深入銳意
解圍復悉衆來撲死力抗拒並糾合西面各悍
賊分路包我營盤經 臣親赴前敵督率將士奮

力鏖戰屢次獲捷計三營各斬馘數百名賊始
卻回兵勇亦有傷亡惟我軍前敵已與賊對壘
僅通西北一綫之路而環城各賊營層層密布
昨據探報西北又有大股捻衆自亳巢來援攻
撲民寨接濟圍穎諸賊餵糧以分我兵力此時
臣軍前後左右賊勢重重應接不遑幾至無可
措手查臣所統馬步兵勇共計一萬七八千人

除副都統明慶派赴河北外後路節節梗阻不能不節節留兵以通餉道而聯聲勢留紮陳州之師以備睢杞通太竄賊留紮槐店魯臺新安集三處之師以擊胡橋等處踞賊留紮界首集總子鋪兩處之師以禦邢家圩及沙南各賊兵力已分大半而前敵自總子鋪擊賊以後轉戰百餘里接仗數十次連克賊壘十餘座傷亡又

屬不少所有前敵進剿兵勇僅六千餘人且餉
銀軍械軍火無不短絀距河南省城已五百餘
里中間處處賊氛情形萬分危急查睢杞一帶
竄匪業經僧格林沁等擊敗南竄通許扶溝轄
境省垣情形已鬆此時賊勢全趨陳屬臣營後
路層層隔斷而兵力祇有此數前後實難兼顧
惟有籲懇

天恩飭下僧格林沁酌撥得力馬隊千餘名馳赴槐
店就近歸臣調遣俾得一臂之助並請

飭下鄭元善督帶省防勁旅暫行進紮陳州以固大
營後路而爲前敵策應實於皖豫大局有裨至
苗沛霖之衆雖已擒斬擒首數十名大挫兇鋒
計日可抵迴溜集第尙爲髮捻各逆所隔一時
未能直抵城下楚師前已行抵固始計期可達

三河尖乃日久仍無進援信息僅臣以一旅之師獨力支持幾同孤注查潁南一帶雖亦有賊蹤然尙無著名大股且楚軍糧餉甚足無虞牽掣臣屢次咨會李續宜囑其速由南路赴援臣由西北進剿以收夾擊之效迄未接其覆音應請

飭下該撫速飭總兵成大吉等軍兼程前進與大軍

會合力解重圍如果該撫尙事遷延意存膜視
臣惟有據實叅奏不敢稍存回護

勝保又奏言接據探報圍潁各逆因前敵官軍
連日鏖戰斃賊極多又聞苗沛霖已將潁上張
落刑老巢圍剿並帶練攻擊潁東賊營與賊大
戰殺賊萬餘逆衆半皆鋌險西竄穗子鋪隔河
南岸之邢家圩等處驟添賊衆萬人乘十五日

夜閒猝攻穗子鋪駐守該處之守備張得祿等
督率兵勇極力守禦惟我軍僅八百餘名衆寡
不敵致被闖入等情查穗子鋪爲大營後路要
道軍火糧餉皆由此路行走猝被攻陷焦憤莫
名總因前敵攻勦喫緊大營兵力不敷分撥跋
前竈後兼顧爲難又因副將楊飛熊一軍屢催
不到以致糧道隔絕殊堪痛恨現前敵各軍將

近郡城正在功虧一簣之際萬無撤軍回剿之
理而臣隨營祇有親軍馬步小隊千名亦難回
顧惟有再行嚴催楊飛熊一軍並飛調現紮槐
店之誠順營馬勇並都司王天保步勇由紙店
界首集一帶進取穗子鋪迅圖攻復以通一綫
之路刻下前敵攻剿正在萬分喫緊楚軍旣難
望其實力赴援而後起各軍亦屬緩不濟急惟

密飭苗沛霖飛速進隊會合大軍併力擊剿以
解潁郡之圍而蘇大營之困

勝保又奏言副將楊飛熊一軍前奉

諭旨飭令赴潁援剿當經飛札飭調乃該副將始以
紳民稟留爲詞繼復以該處賊氛尙熾輾轉請
示迨臣五次札提始據稟報於十一日起程業
已數日尙未見到似此遷延玩泄儻稍事姑容

恐將士紛紛效尤尙復成何軍律惟念該副將
平日打仗奮勇當先其才具亦爲可用姑從寬
請

旨將副將楊飛熊摘去頂戴拔去花翎以示薄懲仍
由臣催令迅速前進如能奮勉立功再行奏請
開復又總兵成祿自派令赴援以來節節遲延
副將劉景芳於白廟築營未定爲賊所乘雖我

軍力戰斃賊千餘而勇丁民夫傷亡三百餘名
設非茨河鋪劉家集有策應之兵幾至大局決
裂該二員均屬顛預疏懈應請

旨將總兵成祿摘去頂戴副將劉景芳暫行革職均
留營勦賊以觀後效儻再不知奮勉卽行從嚴
治罪

同日袁甲三奏言前因苗練欲赴蒙城尋讎臣

恐蹈壽州舊轍派總兵尹善廷帶領官兵先赴
該縣駐紮現據該鎮及署蒙城縣蘇履中稟報
苗練赴蒙之隊紮營十餘座因官兵進城卽於
本月十二日全行撤退 臣飭該鎮等因勢利導
就近收撫附苗各圩以孤逆黨人心頗爲鼓舞
並據博崇武來稟該署鎮收集壽春兵先赴正
陽駐紮督率苗練已於本月初十日進圍潁上

俾張落刑回顧並云苗沛霖卽進解潁郡之圍
臣已嚴飭博崇武妥爲辦理斷不容其支飾並
將臣現辦情形專弁密致李續宜囑其相機行
事尙未接該撫覆函現在苗練叵測之心不可
知而跋扈之形已稍減臣復抽撥兵練紮營於
鳳懷交界之劉府集由近而遠次第聯絡以固
西路藩籬俟接李續宜抵六確信再行會商妥

辦均奏入

上命議政王軍機大臣傳諭僧格林沁勝保鄭元善
李續宜曰勝保一軍自連破劉家海等處賊壘進
抵距穎十里之王家圩安營與城內消息已通乃
粵捻各逆知該大臣孤軍深入復悉衆來撲分包
前敵營盤官軍連日鏖戰獲捷而環城賊營層層
密布又有大股捻衆自亳巢來援分我兵力並分

股竄陷穰子鋪地方大營後路已斷情形萬分危
急現在睢杞一帶竄匪業經僧格林沁等擊敗省
垣情形已鬆賊勢全趨陳州著僧格林沁迅速酌
撥得力馬隊千餘名馳赴槐店就近歸勝保調遣
並著鄭元善帶省防勁旅暫行進紮陳州以固大
營後路而爲前敵策應總兵成大吉等一軍距潁
不遠迄今尙無進援信息殊屬遷延貽誤著李續

宜卽飭該總兵等兼程前進與大軍會合力解重圍儻敢仍前玩泄卽著從嚴叅奏勝保一軍深入皖省其後路被賊層層隔斷兵少賊多危急萬分僧格林沁鄭元善李續宜務當親督各軍或迅催將士星速馳援疏通道路俾得轉危爲安僧格林沁等向來皆以國事爲重斷不可有意見不和之處稍緩須臾致誤全局副將楊飛熊一軍前經鄭

續三才圖會卷之二十一
元善奏請留駐汝郡會同張曜等軍攻勦平輿賊
匪當降旨允准勝保此次因其赴援遲誤請將該
副將摘去頂戴拔去花翎自係尙未接奉前次寄
諭目下勝保待援迫切著鄭元善斟酌情形如汝
甯防務稍鬆卽飭張曜獨力勦辦仍飛飭楊飛熊
一軍星速馳援潁郡毋得稍分畛域致誤事機勝
保所叅總兵成祿赴援遲延副將劉景芳築營未

定爲賊所乘勇丁傷亡甚多均屬顛預疏懈成祿
著摘去頂戴劉景芳著暫行革職均准其留營勦
賊以觀後效儻再不知奮勉卽行從嚴治罪苗沛
霖之衆圍攻潁上曩有斬擒計日可抵迴溜集著
卽密飭飛速進隊會合大軍併力擊勦以解潁郡
之圍本日據袁甲三奏苗練赴蒙城尋讐紮營十
餘座因官兵進城卽行撤退該練旣自願勦賊立

功仍欲赴蒙城尋讐挑釁是又欲循壽州故技不
可不防勝保惟當慎遵疊次寄諭加意防範令其
檢斬張落刑迅解潁圍以明心跡不可率易輕信
致中狡謀貽誤大局

上又命議政王軍機大臣傳諭袁甲三日袁甲三奏
苗練欲赴蒙城尋讐因官兵進城將營盤十餘座
旋行撤退並據博崇武聲稱苗練已進圍潁上俾

張落刑回顧並卽進解潁圍一節昨據勝保奏苗
沛霖攻破潁上張落刑老巢進至潁郡情形大略
相同該練存心叵測道路皆知如果誠心就撫何
以尙令大隊黨與前赴蒙城尋讐前已諭知勝保
該練如能將張落刑擒斬尙可自明心跡並令勝
保於苗練就撫一節慎之又慎不可率易致誤大
局著袁甲三督飭文武先將鳳懷壽定交界一帶

附苗各圩收撫以孤逆勢仍密行知會李續宜相
機行事如苗練再有反覆情形卽著會同勦辦博
崇武係黨附苗練之人所稟情形未可輕信仍著
袁甲三另行確探斟酌辦理

二十六日己卯譚廷襄奏言赴豫降衆私自折回

本應立予誅戮以昭懲創第該降衆折回之由
因渡河無船又乏口食所致尙非遽行反側到

籍後投官稟訴再四懇乞歸農並未生事察其
情狀尙屬出於誠心隨經明慶周士鍵王榕吉
商明遮克敦布暨地方官等諭令呈繳器械馬
匹並申明約束嗣後如有持械打糧等事無論
何處一經拏獲立予正法該降衆唯唯聽命當
飭各團練分別保結安插刀械交官馬匹一半
歸營一半分給團練收養俱已料理妥協其情

願赴豫者仍行帶往 臣查該降衆等果懷叵測
自無不勦之理今旣願安生業俯首乞憐仍應
籲懇

天恩准予免死將來卽有不安本分之人各處兵團
無難立時擒捕不至再貽後患

譚廷襄又奏言河東水套內屯聚之匪計十數
股少者一二百人多者一二千人數將踰萬大

抵皆因黃河浸灌失業流而爲匪其地遂成逋
逃之藪每遇外賊屬至羣相附從招接過河自
上年曹屬圍寨逐漸清釐外匪漸稀內匪亦卽
窮困臣復調曹州鎮兵六百名派署都司郭齡
鼇統帶在附近羅河口擇地駐紮又令署曹州
府林士琦等各派兵團到處搜拏匪衆窮蹙有
董振馮允濂等十餘股或赴大營投首或赴地

方官處投首節次由曹州府縣稟報僧格林沁
暨臣飭令相機辦理匪黨業已解散大半惟郭
申令等數股仍在甘露集負隅抗拒該處與開
州較近不時向保安集圖竄茲據直隸署大名
府知府劉煦等稟報督率兵團殺賊焚巢並於
二月初九日用礮轟擊有逆首石鳳標等羅拜
乞撫該府等發給薙髮告示石鳳標等遂卽到

營束身聽命現在飭令有恆業者歸農無恆業者造冊送營以憑安插等情臣查水套內各匪多係失業流民與實在甘心從逆者有閒現既陸續歸誠應請格外

恩施貸其一死臣已飛飭曹州府縣迅速前往料理善後事宜其郭申令等股是否一律投誠水套內果否全數肅清抑尙有暗中藏匿令其逐一

確查分別妥辦

同日遮克敦布王榕吉奏言查直東之交年前已報肅清正月初復有逆捻盤踞水套豎旗聚衆意在出巢當飭署大名府知府劉煦酌帶兵勇於正月十六日馳赴開州籌辦防勦旋聞隨營赴豫降衆有臨河逃回情事臣王榕吉卽於正月二十三日親往南路相機督辦中途卽遇

副都統明慶豫省委員周士鍵統帶馬隊五百
名由滑濬一路追入直境探得各降衆已竄至
莘堂朝冠之間因與明慶等會商先帶馬步繞
赴冠縣東北之清水鎮與總兵徐廷楷一軍扼
要駐紮遏其北竄之路山東撫臣派兵嚴防東
面適臣遮克敦布馳抵東昌探知臨清一路空
虛遂帶勇趕赴臨清駐紮防禦旋經周士鍵派

員前往開導該頭目楊蓬嶺張玉懷親來求見
伏地叩頭以各降衆誤聽訛言不敢渡河均願
歸農安業永不滋事並據莘冠兩縣各鄉紳士
團長相率代懇情願具保嗣據冠縣知縣李焞
取具四鄉保結造冊呈送復由山東撫臣派署
東昌府知府李德增等前來查辦公同將降衆
點驗其情願隨征者仍分起護送皖豫軍營其

堅欲歸農者卽令呈繳馬匹軍械分別遞籍安
插旬餘以來人心漸就安定如果該地方官操
縱得宜可不至再有反覆連日疊據南路劉煦
稟報初四五六等日督帶兵勇並調集清豐開
州東明鄉團八千餘人由開州保安集進攻水
套之習城鎮及菏澤縣之甘露集等處賊巢該
逆膽敢擁衆迎敵經劉煦等奮勇進擊陣斬長

髮首級二十顆轟斃逆捻一百六七十名立將
習城鎮等處賊巢全行焚燬餘匪退踞甘露集
初九日劉煦又復親身督陣列礮環攻該逆勢
不能支遂羅跪乞降傳令先行一律薙髮或勦
或撫急待 臣王榕吉親往酌辦各等情因思此
閒善後事宜冠縣知縣李煇辦理裕如其莘堂
等處均經山東撫 臣派兵駐防足資鎮壓 臣王

椿吉自前月帶兵出境先駐觀城朝城次駐冠
縣已經而月南路軍情現當喫緊開東長一帶
河防亦須親往布置勢難在此久留 臣遮克敦
布擬卽移紮館陶小灘鎮一帶俟北路大定再
移營前進均奏入

上命議政王軍機大臣傳諭文煜譚廷襄遮克敦布
曰降衆張玉懷等前經勝保帶赴豫省勦賊竟敢

私自折回卽立予斬誅亦屬罪所應得惟據譚廷襄等查明該降衆折回之由係由渡河無船又乏口食所致尙非遽行反側到籍後投官稟訴懇乞歸農並據莘冠兩縣各鄉紳團出具保結代爲懇請現在該降衆等呈繳器械馬匹業經分別遣散譚廷襄遮克敦布等所奏情形大略相同著卽照所議辦理其有情願隨征者仍著分起押送皖豫

軍營其堅欲歸農者並須妥爲鈐制如有不安本
分之徒持械打糧等事該撫等務當隨時掩捕毋
稍寬縱至河套屯聚之匪壘經劉煦督率兵勇進
剿將習城鎮等處賊巢焚燬其盤踞甘露集之餘
匪亦卽羅拜乞降匪首石鳳標等束身聽命旣據
譚廷襄查明該匪多係失業流民與甘心從逆者
有閒亦著照該撫所議分別安插貸其一死其郭

申令等股是否一律投誠如水套內尙有餘匪藏
匿仍著譚延襄遮克敦布等痛加勦洗務絕根株
毋許稍有粉飾

二十七日

庚辰

官文奏言皖北潁郡之圍前經會

商李續宜飭派蕭慶衍成大吉等軍相機援勦
惟是行軍之道全在前後相應邇值皖豫捻匪
苗練勾煽爲患旣慮孤軍深入尤慮糧道未通

臣思援穎一軍必須有後路接應而擒匪窺伺
楚疆尤當以一軍設計雕剿查已革副將周鳳
山所部勇丁三千人業已到鄂現編爲督標新
鳳字六營令其統帶由孝感三里城一帶直達
固始光山節節勦辦掃除窺楚擒蹤進駐三河
尖要地卽爲蕭慶衍成大吉等援穎各軍後路
仍飭駐紮麻城之梁作楫一軍卽爲周鳳山後

路之防如此分投策應聯絡一氣不特楚邊漸
就肅清且皖省軍行餉道亦可無須瞻顧矣奏

八

上命議政王軍機大臣傳諭官文李續宜曰潁州待
援甚急勝保大營後路被賊攻陷現在面面受敵
危急萬分總兵成大吉等軍屢經催進何以未見
赴援著李續宜飭令星速前進與大軍會合力解

重圍儘敢仍前玩泄卽著嚴叅治罪已革副將周
鳳山募勇三千人抵鄂經官文等飭令統領所部
由孝感一帶直達光固爲成大吉等援類各軍後
路聲援著卽飭令節節掃除進紮三河尖要地卽
爲成大吉等後路策應且通皖軍餉道該革員係
棄瑕錄用之員官文等卽令奮勉圖功以贖前愆
如或不能得力仍著從嚴叅奏

同日吳棠奏言衆興捻股回撲清江經官軍擊
敗後又復分股由沐境繞竄安東之王家集陳
師巷佃湖等處希圖襲撲安城臣卽派都司滕
國棟等帶隊馳往扼守該逆屢次來撲均經擊
退又復竄由海州之響水口繞至阜甯縣境東
坎地方意圖搶渡射陽湖窺伺裏下河先是喬
松年派知府杜文瀾帶防湖礮船經臣飭留射

陽湖巡緝臣又派遊擊扎抗芬等帶隊五百名
赴阜甯辦理善後都興阿亦派副將刁經明等
管帶礮船赴鹽城會同該縣練勇防扼下河門
戶二月初九初十等日另股捻匪由東坎東竄
經水陸各隊並各鄉團練嚴密堵禦該逆進不
得逞復由原路回竄與衆興匪合臣於十三日
派遊擊黃國瑞等帶隊並礮船三十隻由中河

南岸進剿衆興踞匪疊將槍渡運河之賊擊退
遂進紮桃境之三義壩黃家嘴一帶該處對岸
五六里有賊圩四座十八日四鼓黃國瑞帶隊
渡河出其不意衝破賊圩三座殺賊百餘名餘
賊向西遁去旋由圩北圍裏黃國瑞督隊奮擊
立斬悍賊二百餘名餘賊紛紛遁竄落濠死者
不計其數當將賊營三座一律焚燬最後賊圩

一座因去岸太遠又望見衆興大股匪徒來援
黃國瑞等遂整隊過河仍紮南岸十里鋪地方
疊據睢甯宿遷桃源等縣報稱另股捻首魏坤
羅麻子羅和尚等匪聚衆兩萬餘人由睢甯縣
境竄至高作地方聲言接應衆興踞匪合股東
竄又接田在田來函云二月十四十五日兩次
帶隊迎剿高作捻股連獲勝仗惟賊勢過衆難

邊擊退囑臣嚴防東竄等語又據桃源縣報稱
十八日另股邊馬已竄桃西四十里之金鎖鎮
地方臣查衆興之匪盤踞北岸所有派防阜甯
安東及沐境之錢家集各隊萬難遽撤清江重
地臣與德楞額帶隊扼紮其黃國瑞姚廣武朱
光廷等隊派防三義壩十里鋪五隄頭係桃源
南岸要隘以防衆興之匪南竄皆未能更動不

得已於清江抽出副將劉成元一軍一千餘名
派令馳扼桃源西之成子河圩以防南岸另捻
東擾之路伏念北岸捻匪雖經臣屢次勦辦屢
有斬馘究以賊衆兵單未能悉數殲除現又有
南岸另捻東趨不能不分軍防扼兵力愈形單
薄前蒙

天恩飭僧格林沁撥隊東來現聞該親王追賊已由

歸德杞縣至朱仙鎮一帶正在剿匪喫緊其不能撥隊東來自屬實情 臣就現有兵力嚴防各路以守爲戰一面飛咨都興阿將前撥援浦暫撤之王萬清一軍調回清江並飛咨田在田由南岸進兵牽制另捻東竄以分賊勢奏入

上命議政王軍機大臣傳諭僧格林沁吳棠曰據吳棠奏衆興捻股由沐境竄至安東之王家集等處

復繞至阜甯縣境東坎地方均經兵練擊退惟捻
首魏坤等聚衆二萬餘人由睢甯縣境竄至高作
地方聲言接應衆興踞匪合股東竄又另股邊馬
已竄桃源迤西之金鎖鎮地方現在北岸捻匪未
盡殲除南岸又有另股東趨清江各路防兵扼堵
衆興踞匪萬難撤動吳棠已抽出副將劉成元一
軍馳扼桃源縣西之成子河圩以防南岸捻股而

兵分力薄深恐不敷勦辦田在田帶隊已至高作
著僧格林沁飭令迅將該處逆匪掃蕩卽由南岸
進兵以牽制另捻東竄之路與劉成元一軍會合
夾擊毋令逆衆奔突紛擾是爲至要

同日鄭元善奏言 臣查皖捻頻年竄豫久成熟
徑歷任撫 臣竭力堵勦總苦於賊衆兵單未能
大加懲創且攻擊全資馬隊屢次請調吉林黑

龍江馬隊皆因西陲多事未能分撥不得已雇募馬勇技藝旣少膽氣不壯寥寥數百人鮮克有濟僧格林沁統領馬隊四五千人悉係三省三盟百戰勁旅而又恩威並用賞罰嚴明故能得其死力所向有功此次西竄捻股屢據各路探報並獲犯供詞均稱蘇添幅蘇添詳李加英劉大老淵二老淵趙浩然等著名捻首十餘人

糾合積年兇悍黨夥四五萬衆蓄意抗拒大兵
西犯河洛迨杞縣解圍賊勢大挫蘇添幅等隱
有歸志又接亳東老捻來信囑令頂住官兵萬
不可退有官兵進剿必致老稚同盡等語是以
拌死踞寨萬分洵湧僧格林沁洞察賊勢熟審
機宜於賊之颯疾奔突則以馬隊緊躡窮追於
賊之踞守負嶠則以步隊圍攻破敵未及浹旬

殄除羣醜在豫省官吏士民僉稱近年以來未嘗有此大捷惟蒙亳匪巢林立環徧豫疆此次鼠竄狼奔漏刃破膽難保不糾衆復來與其分兵設防不若合力進剿先發制人直搗蒙亳老巢爲掃穴犁庭之舉縱令該匪被剿紛竄而田在田駐兵宿州袁甲三扼紮臨淮吳棠統師淮徐皆可照會合分布嚴防卽勝保潁郡解圍

亦可移得勝之師兩路並進此誠機之不可失者現接宋營來信知僧格林沁已於十六日抵宋飛調單縣步隊由馬牧集團攻金樓節節進勦不日自可得手至所需糧餉草料軍裝等件臣已分飭司局及各州縣等籌辦接濟省東一帶刻下暫可無慮惟汝郡及新蔡情形據藩司張曜稟報二月初一日督帶馬隊由項城馳援

新蔡經過火燒店沿途被脅民寨翻然就撫其
火燒店迤南悉皆匪巢賊窟該司連日且戰且
進直抵新蔡城外該匪併力來撲經我軍擊斃
多名詎東面復有大股粵匪前來策應勢難抵
敵該司整軍撤回於初八日回汝十二日會同
檢討吳元炳副將楊飛熊等進攻孔海賊寨各
軍奮勇齊進立將西寨攻破匪勢潰竄我軍分

途截殺並無漏網正擬復攻東寨因援賊麇至
我軍衝入賊陣斬殺黃衣馬賊一人餘匪自相
踐踏追殺十餘里統計是日斃匪六七千人臣
查汝軍勦賊尙屬得手而平輿未克賊勢仍未
稍衰且新蔡被圍計已四十日藩司張曜督隊
往援以衆寡懸殊未能得手臣一面飛飭張曜
將原有兵勇扼紮前敵牽制賊勢一面調楊飛

熊統率所部由汝甯馳赴項城駐紮圖援新蔡
猶恐兵力尙單 臣趕將省城防守事宜妥爲布
置酌留昌勝五營勇丁二千五百人暫交遊擊
李殿元統帶嚴密防禦挑派襄勝五營勇丁並
親軍馬勇共三千人分爲兩起定於本月二十
二日檄飭知府李徵松管帶頭起自省起程 臣
親督後隊於二十六日出省取道陳州項城督

令楊飛熊會合前進相機籌辦馳解新蔡之圍
以清邊圉而固門戶

鄭元善又奏言接據勝保軍營汪曜奎等稟稱
穗子鋪被賊攻襲官軍失利現在文報餉道阻
隔不通情形緊急請兵救援臣聞信莫名焦憤
一面飭知府李徵松管帶頭起襄勝營勇即日
啟行馳赴陳州駐紮一面趕將省城防守事宜

經理迅卽出省由通許太康一帶兼程赴陳相
機前進正在布置閒又接勝保來函據稱潁郡
望援迫切遂銳意前進前敵官軍已紮至距潁
十里之王圩等處惟賊勢過衆官軍營盤僅通
一綫之路圍潁各賊半皆鋌險西竄以圖斷我
後路因之邢圩賊寨援匪驟添穗子鋪猝被攻
陷後路業已不通不但潁圍難期速解卽太和

亦勢將被圍亟應厚集援軍以分賊勢等情查
該大臣此次援穎之師因城圍緊急銳意前征
懸軍深入前聞前敵各營距穎不遠聲息可通
乃變生倉猝穗子鋪官軍忽被攻陷前臨賊窟
後無援師阻隔不通勢將坐困萬一稍有疏失
不特穎圍萬不能解卽豫境亦在在可危楊飛
熊一軍前奉勝保札調因汝郡正在喫緊且紳

民環跪乞留勢難前往經臣奏明仍留汝郡現
在軍情變幻旦夕異宜不但汝郡不暇兼顧卽
新蔡之圍亦急切不能往救惟有再行飛催楊
飛熊令其星交由項赴陳臣仍於二十六日督
隊出省馳赴陳州審察機宜或爲勝保大軍後
路策應或由槐店派隊進剿收復穗子鋪以通
餉道並探聞陳郡迤東捻股甚衆意圖西竄有

侵擾周口窺伺省城之說尤不可不豫爲之防
統俟到陳後酌度緩急輕重相機辦理以期周
密抑臣更有請者臣所帶省防楚勇數僅三千
益以楊飛熊剛銳各營不足六千之數且皆係
步勇陳郡槐店迤東徧地賊氛無論臣營兵力
衆寡懸殊且無得力馬隊不足以資衝擊現當
孤軍危急皖豫兩省全局攸關惟有仰懇

天恩飭下僧格林沁迅速統帶全起馬隊由宋赴陳
會同臣營步勇卽日由槐店一帶進援一俟賊
勢稍平穎城圍解僧格林沁仍由歸德進擣亳
巢臣酌撥隊伍再行馳救新蔡奏入

上命議政王軍機大臣傳諭僧格林沁鄭元善曰據
鄭元善奏竄豫捻匪被僧格林沁痛勦業已破膽
正宜乘勝直擣蒙亳老巢惟新蔡被圍緊急擬調

楊飛熊赴援該撫亦卽統兵出省取道陳州項城
相機籌辦等語捻匪竄擾豫省大受懲創亟宜乘
此聲威爲埽穴擒渠之計惟勝保孤軍深入勢將
被困著僧格林沁遵照前旨速撥馬隊千餘名星
馳前往槐店聽候勝保調遣以資得力鄭元善前
赴陳州應如何派撥勁旅馳赴新站界首等處爲
勝保後路聲援並著速籌辦理毋稍延誤至新蔡

被圍已閱四十餘日鄭元善現飭楊飛熊由汝甯
往援著催該副將星夜前進新蔡解圍以後應否
飭令赴潁再由該撫酌量情形調撥平輿賊匪著
鄭元善嚴飭張曜速籌掃蕩其金樓踞匪久經毛
永熙圍攻未下現經僧格林沁派隊往勦諒自無
難攻克一俟新蔡金樓得手後即可籌攻蒙亳前
據僧格林沁奏糗糧不足等情業諭鄭元善等將

應解餉銀速行撥解現在該撫如何籌辦其一切
進勦機宜卽著該撫咨商該大臣會同妥辦正在
寄諭閒據鄭元善馳奏援穎官軍於穗子鋪失利
前後受敵危急萬分已調楊飛熊及知府李徵松
趕緊赴陳該撫於二十六日督兵出省前往陳州
惟統計兵勇不足六千且無馬隊陳郡槐店迤東
徧地賊氛衆寡懸殊請飭僧格林沁統帶全起馬

隊由宋赴陳等語圍潁賊衆不下一二十萬勝保
孤軍深入而穗子鋪猝被攻陷勢成坐困情形實
屬危急鄭元善業已督同楊飛熊等赴陳尙恐兵
力單薄於事無濟卽著僧格林沁察看情形或親
統全起馬隊迅速馳往陳州與鄭元善會商進剿
或派委員分帶馬隊前往應援之處均著相機妥
辦該大臣未到以前仍著鄭元善督催楊飛熊等

飛速前進務將穗子鋪先行收復以通勝保餉道
俟穎州情形稍鬆卽行馳援新蔡該大臣等諒能
協力同心以拯危局仍著將辦理情形隨時迅速
馳奏用紓廑念至陳郡迤東捻股旣據鄭元善探
聞有侵擾周口窺伺省城之說並著該撫於到陳
後相機防勦毋任深入

欽定剿平捻匪方略卷一百三十九 壬戌年

三月初一日癸未勝保奏言圍穎逆匪分股一兩

萬人於沙河南岸西竄穗子鋪一帶欲由舊縣

集團撲太和以斷臣軍後路臣連日飛調楊飛

熊一軍及黃得魁添募之勇迄今未到而楚軍

雖距穎南不遠未能奮力合擊槐店以北穗子

鋪以西屯賊兩三萬斷我糧道所留後路之兵

僅有數千各處分紮極力支持實屬危急萬分
現苗沛霖專人呈遞稟函據稱現已齊練六萬
餘人續調三萬餘人卽可到齊由正陽至潁上
紮營數十座先攻張落刑潁上老巢以爲圍魏
救趙之計亟欲於日內率領部衆西來共解潁
圍並據委員方模勳稟稱張落刑現踞潁上爲
老巢各擒首賊眷輜重悉存其中張逆自率賊

衆在十八里鋪屯紮因苗練圍攻潁上率衆兩
三萬前往救援苗練於二月十三四五等日在
六十里鋪地方與賊接仗三戰三捷斃賊無數
等語臣已飭苗沛霖迅速進攻殲除張逆臣仍
在太和居中調度現據密探圍潁之賊聲言如
被我軍勦敗卽由沈項境內直趨周口以圖他
竄尤不可不防擬請

留三教圖之四卷二下三十一
二
飭下僧格林沁暫紮歸陳適中之鹿太境內覘賊動
靜既可策應各軍又可爲會擣捻巢之計不宜
再使北面空虛並請

諭鄭元善迅帶余際昌楊長春之軍進紮周口槐店
一帶以扼賊西竄之衝兼顧太和後路並可就
近策應沈項汝甯現在蒙臺各捻業已傾巢出
竄毫東一帶老巢自必空虛無備應請

飭毛昫熙就歸德現有兵力出其不意徑擣亳東一
帶老巢乘賊不暇回顧之時當可易於得手臣
現在餉源梗阻軍情危急若日內再無接濟又
無應援實有不可終日之勢潁州城內情形據
賈臻來函知援兵距城數里衆心甚固而望救
愈殷臣已飭成祿先選精銳乘賊之隙或能衝
過賊營直抵城下以慰潁郡人望再圖破賊之

謀至 臣前請

飭僧格林沁酌撥得力馬隊千餘名前赴槐店聽候
調遣仍懇

恩准施行

勝保又奏言據拏獲奸細供稱狗逆欲挾廬州
之衆全數北來會合逆捻分犯豫陝竄擾北路
各省專聽潁郡消息以決進止等語並拏獲僞

書雖隱約其詞而逆之欲會合北來已可概見
今幸苗沛霖事已轉圜集練衆十萬以助官軍
並暗中設謀離閒以亂賊心臣因勢利導旣可
安苗練反側之心亦足奪粵逆驕悍之氣至楚
師奉

旨會解潁圍仍懇

飭令速進共殄賊氛其苗練情形臣漸辦有端倪主

一層暫可從緩

勝保又奏言汝郡平輿一帶爲陳大禧老巢不
過另股捻衆稍事緩攻不至決裂大局潁郡粵
捻交乘危如累卵臣知汝郡情形稍鬆是以遵
旨飛飭楊飛熊一軍先其所急前來策應乃鄭元善
毛永熙並未與臣相商率行阻止會銜奏留汝
甯置臣前敵危急於不顧緩急倒置貽誤事機

若以新蔡喫重卽當飭令解圍何以又留汝郡
且楊飛熊一隊旣可抗違以後各營將弁紛紛
效尤臣將令不行實於大局無裨前摺已將楊
飛熊奏叅摘去頂戴拔去花翎催令赴援仍懇
恩准施行以肅軍令而杜規避現已飛飭迅速赴潁
不准避難就易再事遷延奏入

上命議政王軍機大臣傳諭僧格林沁勝保鄭元善

毛昫熙曰勝保進攻潁郡後路賊勢蔓延設令西竄周口則陳州亦形喫重前諭酌調應援之馬隊諒僧格林沁業已派往卽著該親王催令前進僧格林沁本擬直擣亳東老巢惟鹿太爲捻蹤出沒之區該親王是否應暫紮該處以覘動靜卽著酌量辦理並著仍遵前旨於勇往之中寓慎重之意如有得力之員可派不必親自前往以便在單縣

駐紮可以策應南北更爲周妥毛昶熙前建進擣
毫巢之策現在歸德無事卽可乘虛而進出其不
意以操必勝之權著卽相度機宜統帶所部兵勇
實力進剿以分賊勢鄭元善已赴陳州著卽催令
楊飛熊一軍會同進剿現在勝保連日所奏飭令
該撫等進兵情形屢有不同雖因軍情變遷起見
而該撫等必當通盤籌畫不可稍有貽誤輕進僨

事至苗沛霖辦理情形未據該大臣指明所謂轉
圜者何事若能擒獲張落刑並速解潁圍自不必
專言主勦著勝保仍遵前旨飭令迅速擒獻張落
刑以明心跡總兵成大吉等由三河尖援潁該處
係苗沛霖餘黨盤踞勢不能長驅前進著勝保傳
諭苗沛霖令其將該處餘黨悉行撤退或爲大軍
前導以解潁圍或殲斃張落刑以明心跡其成祿

等軍並著迅速催令前進不准再事遷延至楊飛
熊一軍前奉旨令其赴汝甯爲張曜援應日久未
赴槐店並非該副將之過且該副將與黃得魁同
爲勝保檄調黃得魁未據該大臣奏而請將楊
飛熊摘頂拔翎殊失士心現已據鄭元善檄調前
赴槐店卽著該撫催令迅速前往不得延誤

上又命議政王軍機大臣傳諭官文李續宜曰圍穎

髮捻各匪知大軍分路進援設法牽掣現在穗子
鋪已被賊匪占踞勝保屯紮太和兵力不敷策應
成祿一軍距潁城雖不過數里而賊勢太盛尙未
能直抵城下會同駐潁兵勇立解城圍李續宜派
調援潁之成大吉等軍前已由固始進發何以尙
無抵潁消息著官文等嚴催成大吉等星速前進
直擣潁南賊營以期會合夾擊迅解重圍苗沛霖

陰蓄異謀已非一日此次遣人赴勝保處投遞稟
函必因畏楚軍攻勦故作此緩兵之計著官文等
密飭成大吉等如進兵道路經過苗營苗沛霖果
能率衆先驅協助官軍奮勇勦賊尙可暫緩進攻
儻敢恃衆抗拒俾道路不得疏通或佯爲反正察
其打仗情形並不十分出力卽著據實奏明督軍
勦辦務與勝保所謂援兵南北夾擊則潁郡之圍

三期立解

同日田在田奏言自睢甯解圍後該逆尙未遠遁臣於二月十七日親督各軍前進行至邱家集地方見大股賊衆在前正擬趨擊詎賊見我軍卽行奔逸隨又追壓四十餘里仍收隊回紮高作是晚又據探稱衆興之前股捻逆有搶渡意臣當於十八日督隊赴宿飭遊擊張振西等

趕挑精壯兵練在該縣迤南一帶徧樹旗幟與
睢甯縣境遙爲聯絡以期後股不敢北來前股
不敢南渡乃十九日據各處探稱後股已由泗
境東竄至青陽半城等處並聲言由桃源竄擾
蔣壩清淮一帶臣趕督前隊於二十一日馳抵
桃源居中扼要當後股東來時先經吳棠派副
將袁世功等赴桃防剿參將黃國瑞已過河紮

營朱光廷在衆興對岸防守河南副將劉成元
駐守成子河長圩扼防南岸西路 臣抵桃後周
厯查勘惟成子河長圩正當水涸之時殊難扼
守現派都司熊朝鑑等增添圩濠以資屏蔽至
河北賊蹤甚衆僅黃國瑞一軍進紮該處兵力
太單已由 臣將所部步隊飭派遊擊張祖雲一
同進紮一面趕搭浮橋派參將歐玉標統帶馬

隊過河會勦如遇南岸後股東竄偪近再由臣
權其緩急就近調遣查該逆形勢除衆興賊目
築踞大圩其餘逆賊均係插樹爲營尙易得手
臣現督飭各營晝夜分班四面勦擊並豫爲布
置埋伏一俟稍有可乘卽由河北親督各隊進
攻力圖掃蕩奏入報

聞

初二日

甲申

賈臻奏言潁郡被圍日久旬日以來

賊計百出先於東西南三面各將長濠填平數

段作為進撲城關之勢亂我軍心並橫鋪秫稽

上蓋浮土意欲誘陷援兵情尤詭譎臣即通飭

各營嚴備並函達勝保大營勿墮奸計二月十

四日參將馬陞見西北賊營一處人數無多當

出隊佯攻正北馬神廟後賊巢另派兵擣其西

北營壘殺賊多名十六日傍晚該逆復分股圍
攻河北吳圩馬陸乘昏黑之時掩旗出隊分路
過河包抄守圩兵勇暗中約會拔關出擊逆衆
三面受敵相率越濠而奔我軍頗有撿斬連日
據探淮北擒匪五旗並出徐宿蒙亳一帶守巢
之賊無多有南禦楚師者有東堵苗練者要以
北拒勝保前敵之賊爲最重而城外營卡環列

賊數仍不加少 臣竊意粵捻交乘城圍之急賊
數之多固無過於今日然聚不逞之徒於潁郡
一隅而我以兵練環其外因利乘便爲聚而殲
旃之計似事機之易於措手亦無過今日與其
分路防剿何如就地翦除此時北軍攻其西楚
師擊其南苗練襲其東若由僧格林沁派西凌
阿馬隊由亳抵潁以抄其北該逆股數雖多已

成阱獸釜魚之勢而豫省徐宿諸軍各就近攻
取以分賊勢毋令再赴張逆之約遠出滋擾似
易得手前據袁甲三函稱會合楚師方可進兵
此時李續宜成大吉兩軍分道北來苗練歸正
中途無梗臨淮一軍號稱二萬加以李世忠豫
勝一營又萬數千人似可多派勁旅水陸並進
由懷遠達潁以壯聲威而備策應至城垣久困

一切食用軍火日形缺乏經臣加意拊循羣情
尙稱堅定現惟傳令諸軍靜候援師養銳而動
以收內外夾擊之效

賈臻又奏言潁郡以太和爲後路正月初旬郡
圍益緊匪衆分股撲犯該縣其時勝保援師未
入皖境臣身在圍城不能兼顧適署按察使候
補道黃元吉由豫差旋行抵該縣並有新授廬

州府知府馮志沂與臣派往迎催援軍之副都
統薩薩布帶馬隊百餘名均於逆匪未到太和
之前先後馳抵縣城正月初七十一等日選派
練勇過河迎勦斬擒多名十二日亳州另擒由
東西南三面進逼縣城當卽督同馮志沂及文
武官紳分門守禦次日賊撲東北兩關黃元吉
馮志沂親率紳練憑圩抗拒逆衆緣牆而上勢

極兇猛練勇立砍悍賊五人刺倒二十餘人賊
不稍卻薩薩布督帶馬隊突出關圩左右衝擊
槍斃多名賊始紛紛潰竄而盤踞近城村莊者
蠡屯蟻聚延袤十餘里十四日馬步賊衆二三
萬人潮湧而來環城圍撲各軍登陴分守施放
大礮轟擊該逆死傷甚多相持至夜羣逆猶偪
處城根正恐人有懈心賊無退志黃元吉傳令

兵勇民練許以重賞於四更時突啟北門首先
衝陣各城練丁繼之該逆瞥見官兵鼓勇直前
莫測衆寡登時驚亂我軍大呼衝殺賊奪路狂
奔分竄北路萬福溝及沙河南岸洪家廟一帶
城圍立解道員黃元吉知府馮志沂所帶兵練
無多竟能堅持旬日曩挫狂氛實屬尤爲出力
相應懇

恩分別獎勵奏入

上命議政王軍機大臣傳諭僧格林沁勝保袁甲三
李續宜鄭元善毛昶熙賈臻曰據賈臻奏潁郡被
困已久粵捻交乘賊數之多無過於今日然聚不
逞之徒於潁郡一隅我以兵練環其外因利乘便
爲聚而殲旃之計似事機易於措手亦無過於今
日所陳不爲無見目下北軍攻其西楚師擊其南

苗練襲其東已有三面圍困之勢若由僧格林沁
派西凌阿馬隊由毫抵潁以抄其北該逆股數雖
多已成阱獸釜魚之勢而豫省徐宿諸軍各就近
攻取以分賊勢毋令再赴張落刑之約遠山滋擾
著李績宜迅催成大吉等軍分道進偪再由袁甲
三多派勁旅並迅速知照李世忠帶兵水陸並進
由懷遠以達潁州以壯聲威而備策應城圍一解

諸逆亦可就地翦除較之分路防剿究屬事半功
倍著僧格林沁勝保袁甲三李續宜鄭元善毛昶
熙審度機宜派撥官軍併力合擊務將賊匪悉數
殲除事機可乘慎勿遷延歧視存城軍火糧餉缺
乏現在援師雲集賈臻惟當激勵將士靜候援兵
養銳而動以收內外夾擊之效至賈臻所陳賊匪
填濠蓋土種種詭譎情形並著該大臣等飭令督

兵將帥加意防範毋致墮其術中方爲妥善

上諭內閣曰潁州逆匪分股撲犯太和經黃元吉等
先後馳抵該縣過河迎擊擒斬多名另股亳州擒
衆疊撲城關復經兵練擊退城圍立解辦理尙爲
出力署按察使候補道黃元吉著賞加布政使銜
廬州府知府馮志沂著賞戴花翎

初四日

丙戌

掌江南道監察御史劉毓楠陝西道

監察御史呂序程奏言豫省爲京師門戶汝甯
府光州又爲省會藩籬其地最關緊要近因苗
練西向蠶食土匪四起勾結髮逆及張落刑孫
葵心各股捻匪任意焚殺汝郡大股捻匪自上
年七月以後分作十旗每旗聚匪數萬羅山正
陽確山徧地皆匪動輒圍城焚殺極慘又有蕭
汝信等盤踞陡溝集明港驛直偪信陽州城於

上年十二月初一日圍攻六晝夜本年正月十
一日又圍城二日以致驛路梗塞文報不通此
汝郡捻匪之實在情形也光州自上年七月至
十一月被圍四次有逃軍劉克涓卽劉炎鼎與
弟劉鴻涓霍老端盤踞尤家廟恃有伊弟劉其
涓充當本州差役潛通消息藉作內應又有盧
其恕等分踞長陵集等處肆行搶掠民不聊生

自代理息縣知縣李洪藻在土溝橋被害後迄
今並無一官捻逆屢圍縣城全賴紳民護守捻
首劉克涓等勾結髮賊環攻光州前署知州秦
篤新用錢犒賊准其在州城三里外搶擄人心
洶洶此光州捻匪之實在情形也南汝光道趙
書升惟以抽釐金收鹽稅爲事假養勇之名盡
飽私橐藩司張曜初爲州縣時頗稱勇敢逮游

升監司大員身家念重前後判若兩人恣意酒
色擁兵不肯出隊所報勝仗多有不實其統帶
之兵勇半係汝民與平輿捻逆率皆戚友熟人
間接仗時槍礮向上空發並不擊賊候選知州
單體晉帶勇駐紮息縣不加約束縱勇擾民遊
擊汪長清老病衰頹諸務廢弛各州縣困守孤
城城外賊各數萬危急情形不堪言狀而信陽

確山正陽羅山光州息縣更爲喫緊似此捻匪
盤踞任意狡猾若不迅加殄滅其禍患有不可
設想者可否請

旨飭下僧格林沁鄭元善迅派得力將弁會同勝保
認真協勦令其先解各處城圍次第掃蕩以除
心腹之患奏入

上命議政王軍機大臣傳諭僧格林沁勝保鄭元善

毛昶熙曰御史劉毓楠等奏河南汝光兩屬捻匪猖獗請飭將弁會剿汝光等處匪蹤猖獗前據勝保等疊次馳奏現在新蔡旣未解圍平輿亦未克復是該處賊勢甚張已可概見若令再行北竄則歸陳均形喫重前諭僧格林沁派兵馳赴鹿太交界並諭毛昶熙直擣亳東老巢鄭元善馳赴槐店一帶均爲潁州後路起見而於汝光防剿未免兵

勢較單著僧格林沁鄭元善毛穎熙通盤籌畫何
路喫緊卽由何路進兵勝保馳解潁圍兵力已不
爲不厚若將豫省勁旅悉調赴槐店等處萬一汝
捻乘虛北竄該大臣亦有進退維谷之勢務與鄭
元善等虛衷商酌不得顧此失彼至藩司張曜道
員趙書升現在是否得力所叅知州單體晉遊擊
汪長清各情是否屬實卽著僧格林沁鄭元善毛

飛熙查明據實具奏

初五日丁亥袁甲二奏言據參將韓殿甲稟稱西

路疑壽一帶潛運白硝接濟廬賊情事爲該處練總陳桓等邀截未得過去正在飭查間據張得勝鈔呈楚軍拏獲奸細搜出粵賊余浚碇自壽州致廬賊信函有苗沛霖發白硝一千斤運赴廬城接濟因道路未能一律通行囑廬賊

迎提護解等語是壽廬勾通賊心叵測沿途團
練亦尙有接應之人臣已嚴飭各路堵截嚴拏
務獲懲辦其李相臣賊圩我軍業已合圍該逆
恃其牆高濠深死守不出現窵長溝以困之復
添派馬步隊前赴濠城巡哨濠城一帶卽係金
馬胡之巢穴該逆懾於聲威亦有投誠之請惟
聞丁湖臣於我軍未經合圍之先乘夜逸出復

糾黨屬聚張家集希冀報復臣飭張學醇等出
示曉諭不問其苗不苗但問其匪不匪果能一
戰成擒則北路軍情愈覺得手但西路潁郡之
圍至今未解勝保已至太和該逆分股迎拒官
軍雖連戰獲捷而賊衆兵單情形甚爲喫緊博
崇武帶同苗練進至潁上之劉家集現據稟報
已與捻逆接仗臣又嚴飭博崇武迅帶所部兵

勇並催苗練趕緊前進期與勝保會合力解潁
圍至楚軍提督成大吉等早抵固始現已渡淮
李續宜在安慶稍爲部署約月杪可抵六安彼
時與臣相距較近更可隨時籌商如李續宜到
六後進兵正陽臣卽當進兵懷遠以聯聲勢奏
八

上命議政王軍機大臣傳諭袁甲三日西路潁壽各

匪勾通廬賊並有苗沛霖將白硝運赴廬城之事
沿途團練亦尙有接應之人不可不嚴密堵截著
袁甲三嚴飭各路練總隨時查拏務獲懲辦苗沛
霖居心叵測進攻潁上之舉未可深信博崇武依
附苗沛霖本不足恃現在該總兵帶同苗練進至
潁上之劉家集與捻逆接仗並著袁甲三嚴飭博
崇武迅督所部兵勇催令苗練前進會同援潁各

軍力解城圍如再不知愧奮卽著從嚴叅辦其李相臣賊圩經官軍四面圍攻不難立拔惟逸出之丁潮臣亦係著名巨捻現旣糾黨屯聚張家集並著該大臣分飭將弁迅速殲除毋令他竄至該大臣所稱張得勝鈔錄楚軍搜出粵賊余汝礎自壽州致廬賊信函有苗沛霖運硝千斤赴廬接濟等語其信函是否實係苗沛霖所致信內有無月日

致信係何時之事著袁甲三迅將原函鈔錄呈覽

初六日戊子僧格林沁奏言前奉

諭旨令臣酌撥得力馬隊千餘名馳赴槐店就近歸
勝保調遣查臣營馬隊官兵共四千餘名除陣
亡受傷患病無馬外覈計堪以出隊者不過三
千名現在圍攻金樓賊寨並分撥馬隊赴王雙
樓杜賊援應復有毫捻結衆將至是防勦兵力

甚單情形喫重且北路又無重兵防守不獨攻
勦金樓難以中止卽扼賊北竄亦關緊要疊據
鄒縣曲阜等處稟報鳳凰山一帶教匪投誠後
尙知斂跡未經投誠之匪見我軍遠征德楞額
一軍又往清淮以致乘閒四出擄掠臣等因兵
力一時難分當飭兗州鎮總兵扎隆武等督帶
兵團在彼妥爲彈壓一俟官軍可以分撥卽應

往勦又據濟甯州知州周鵬探報該州東南鄉
鄒縣境內獨山莊又有王繼雲爲匪招聚多人
號稱英雄會時出焚掠等情都統西凌阿現在
濟甯駐紮當經飛咨令其就近偵探帶兵前往
勦除臣營三千馬隊實屬兼顧不遑況清淮賊
衆兵單吳棠田在田等亦常函請撥兵祇因勢
不能分殊深焦灼再四籌酌實難抽撥馬隊馳

往槐店助剿

同日鄭元善奏言接據勝保來函管帶靖東營馬步各隊參將宋憬詩自隨同到陳後派紮前敵打仗尙爲出力惟深入潁郡賊勢過多該部衆屢次挫衄恐被圍困二月十七日夜私行撤退宋憬詩畏罪不敢回營向陳州一路行走並據陳州府縣稟報宋憬詩過陳後將派駐陳州

之誠順中前後三營馬步勾約同逃有進省乞
餉之說 臣查靖東誠順等營卽上年勝保勦辦
直東匪股收撫降衆若輩野性未除旣恐沿途
滋擾劫掠橫行又恐搶船北返復萌異志 臣一
面飛檄沿河各縣調集船隻收泊北岸不准擅
渡一面派弁確探該勇等在途有無搶掠焚燒
情事續據通許等縣稟報探悉宋憬時勇隊自

陳赴省均由大路行走尙屬安靜又聞勝保專
弁持令追截該勇隊仍行回營效用各等語臣
猶恐逆情巨測趕調省防昌勝營楚勇紮立關
外以壯聲勢飭署開封府知府朱光宇前赴距
省二十五里之太平岡駐守彈壓妥爲辦理旋
據朱光宇稟稱接見勇目宋憬詩極爲恭順瀝
訴苦情以到陳後月餉屢請不發枵腹出隊力

已難支且潁州賊股過多部勇受傷衆心離邊
氣怯情急人人思歸是以未候軍令輒行退返
祇求賞給口糧准令回藉安分歸農斷不滋事
其管帶誠順營勇目雷鳳鳴馬榮程順書等則
稱奉令駐陳並無歸志因宋憬詩勇隊揚言撤
防回家大衆不知虛實譁然同行約束不在現
已自知咎戾情願回營等情臣思宋憬詩本係

獷悍之徒所部馬步尙有一千餘人聽其北渡
回籍實不放心除誠順營雷鳳鳴等旣願回營
飭令迅速折回外其宋憬詩等計惟示以羈縻
酌借糧餉仍令朱光宇多方開導飭回勝保大
營立功贖罪正在布置聞據報該勇目聞臣有
派隊勦擊之說於二十七日乘夜率衆由太平
岡繞向蘭儀東北一帶逃遁臣已趕緊飛飭渡

口加意嚴防並派昌勝營全隊及副都統明慶
馬隊迅速馳探跟蹤追擊毋論行抵何處立即
痛剿查蘭儀毗連曹單現係乾河恐易竄越仍
飛咨山東直隸各督撫嚴飭截剿以期盡絕根
株至陳郡情形刻計副將楊飛熊已自汝到防
知府李徵松所帶襄勝楚勇亦可趕到惟有飭
令會合駐紮相機防剿臣俟宋憬詩勇隊辦有

就緒卽當督師出省親往調度均奏入

上命議政王軍機大臣傳諭僧格林沁勝保鄭元善
毛羽熙譚廷襄遮克敦布曰前因勝保兵力不敷
諭令僧格林沁派撥馬隊千餘名前赴槐店助剿
茲據僧格林沁奏稱現攻金樓未下兼須扼賊北
竄在營馬隊萬難抽撥自係實情所有前調馬隊
著准其暫緩派往勇目宋憬詩因該部衆疊次挫

紐輒敢擅向陳州撤退並勾結派駐陳州之誠順
三營馬步同逃迫鄭元善派員開導初以餉絀爲
詞旋復乘夜率衆向蘭儀一帶遁去似此反覆無
常而勝保前在山東力主招撫迨經逃遁復敢心
存回護不卽據實具奏已明降諭旨將該勇目斥
革並將勝保交部議處矣至該勇目率領多人擅
自離營所稱沿途並無騷擾斷難憑信現向蘭儀

東北一帶逃遁其爲闖入直境抑或竄回山東均未可定該降衆本皆獷悍之徒投誠以後輒敢反覆斷難再事姑容鄭元善已派昌勝營全隊及副都統明慶馬隊追勦並著勝保譚廷襄遮克敦布派撥官軍沿途攔截與豫省派出各軍合力兜擊務將宋憬詩等悉數殲除毋得信其安分歸農之語縱令歸巢致貽後患其誠順營降衆折回陳州

後是否可用仍著勝保鄭元善妥爲防範毋稍大意勝保進剿潁州能否得手副將楊飛熊知府李徵松等軍鄭元善業已調往陳州卽著催令前進爲勝保後路聲援毋許株守貽誤該撫俟剿辦宋景詩得有頭緒亦卽速赴陳州相機援應毛昶熙攻勦金樓久未得手現經僧格林沁督兵勦辦毛昶熙仍應率勇策應毋得藉口卸責其鄒縣等處

教匪會匪既經僧格林沁分派總兵扎隆武都統
西凌阿等勦辦卽著該總兵等實力進攻速殲醜
類北路無重兵防守僧格林沁仍須妥籌兼顧不
可爲金樓賊寨所牽掣

上諭內閣曰投誠勇目參將宋憬詩隨同勝保勦賊
失利輒敢不候軍令率衆逃遁實屬目無法紀宋
憬詩卽革去參將著鄭元善派員妥辦宋憬詩前

在山東投誠屢經諭知勝保妥爲辦理勝保不察
誠僞力主撫議迨該勇目離營逃遁爲時已閱兩
旬復不卽行奏報顯係意存回護尤屬非是勝保
著交部議處以示薄懲

同日曾國藩奏言僞英王四眼狗堅守廬州令
苗沛霖與捻逆連和西圖潁州東援廬州頃據
多隆阿搜獲苗營與狗逆僞函一件苗沛霖又

與捻首張落刑構釁苗黨不得志於潁必將以
全力援廬撫臣李續宜已於二月初九日行抵
安慶與臣籌商一切卽進紮六安其派援潁州
之成大吉蕭慶衍兩軍已先後行抵固始離潁
州不過百餘里援勦情形由李續宜自行具奏
同日李續宜奏言臣於二月初九日馳抵安慶
連日與督臣曾國藩熟商謹分別各條具陳一

臣處派援潁州之軍蕭慶衍成大吉均抵圍始
距潁州僅一百八十里因米糧子藥缺少尙須
田霍山搬運臣已催成大吉等趕緊辦齊星速
赴潁迅解郡圍一苗沛霖一股向來與捻匪不
睦近奉陳玉城之令苗捻連和共圖潁州據多
隆阿搜獲僞文苗黨在潁州城外又與捻首張
落刑構釁有自相殘殺之勢惟盜賊行徑事緩

則各不相下事急則其交益固潁郡解圍之後
當派兵分守潁州固始六安三城又當攻剿三
河尖兵分力單驟難大舉征苗應俟廬州克復
後再行會同袁田三勝保等商辦一賈臻聞警
張皇辦事竭蹶自應遵

旨卽行撤任惟目下潁州緊急各軍援剿於外尙賴
該員堅守於內應俟潁郡解圍後另派一軍防

守該郡卽將賈臻撤任一臣現與兩江督臣曾國藩同事一方凡商行事宜擬額懇

天恩准臣卽請曾國藩具奏俾臣專力職守均奏入上命議政王軍機大臣傳諭曾國藩袁甲三李續宜曰四眼狗堅守廬州令苗沛霖與捻匪連和據多隆阿搜獲苗營與狗逆僞函有苗沛霖與張落刑構釁情事苗沛霖心存叵測惟旣與張落刑結怨

苗沛霖果能將張落刑戮除以明心跡或能爲楚
軍前驅尙可暫緩攻勦已屢經諭知勝保遵辦若
僅以虛言反正或阻截楚軍道路卽當節節痛勦
本日李續宜奏稱大舉征苗應俟廬州克復以後
亦不過稍緩須臾斷不至墮其奸計潁州待援孔
亟成大吉蕭慶衍兩軍旣已行抵固始著李續宜
飭令星速進兵以解潁圍不得以購買米糧火藥

爲詞遷延觀望致誤事機其賈臻辦事竭蹶妄報
軍情著俟潁郡解圍後由李續宜會合袁甲三分
別確查叅辦至李續宜請將應奏事宜由曾國藩
具奏曾國藩身任兼圻皖省本其所轄嗣後如遇
應行陳奏事件仍著循照向章會同曾國藩具奏
如有軍情緊要不及會銜之件卽仍由李續宜單
銜馳奏勿庸拘泥

上又命議政王軍機大臣傳諭勝保曰曾國藩奏據
多隆阿函稱僞英王四眼狗堅守廬州令苗沛霖
與捻連和西圍潁州東援廬州並據多隆阿搜獲
苗營與狗逆僞函一件苗沛霖又與捻首張落刑
構釁苗黨不得志於潁必將以全力援廬等語苗
黨致書狗逆詞極卑順此函卽係手下人所爲苗
沛霖亦不得諉爲不知昨據官軍搜出粵賊余安

從自壽州致廬賊信函有苗沛霖運硝千斤赴廬
接濟等語苗沛霖狼子野心本未必遽爲我用現
據各路探報並搜獲信函是其心懷回測首鼠兩
端已可概見該大臣見其與張落刑爲仇遽信其
真心就撫不知其暗中勾結陳玉城密通消息其
害尤大如該練竟能殲除張落刑則其勢益張更
須加意防範該大臣向以誠信待人恐墮苗沛霖

奸計不可不慮現在苗練與張落刑相持無論孰
勝孰負該大臣總當自固藩籬未可稍涉大意致
有疏虞

欽定勦平捻匪方略卷一百四十 壬戌年

中央民族
學院圖書

三月初八日 庚寅 吳棠奏言據遊擊黃國瑞

隨職

二月二十一日會商水師遊擊楊得榮等由南

岸直偪眾興防賊出竄黃國瑞帶隊過河相度

地勢修築營壘該逆忽分股萬餘來撲黃國瑞

連開槍礮擊斃逆匪多名該逆旋即撤退又經

黃國瑞由後疾擊賊股自相踐踏傷斃不計其

數餘匪敗回衆興等語時田在田已帶隊抵桃
臣卽飛咨田在田並飭各將弁陸續渡河築營
接應黃國瑞一軍並咨德楞額帶隊由漁溝北
岸進剿二十二日晚閒黃國瑞會同楊得榮姚
廣武等襲破衆興西面賊壘四座殺賊百餘名
二十三日夜閒黃國瑞又商同楊得榮等水陸
各隊齊擊賊營四更時抵賊頭圩該逆並無準

備當卽分路齊攻拋放火箭火毬乘賊不意攻
克一壘殺賊二百餘名餘賊奔潰官軍跟蹤窮
追他圩之賊各皆驚潰立卽攻破賊壘七座追
至衆興圩外適楊得榮礮船已到施放火箭焚
燒圩房賊猶死拒各軍併力圍攻黃國瑞楊得
榮郭寶昌首先帶隊搶上賊圩各軍一擁而入
賊勢不支紛紛敗遁又經吳鳳柱等馬隊會合

追殺十餘里斬馘無算救出難民婦女三千餘人於二月二十四日將衆興賊圩攻克臣查此次捻股東竄衆有數萬清淮各軍單薄實不能制賊死命黃國瑞等攻克衆興皆恃礮船之力緣自南岸乘賊不備過河進剿及該匪大股來撲官軍進可以戰退則有礮船接應是以屢次偪剿均獲大勝又德楞額所部扼防漁溝一帶

田在田所部並桃源團練扼紮南岸該逆東南
兩路皆有牽制是以不能負嶠久踞惟衆興雖
克餘擒敗遁尙未盡殲臣已咨德楞額田在田
督帶各隊馳赴西路追剿並嚴飭淮安屬縣催
築各鄉圩砦堅壁清野以杜西捻覬覦所有攻
克衆興之遊擊黃國瑞楊得榮守備郭寶昌三
員實屬異常出力相應懇

恩分別獎勵奏入

上命議政王軍機大臣傳諭吳棠曰此次捻股東竄
糾衆數萬意圖撲擾裏下河完善地方節經吳棠
分調兵勇堵剿並經德楞額田在田督帶馬步各
隊牽制賊勢使衆與之賊不敢負隅久踞惟衆與
雖經攻克而餘捻尙未盡殲且裏下河一帶未被
蹂躪該匪未逞其欲難保不乘閒再圖東竄吳棠

現飭淮安屬縣趕築各鄉圩砦爲堅壁清野之計
著卽嚴飭各該地方官將各處民圩催令一律築
成杜賊窺伺所有駐紮清淮之水陸兵勇仍著吳
棠隨時整飭嚴密防範毋得以賊氛漸遠稍涉大
意

上諭內閣曰官軍進剿北岸踞匪疊次獲勝並將衆
興賊圩攻克勦辦尙屬認真著吳棠仍飭在事將

弁嚴密偵探防勦務將敗匪殲除淨盡勿留餘孽
所有尤爲出力之遊擊黃國瑞著免升參將以副
將用並賞加總兵銜楊得榮著以參將儘先選用
並賞給綽勇巴圖魯名號守備郭寶昌著免升都
司以遊擊儘先選用並賞給卓勇巴圖魯名號以
昭激勸

初九日 辛卯 勝保奏言圍穎各逆屢撲成祿洪貞

謙等營盤該鎮道等奮力相持疊次斬馘甚多
惟各股援賊四出紛乘沙河南岸賊騎絡繹不
絕意欲圍攻舊縣集窺伺太和截斷後路雖經
臣派隊擊退仍屯踞邢家圩等處北岸穗子鋪
萬福溝一帶均有賊蹤逆衆數萬往來游駛節
節據我糧道糞困大軍 臣派營總常海等帶領
馬隊連夜闖過賊營赴陳飛調餉銀來營以資

集三才圖考卷之二十一
三

接濟一面派員於太城設局趕製火藥鉛丸以
供前敵並先期密飭總兵黃得魁等所帶後起
各隊三千餘名星夜兼程由槐店一路護送軍
火前來隨勦隨進直抵太和五品花翎劉効忠
亦由河北帶勇隊一千餘名馳抵鹿邑軍威日
壯該逆復因僧格林沁毛永熙督兵攻勦金樓
擬擣蒙亳老巢紛紛向亳境撤退大軍後路情

形稍鬆臣當飭前敵各軍滾營前進設法

賊壘以期早抵城下迅解重圍一面催提成大

吉蕭慶衍兩軍由三河尖曹家集前進計三五

日內即可偪城而壘臣思楚師若專由南面進

兵則西面空虛必致該匪鋌走他竄是以函致

該提督令其相度機宜分由潁南潁西兩路進

兵斷賊糧道扼其竄路並可與北面官軍聯絡

聲勢臣復飛飭苗練之營長潘立勳等各帶練

衆隨同楚軍一體進紮其潁東一帶賊勢較重

賊營亦多現經苗沛霖率練六七萬將潁上圍

攻後亦卽遵令節節前進三五日內亦可進薄

潁城以收破竹之效至沙河南北被勦西竄捻

股尙多現聞鄭元善帶兵出省行抵陳州救援

新蔡並策應臣後路查新蔡之圍亦係逆衆分

我兵力之計如果穎圍速解穗子鋪等處後路
肅清則圍蔡之賊勢孤計蹙加以大兵合力剿
辦可期應手而解此時若專力援蔡誠恐該逆
負嵎於前援賊復乘於後甚爲非計臣已函致
鄭元善卽親統馬步各隊馳赴槐店相機援剿
仍請

旨飭令僧格林沁酌派得力馬隊一千餘名或由鹿

邑或由槐店前來助剿

勝保又奏言查苗練人數衆多前因皖省大吏
駕馭失宜激而生變除苗沛霖等並未蓄髮外
其餘部下人衆不下五六十萬與粵捻雜處均
已蓄髮日前楚軍遲疑未敢卽進未必不由於
是該練現旣隨兵助剿臣已刊刻告示飭令所
有苗練部衆一律薙髮並知照楚軍免懷疑慮

現據各練具稟均已遵辦苗沛霖並傳知夕

助糧餉軍臣飭其迅速進兵會剿並設法離開
粵捻以期誘擒首逆奏入

上命議政王軍機大臣傳諭僧格林沁勝保鄭元善
毛永熙曰逆匪盤踞穗子鋪等處意圖阻遏官軍
餉道經勝保調派營總常海等帶領馬隊闖過賊
營飛提陳郡餉銀復派總兵黃得魁等統帶各隊

由槐店護送軍火直抵太和軍威日壯該匪因僧
格林沁等督兵攻勦金樓擬擣蒙亳老巢紛紛向
亳境撤退是勝保軍營後路情形已鬆正宜乘此
聲威進援潁郡著卽嚴飭前敵各軍催提後起兵
勇奮力前進會同成大吉等軍偪城而壘迅解城
圍毋得遷延貽誤昨據僧格林沁奏現攻金樓正
當喫緊且逆匪率衆回救在營馬隊無多勢難抽

撥自係實情此次勝保請調馬隊助剿著仍遵前
旨暫緩派往並著僧格林沁督同毛昶熙將金樓
踞匪迅速掃蕩出賊不意直搗老巢以期盡殲醜
類惟現在北路兵力空虛亦不可不妥籌兼顧至
苗練部衆據勝保奏稱遵示薙髮現在設法離閒
粵捻以期誘擒首逆著卽密飭苗沛霖迅將張落
刑殲除自明心跡毋得徒託空言致墮奸計宋憬

詩降衆經鄭元善派員開導該逃勇不能受我範
圍乘夜潛逃經官軍追勦宋憬詩膽敢列隊抗拒
沿河西竄巴揚阿督兵追躡如能將該逃勇等一
鼓殲除則汴城兵勇可以抽調卽著鄭元善親統
馬步各隊馳赴槐店以爲勝保後路聲援楊飛熊
一軍前已調往陳州汝防未免空虛並著鄭元善
相機策應

十二日甲午勝保賈臻奏言查穎北本有大賊營

三座牆高濠深防守嚴密並挖掘重濠密排鹿
砦阻我進攻之路且因大兵屢次攻擊復於東
北西北添紮賊營六座以拒我師經臣勝保密
飭道員洪貞謙等挑選奮勇五百人於三月初
一日乘夜先探進兵道路該逆恃其地險人衆
不意官軍由河邊猱伏而進扯開鹿角一齊進

攻逆衆驟不及防登時大亂刀砍矛刺殺死悍
賊一二百名將賊營帳房蓆棚焚燒大半初二
日臣勝保督隊馳赴前敵激勵各鎮將面受機
宜懸以重賞分路大舉進攻志在必破初三日
丑刻依次進隊馳抵賊濠先將鹿砦砍開分路
填濠而進直撲穎北賊營該逆抵死抗拒槍礮
如雨我軍衝冒矢石無不一以當百奮勇先登

擁至壘邊火彈噴筒一齊打入火光燭天成祿
先將西北賊營攻破范得勝等亦攻進正北東
北賊營逆匪覓勢不支齊開壘門竄出我兵分
路剿殺斃賊千餘賊衆大敗臣勝保傳令將奪
獲三壘分兵屯紮稍息兵力再行乘勢進攻天
甫黎明各壘踞賊及沙河泉河兩岸之賊見大
軍連破賊壘糾集馬步賊衆兩萬餘人過河救

樓並將我軍所奪營盤重重圍裏且分悍賊數
千抄撲王圩洪貞謙帶領任治國各隊奮力迎
戰與成祿各軍前後夾擊鏖戰兩時賊匪紛紛
敗退臣勝保復派薩薩布常海等分東西兩路
包抄追殺十餘里賊屍遍野餘衆撲河淹斃者
不計其數我兵追至泉河沙河立將東西浮橋
焚燬拆斷其附城各賊壘見浮橋已斷無路奔

逃遂復抗拒死守 臣勝保督飭各軍乘勝急攻
不容喘息壘賊自知孤立無援拼命復鬪各將
弁等首先陷陣撲進濠牆賊衆翻牆亂竄三面
堦殺殲斃極多自卯至未更番輪戰五時之久
始將附城賊營六座次第攻破壘中賊衆斬殺
殆盡與潁郡官軍會合北面城圍因之立解共
計攻破大賊壘九座生擒老賊二百餘名殺賊

無算此北路官軍大獲全捷踏平賊壘立解潁
郡城圍之情形也 臣賈臻於初三夜正在北門
城上督巡知大軍進勦得手指揮守城各軍出
隊夾擊殺賊三四百名拆毀賊營七座參將范
文英等帶勇直抵城南清河立將賊橋二道拆
斷其西南兩路賊匪亦經官軍分投掩殺斃賊
多名並將清河南岸王家莊賊營奪回北路敗

賊屬聚東面憑濠死拒我軍槍斃數百人督勇
填濠立破賊營二座是日共破賊巢十三處拆
毀浮橋五道殺賊千餘名此潁郡官兵接應北
路大軍夾擊獲勝之情形也其南路楚軍聞已
進至南十八里鋪疊獲勝仗苗沛霖因賊屢援
潁上牽制該練未得速抵潁州聞已與粵捻接
仗十一次疊挫兇鋒臣勝保分飭楚軍苗練迅

續通志卷一百四十一
三
速進兵以期痛殄寇氛不留餘孽至潁郡北面
雖已解圍而南西東三面之賊尙復屯踞長濠
以外據營死守賊數尙多當飭各軍卽就北面
奪獲賊壘分布屯紮以便會合兵勇節節掃蕩
臣勝保卽於是日率輕騎親至北關與 臣賈臻
晤商機宜仍回茨河鋪行營調度一切奏入

上命議政王軍機大臣傳諭勝保賈臻曰潁州北面

雖已解圍而東西南三面之賊尙復屯踞長濠以
外據營死守亟宜乘此聲威盡殄賊氛著勝保督
飭各軍奮力前進楚軍已抵城南十八里鋪距潁
不遠並著勝保密速約會南北夾攻則勦辦更易
得手其帶兵各將弁勝保當飭部下與之和衷共
濟不可各存意見賈臻旣已出於危險亦當嚴飭
防潁將弁出城會勦務將城外賊壘節節掃蕩以

期廓清穎郡勿留餘孽至苗沛霖因賊牽制未能
速抵穎州該大臣已飭其迅速進兵各節前據該
大臣奏稱苗沛霖練衆五六十萬人若苗沛霖果
誠心反正何難分撥練衆協助官軍乃僅以圍攻
穎上爲詞未撥練衆助剿所謂與粵捻接仗十一
次屢挫兇鋒者恐係該練飾詞衷懷尙萌叵測該
練反正之心誠與不誠總以張落刑一股能否殲

除爲斷庶不致墮其奸計現在該大臣兵勢正盛
足以辦賊自可毋須苗練之力如必須苗沛霖協
助亦當於驅策之中寓防閑之意斷不可豫存成
見姑息養奸現在城圍雖解一面其餘三面尙多
屯賊恐其再合重圍勝保仍須督飭諸軍四面兜
剿不可輕易入城致有疏失

十三日 乙未 鄭元善奏言潰勇宋憬詩等由京水

鎮西竄滎澤汜水邊境副將巴揚阿帶兵追及
該勇鼠竄奔逃我軍刀砍矛刺復擒斬四五十
人該勇等稔知西北兩面兵練堵剿嚴密後路
追師緊躡勢蹙計窮適勝保派五品軍功馮廷
祉等持札招令回營立功自贖宋憬詩央令馮
廷祉等懇 臣寬宥准令來省面陳悔罪各情 臣
以宋憬詩潰敗思歸原不得目爲叛逆前因屢

勸不服夤夜潛逃恃衆搶船公然抗拒則不追
不勦斷無此辦法今旣消其桀驁就我範圍悔
罪乞恩正可網開一面臣因令馮廷祉等傳諭
宋憬詩安分回省將部衆紮住城外准其自行
進城謁見三月初六日宋憬詩來謁臣面加諭
飭多方開導該勇目俯首無詞唯唯聽命自稱
從此約束部衆遵守軍令斷不敢再有違誤並

瀝陳缺餉情形察其詞色極知畏懼查副都統
明慶管帶馬隊五百名尙未起身臣一面飭司
發銀一千兩交宋憬詩領收以資口食一面查
明實存人數與明慶商酌責令督同五品軍功
馮廷祉沿途妥爲彈壓勿令滋事到陳以後卽
由槐店探明前進攻穗子鋪踞匪收復要隘
以通餉道連日接據探報二月二十日皖捻大

股馬步四五萬人由東南竄撲沈邱縣城屯踞
關外四面圍攻該縣知縣顧恩培督率民勇登
陴守禦開放槍礮轟擊多名至二十四日由雒
莊西竄二十七日圍撲項城適副將楊飛熊帶
兵抵項會同在防遊擊丹凌雲布置防勦楊飛
熊整齊隊伍行至八里橋地方馬賊分兩股來
撲步賊亦蠶擁繼至勢如潮湧楊飛熊開放連

環槍礮斃賊百餘名該匪在羊樓地方盤踞二十九日分擾周口及商水城外沿途搶劫繞由西華郝岡徑撲上蔡城關知縣姚錕派勇迎擊並於城上開放槍礮轟斃甚夥三月初一日該逆大股屯撲西平縣城盤踞四關焚掠署知縣宮國勳督勇出擊城上吶喊助勢槍斃賊目五名匪勢稍卻仍在四五里外游駛各等情臣查

此股捻匪衆逾數萬飄忽而來有謂張逆股匪
劉大老淵李五者有謂爲孫四瞎子龔耀者覈
計日期卽前探侵擾周口窺伺省城之匪有欲
往老河口轉竄陝西之謠是西路又在在喫重
且西平近接汝甯張曜一軍自楊飛熊赴陳後
已覺過單設再會合圖抗更難抵禦臣再四籌
思惟有先其所急擇要駐紮居中調度定於初

九日督帶親軍馬步二千人取道尉氏洧川至
許州暫駐一面飛調李徵松楊飛熊各率所部
由西華至鄆城駐紮探明匪蹤相機遏擊並飛
飭南陽汝州各屬調集團練隨同官軍嚴密堵
截奏入

上命議政王軍機大臣傳諭勝保鄭元善曰宋憬詩
以鄉曲亂民本應早予正法經勝保帶赴皖省輒

敢中途潛回抗拒官兵若非追剿緊急該勇目勢
窮計蹙豈肯悔罪投到是於情法均無可貸鄭元
善因勝保派員招回卽允其回營給予口糧辦理
甚屬姑息惟業經該撫允其帶罪立功若再追治
其罪恐號令不信卽著照所請飭令隨同明慶由
槐店進剿穗子鋪以通潁郡餉道第該勇目貸其
一死已屬法外施仁如到營後立有奇功方准保

奏勝保不得稍涉迴護飾詞請獎致令賞罰倒置
儻該勇目故態復萌不遵軍令卽予正法該大臣
本能勦賊近以招降過衆後多反覆聲威甚減不
可不誠用副期望至皖捻大股擾及周口撲犯西
平等處張曜一軍旣形單薄鄭元善所部兵勇亦
祇二千名恐不足以遏逆氛楊飛熊一軍前因潁
郡後路喫緊諭令前赴槐店頃據勝保奏稱潁郡

城圍已解進城與賈臻會商一切是該副將一軍
無庸援穎卽著鄭元善前赴許州檄調該副將帶
兵駐紮郟城以杜北竄勝保不必再行催調以專
責成歸德兵勇如有可以酌撥分勦之處並著鄭
元善商同毛昶熙妥爲辦理其南汝各屬團練並
著飛調協勦以壯聲威

鄭元善又奏言據睢州甯陵柘城等縣稟報此

次毫東捻股四五萬人就熟乘虛紛竄豫境親
王僧格林沁一捷於杞再捷於尉步賊殲滅淨
盡馬賊無多踉蹌東遁二月十三日竄至睢州
境經該處寨團齊出截擊殺斃數十名十四日
至甯陵之大黃岡又竄及柘城之慈雲堡該縣
知縣謝國輔督練邀截斬馘百餘名生擒三十
七名又據駐防宋集之守備劉廷稟報敗匪在

大李莊盤踞劉廷傳齊各隊乘夜襲擊斃賊七
八十名匪衆驚潰併力追剿又斃匪三百餘名
十五日參將陳祿興等各帶馬步隊伍在包公
廟等處擇要設伏並知會各練併力截殺陳祿
興輕騎誘敵該匪意在奪路奮勇衝撲深入伏
中我軍四面合擊斃匪二百餘名追至曹莊池
東又遇陳文平等豫伏步勇截殺共計斃匪五

六百名餘匪向東奔竄各等情 臣查匪股狡獪
雖敗殘之餘數仍不少各州縣隨地扼擊宋防
將士又設伏攔截斬馘尤多實足寒賊膽而快
人心奏入報

聞

十四日 丙申 勝保賈臻奏言三月初三日官軍將
潁郡北路賊窟踏平後卽於是日二鼓由 臣勝

保派令新紮城北各軍以五成扼守營牆餘俱
分路進剿臣賈臻亦飭副將李璋等齊力攻擊
時天色昏黑我軍悉沿賊濠放槍呐喊一面掩
至東路賊壘燃拋噴筒火彈賊越牆而奔我軍
緊躡賊蹤殺賊甚夥其偪至沙河西岸者淹斃
尤多南面賊營聞風驚潰齊向西南兩路分竄
昏暗中自相踐踏死傷不能數計我軍就勢掃

蕩西路羣賊亦各奪路奔逃不攻自潰是夜攻
擊兩時之久共計踏毀東西南大小賊營三十
七座賊卡四十餘處於初四日卯刻立解潁郡
城圍附城四面漸就肅清臣勝保卽入城安撫
居民拊循士卒現在糧運已通人心大定惟兵
力祇有此數重圍雖解而敗殘賊衆未能悉數
殲除訊據生擒賊供張落刑自攻破沙河東范

圩卽潛伏其中以爲藏身之固該圩近爲練總
王金奎攻破張逆東遁潁上溷入圍城之中顧
其家小並據苗沛霖密稟張逆現已入城因責
成該練認真圍困設法擒獲兇渠至現在北路
穗子鋪尙有逆蹤新蔡之圍日久未解潁郡敗
賊亦分竄東南與西北兩路應如何分兵截剿
容臣勝保酌度緩急次第辦理所有尤爲出力

之總兵成祿等相應開列懇

恩分別獎勵

勝保又奏言 臣前派道員洪貞謙赴穎壽辦理
收撫事宜入皖後沿途收撫民圩翦賊黨與復
會同總兵成祿疊平賊壘屢著戰功合無仰懇
天恩將洪貞謙交軍機處遇有按察使缺出卽行提
奏奏入

上命議政王軍機大臣傳諭勝保賈臻曰穎郡被圍
日久經勝保督軍深入屢獲大勝立解城圍洵屬
謀勇兼備惟敗殘賊衆尙多遁逃張落刑溷入穎
上圍城之中若不乘機併力剿除恐該逆徐圖勾
結又將突出肆擾終爲皖豫巨患著勝保乘此聲
威移師穎上務將張落刑股逆全行殲滅以除後
患並可面諭苗沛霖責其殲斬張落刑以明心跡

集賢堂 卷之二 二
三

儻該練徒以歸正爲詞又復心存叵測依違不前
亦可密爲圖之該大臣大兵所指逆匪瞻寒苗練
已隸麾下自易察其真僞諒不致墮其術中也至
穗子鋪尙有逆蹤該處爲潁郡後路勝保亦當派
撥得力將弁帶兵馳往剿除毋留餘孽勝保此次
深入重地以少擊衆力保危城深堪嘉尙是以特
經降旨獎勵該大臣斷不可志得意滿因此又招

物議總當屏去嗜欲力戒驕盈以古名將自期時
思克承恩眷現在潁上一帶伏莽尙多如能將張
落刑股匪悉數殲除苗沛霖一事辦理妥協永無
後患爾時朝廷錄其幹濟之功必當恩施特沛雖
衆口悠悠無從訾議此則甚有望於該大臣也勉
之懷之所有潁郡布置善後安撫瘡痍各事宜並
著賈臻妥爲經理

上諭內閣曰官軍乘勝攻勦潁郡東西南三面偪城
逆匪續獲全勝共計踏毀大小賊營三十七座賊
卡四十餘處斃賊無算潁郡城圍立解辦理甚爲
妥速欽差大臣兵部左侍郎勝保自直東遠道赴
援沿途獲捷深入疾進兩日之間擊散賊衆數萬
立解城圍實屬謀勇兼備調度有方加恩著賞給
兵部尙書銜並發去翡翠翎管一支白玉煙壺一

箇白玉佩一件珊瑚豆大荷包一對交勝保祇領
以示優獎署安徽巡撫賈臻堅守待援並派兵勇
夾擊共解城圍亦屬勤勞倍著著賞給二品頂戴
並交部從優議敘總兵成祿著賞還頂戴並賞加
提督銜副將馬陞李璋均著以總兵記名簡放參
將王佐臣范文英李安邦姚長齡均著免補參將
以副將儘先補用副將穆長榮著賞給固勇巴圖

魯名號參將梁士紳著賞給精勇巴圖魯名號遊
擊盧泰著賞給勝勇巴圖魯名號都司任治國著
免補都司以遊擊儘先補用並賞給誠勇巴圖魯
名號千總鄧林楓著賞給銳勇巴圖魯名號並賞
戴藍翎遊擊鮮玉龍陳義均著賞加副將銜知府
汪景度著免補本班以道員用直隸州知州方蔭
唐著免補本班以知府用知縣鄧林松著免補本

班以直隸州知州不論雙單月遇缺卽選並賞加
知府銜都司李高啟張占標均著以遊擊儘先補
用府經歷董杭著免補本班以知縣仍留原省歸
候補班前補用並賞戴藍翎知縣趙希曾著免補
本班以直隸州知州用王國棟著歸候補班前先
補用並賞換花翎守備趙德正著免補守備以都
司儘先補用縣丞賈敦朴著賞加五品銜並賞換

花翎葉鳳來著免選本班以知縣不論雙單月選
用頭品頂戴副都統烏勒興阿著賞還頂戴並交
部從優議敘副都統薩薩布常海均著交部從優
議敘協領降補防禦富明阿著開復協領原官佐
領高福著以協領卽補候補知府署潁州府知府
博銘著開復原叅暫行革職處分河南記名道洪
貞謙著交軍機處記名遇有按察使缺出提奏

同日吳棠奏言三月初六日突有另股捻匪由泗州境內北竄至宿遷縣埤子地方聲言欲東竄裏下河爾時德楞額田在田兩軍早已追賊西行王萬清劉成元兩軍因浦六喫緊均各撤回防所黃國瑞一軍又回寶應湖西修理軍器清江存兵無多臣當派參將朱光庭帶隊千名馳守成子河圩又派都司張從龍等帶隊七百

名前往接應該捻於初七日分股攻撲成子河
圩朱光庭正在帶隊堵禦另捻已由陶家橋水
淺處竄擁搶渡直撲桃城朱光庭趕回桃城守
禦張從龍等行至高家灣地方卽遇馬賊二千
餘人不能前進遂撤紮順清河與守備王立所
帶礮船併力堵扼初九日有馬賊二百餘人東
趨經參將姚廣武等帶隊擊退追殺十餘里斃

賊五十餘名據獲賊供稱此起捻首係李加膺
劉添幅等股因在河南擊敗回巢不敢西竄現
復裝旗有馬賊一萬餘人步賊二萬餘人意圖
乘閒東擾裏下河等語臣現已分撥各隊嚴守
浦圩伺隙出勦一面咨都興阿撥隊截擊並調
黃國瑞一軍來浦以便進勦適遊擊楊得榮帶
礮船到浦臣並令駛赴順清河會同各軍堵禦

惟念此次竄捻數萬皆係著名悍賊清淮防兵
並所調各軍統計不過數千衆寡不敵仰懇

天恩飭下親王僧格林沁迅撥馬隊二三千名東來
勦辦實於大局有裨

同日田在田奏言自收復衆興後敗匪李城等
股竄向宿遷境內圖赴上游搶渡回巢其南岸
後股各捻魏坤等原冀北來接應偵知我軍抄

前扼堵不敢前進仍在泗境半城一帶游弋當
飭副將袁世功等各帶所部乘勝由北岸追剿
臣卽拔隊由南岸而西節節布置二月二十六
日魏坤等股因知衆興踞匪受創竄遁遂向西
南遠颺半城探已無賊又據宿遷縣知縣吳元
漢稟稱北岸股匪潛至該縣之車路口搶渡該
處河水淺窄距縣城僅四五里危急萬分等情

臣卽先帶馬隊馳赴該處時已昏黑因就河沿
列仗槍礮齊施擊斃多名二十七日探悉賊往
上游九龍廟一帶涉淺悍賊已數百人臣親督
各隊馳往奮力衝擊陣斬六七十名淹斃不計
其數南岸已渡之匪搜殺淨盡北岸之匪仍在
附近盤踞是夕狂風驟作塵土蔽天隨飭各營
嚴隊屹立夜以繼日一面派參將歐玉標等帶

馬步一千名連夜溯流疾赴迪西六十里之阜河上下埋伏是夜二鼓下游之賊紛於各處偷渡均經我軍擊退五鼓時歐玉標等行抵阜河迪西探悉該逆前股潛赴二三灣一帶紮筏搶船我軍因就近伏伺二十八日黎明其前隊五六千人甫經過河大股賊衆數萬踵至搶渡馬步兵勇同時突出槍礮齊施該逆紛紛驚亂因

乘勢併力撲擊斃賊二百餘名落水死者尤多
餘匪潰散南遁救出難民二千餘名下游已無
賊蹤臣飭歐玉標等仍各帶隊追剿西竄之匪
一面會同德楞額派撥馬隊由淺水處涉過北
岸將後股未渡之匪從後兜截南岸亦整隊迎
擊斃匪二百餘名餘匪四散奔竄北岸一律肅
清臣與德楞額分路追剿馳抵睢甯德楞額以

棍匪劉兆燦等攻陷陰平民寨督隊折回東省
勦辦 臣卽於三月初一日追至宿州交界李家
橋地方適總兵胡元昌所派各隊與賊相持我
軍由南北兩面夾擊該匪因距巢不遠無心抗
拒遂分數十股舍命西奔我軍奮力追殺三十
餘里斃賊二三百名餘匪遁回老巢現飭諸軍
各歸各營暫爲休息俟備齊糧草等項卽由 臣

統帶進剿均奏入

上命議政王軍機大臣傳諭僧格林沁吳棠田在田
曰捻匪由泗州境內北竄宿遷有東竄裏下河之
謠其時田在田等軍追賊西行王萬清等軍撤回
浦六淮浦兵力不敷吳棠請飭僧格林沁撥馬隊
二三千名赴淮剿辦著僧格林沁察度情形酌量
調撥清淮一帶地廣兵單如捻股銳意東竄必須

厚集勁旅方能遏此狂鋒保全完善現在潁圍已
解僧格林沁圍攻金樓能否得手務須通盤籌畫
未可顧此失彼田在田追賊獲勝餘匪敗遁回巢
現飭各隊暫爲休息自未知清淮復有捻股竄擾
著卽統率將領援應清淮務須滅此寇氛無任紛
竄吳棠身任地方責無旁貸著先就現有兵力嚴
密堵禦並飛催田在田德楞額等軍回援俟兵力

稍厚會合夾擊毋得專待僧格林沁馬隊致滋貽

誤

中央民族
學院圖書
藏書

欽定勦平捻匪方略卷一百四十一

壬戌年

中興記族

三月十六日

戊戌

官文奏言近年豫省捻

匪聚擾

如毛乘虛竄突已成慣技楚省西北邊界多與

毗連久為該匪垂涎本年正月內捻眾數萬竄

至申陽臺等處逼近隨州所屬之小林店勢甚

狡猾當經臣等飛飭道員毛有銘分撥各營馳

往勦辦擒斬捻匪百餘名二月初一二等日擒

首李春桃等糾集河南匪黨三萬餘焚掠高粱
店一帶民房距小林店五里圖撲官軍營壘當
派參將李致和等分路進擊先以零星隊伍前
往誘敵隨州知州馬晉圖等亦親督團勇援應
布置方定該捻鳴角四起直前迎拒我軍且戰
且退各路伏兵齊出奮力圍剿鏖戰三時之久
殺斃悍捻百餘名賊始潰敗我軍追殺三十餘

里始行收隊共計殺斃擒匪二千餘名奪獲器械馬匹不計其數二月初旬信陽羅山擒匪屢次竄擾應山孝感邊界二十二日擒首何廣玉率衆萬餘竄至應山縣屬之觀音店焚搶直抵新店距武勝關十餘里二十三日總兵沈俊德會合副左果銳二營並知縣馬煥綸督帶團勇馳赴武勝關適擒黨已於關外高山張旗分布

橫亙數里約衆萬餘關外大路又有賊衆數千
意圖闖關而入我軍嚴陣以待俟賊偪近槍礮
連施傷斃擒匪多名賊勢稍卻忽見高岡巨股
蠡擁而來我軍三面齊攻該逆大敗繞追二十
餘里共斃擒匪三千餘人惟據獲賊供稱尙有
大股數萬續行蠢動轉瞬春麥登場必更出巢
擾掠現仍飭馬步各軍及襄棗隨德等屬文武

加意嚴防相機勦辦 臣復派周鳳山一軍駐紮
孝感三里城一帶妥籌戰守以期內顧楚邊且
爲援潁各軍後路策應奏入

上命議政王軍機大臣傳諭官文曰本年正月閒捻
匪竄偃隨州所屬之小林店地方二月初閒信陽
等處捻首何廣玉率衆竄至應山縣屬之觀音店
距武勝關十餘里均經官軍擊退楚省北界與豫

省毗連捻匪乘虛竄突難保不去而復來現在汝
光一帶徧地捻蹤新蔡尙復被圍轉瞬春麥成熟
尤難保不出巢肆掠不可以暫時驅逐出境稍涉
大意著官文督飭各將弁實力嚴防相機勦辦其
各該地方文武員弁亦當激勵兵團嚴密堵截毋
令匪蹤闖入楚境周鳳山是否奮勇出力尤須妥
爲籌馭

同日勝保奏言軍務固在統率得人尤在事權
有定夫軍務責在將帥而地方責在督撫事合
則易成事分則無濟 臣仰蒙

倚畀責任不爲不專而其中棘手情形有不能不敬
陳者卽如袁甲三爲皖省統帥實則株守臨淮
而於苗練捻匪並未辦理分毫是有其名而無
其實近又以李續宜副之窺該撫之意亦知皖

北之難未以幫辦皖軍自任故仍附於曾國藩
於捻匪苗練諸事均未著手此皖北軍務之情
形也至豫省鄭元善所帶兵勇亦係勦捻同辦
一事原不必另樹一幟祇以臣前此深入皖境
後路暫難兼顧遂不免此疆彼界意見紛歧若
日久相尋必致運掉不靈諸多掣肘現雖有僧
格林沁大軍在歸德一帶攻勦而蒙亳徐宿賊

匪竄路尙多設有緩急尙須回顧直東勢不能
久爲豫省所牽遂撤北路屏蔽此豫省軍務之
情形也現在潁郡旣已解圍正當統一事權同
力合作以冀早清捻患共奏膚公今臣一軍介
於兩省之間竟成客兵之勢集軍籌餉在在爲
難惟有仰懇

天恩俯賜垂察

飭下安徽巡撫李績宜河南巡撫鄭元善均幫辦 臣
軍務則兩省聯爲一氣實於軍務大局有裨如
臣所言未蒙

聖明垂諒抑或旁觀局外再存媚嫉之心以任事爲
爭權以公忠爲私計則機會必致復失 臣雖竭
盡愚忱亦將無從措手卽求
逾格鴻慈早賜保全免干咎戾或

飭臣及早回京另

賞差使柳或

飭赴北路以備緩急之防俟奉到

諭旨再行恪遵辦理

勝保又奏言現在潁郡解圍餘賊二三萬窮蹙無歸連夜盡向東南逃竄歸併潁上意圖援救張落刑與苗練拌死相抗已嚴飭苗沛霖極力

欽定四庫全書
卷一百四十一
六

撐持認真圍剿並飭成大吉蕭慶衍兩軍督駐
潁郡東南關外以資防守 臣因新蔡尙在被圍
太和後路仍有阻滯擬卽日回兵陳州酌量緩
急次第辦理

勝保又奏言 臣接准李續宜來文將歷次所奉
諭旨及覆奏各條鈔咨到營查李續宜覆奏內有云
目下潁州緊急各軍接勦於外尙賴賈臻堅守

於內應俟潁郡解圍後另派一軍防守該府卽
將賈臻撤任會同袁甲三將賈臻妄報軍情各
節併案查覆分別辦理等因 臣查此股圍攻潁
郡之賊實係逆首張落刑勾結四眼狗陳玉城
廬州賊衆北來粵逆實有三萬至於五旗捻匪
十餘萬衆俱受張落刑僞令於年內麪聚潁州
因今年春閒聞 臣及僧格林沁南剿始分其餘

竄赴豫境以阻我師而留潁之賊尙不止七八
萬其賊勢之衆可想而知賈臻前次所奏探報
雖未免稍有過當然尙未失其真若袁甲三所
奏僅有賊數千則有意以多報少相去懸絕至
守城一節賈臻以三千兵勇固守待援至八十
餘日之久若非布置妥協馭衆有方未必不生
意外之變若如李績宜所奏俟解圍後卽將賈

臻撤任查辦實屬是非莫辨賈臻身爲大員平日辦事未必處處得當而此次守城出力厥功甚偉應如何量予

恩施以昭激勸之處出自

聖主鴻裁並將圍穎粵逆匪首及各股著名擒首開單恭呈

御覽奏入

上命議政王軍機大臣傳諭勝保李續宜鄭元善曰
勝保前奉諭旨督辦皖豫勦匪事宜捻匪未平勝
保責無旁貸現在順圍已解尙有逆捻二三萬連
夜向東南逃竄歸併順上意圖援救張落刑正當
乘此聲威統一事權併力攻勦以期早清捻患勝
保所奏一軍介於兩省之間竟成客兵之勢集軍
籌餉在在爲難等語自係實情已明降諭旨派李

續宜鄭元善幫辦軍務矣該大臣等務當和衷共濟遇事熟商妥辦俾兩省軍務日有起色積年捻患剋日蕩平方爲不負委任惟捻匪巢穴盡在皖省苗練圍攻潁上正當喫緊勝保若退紮陳州恐苗沛霖意存觀望致張落刑又復兔脫勦辦更覺棘手自應仍遵旨移師潁上督率各軍將張落刑迅速殲滅以除後患至太和一帶仍有阻滯勝保

當分撥兵勇廓清後路其新蔡被圍前已令楊飛
熊馳回援救鄭元善當相機策應仍竭力遏截西
竄賊匪毋稍疏虞李續宜計日可抵六安並著嚴
飭所部將士勉圖進取至勝保所稱局外旁觀心
存媚嫉以任事爲爭權以公忠爲私計等語詞多
負氣殊非大臣寅畏事君之道勝保務當恪遵屢
次諭旨痛自刻責力改曠盈故習奮勉立功始可

永承恩眷不負期望另片奏賈臻守潁有功所奏
軍情並非妄報將粵捻各逆首姓名開單呈覽逆
捻圍攻潁郡賈臻奏稱賊衆二十萬連營七十餘
座未免張大其辭現在潁州業已解圍念賈臻尙
能嬰城固守是以降旨賞給二品頂戴並交部從
優議敘朝廷賞功罰罪一秉大公無俟該大臣瀆
辯爲也

上又命議政王軍機大臣傳諭曾國藩曰據勝保奏稱袁甲三爲皖省統帥實則株守臨淮而於苗練捻匪並未辦理分毫有名無實李續宜亦知皖北之難於捻匪苗練諸事均未著手等語袁甲三自督辦皖省軍務後僅藉苗練之力克復鳳陽一城迨後定遠潰圍壽城失守袁甲三一籌莫展且以家有老親心神未定等詞巧爲避卸卽近日所陳

攻廬情形亦不過遙藉楚軍聲勢於李世忠亦未見駕馭得宜第以臨淮一帶會國藩難以兼顧日久未予撤調現在李續宜旣已抵皖卽可以派員統帶此軍力爲整頓以爲規畫東征之計況勝保現令進攻潁上淮南北數百里間統帥較多事權不一亦於行軍不甚相宜惟令袁甲三回漕督本任則吳棠在清淮與僧格林沁聯絡頗資堵剿亦

未便驟易會國藩督軍皖省當知袁甲三之爲人
如何量加任使之處卽著悉心籌議具奏候旨遵
行李續宜現赴六安如能克復正陽關卽壽州亦
有攻克之機勝保已飭苗沛霖進攻潁上當茲廬
郡未克未能分兵攻勦苗練莫如令其殲除張落
刑如張逆旣除則苗練之勢漸孤易於籌辦並著
會國藩密商李續宜妥爲辦理毋稍疏虞張落刑

一股若不令勝保辦理則苗沛霖不能帖服且該大臣在皖多年於軍情地勢較爲熟悉楚軍現在併力東下未遑顧及淮北此朝廷用人不得已之苦衷惟勝保性情驕恣實所不免李續宜不能與之共事著曾國藩密囑李續宜不必有所避忌如果勝保有意掣肘粉飾夸張貽誤軍務李續宜或未便叅奏卽著曾國藩據實密陳該大臣公忠體

國威名遠在勝保之上諒能知朝廷用人微意斷不肯稍避嫌疑惟此事關繫甚重設軍中或有傳播則彼此各存意見轉於軍務有礙著該大臣嚴密存記勿令營中知之是爲至要

上諭內閣曰安徽巡撫李續宜河南巡撫鄭元善均著幫辦勝保軍務

十八日庚子鄭元善奏言臣馳抵許州接據各州

縣稟報由沈項周口竄及西平捻股於三月初
二三等日該匪等漸逼城垣四面圍困知縣宮
國勳募勇縋城出奇襲擊槍斃逆匪數十名初
四日夜風雨大作匪衆偷近城濠意將搶登城
上槍礮轟擊卽時敗去初五日竄駛舞陽之吳
城寨並攻燬李寨大肆焚掠該縣張挺督勇攻
剿該匪卽於初六日竄舞葉交界之卸甲店並

澧河迤北初七日邊馬擾及寶豐魯山一帶初九日竄入邾縣之西薛店等處經該縣團勇截剿敗匪紛竄汝州境內漸向西趨又由新蔡竄近汝郡之粵匪前股偏近確山後股仍在汝境游駛藩司張曜一面派隊扼截陳大濬捻股以免勾合一面督檢討吳元炳等抽撥馬步更番擊剿斬獲多名初四日匪股全竄確山初五日

擾及泌陽之沙河店王家店等處臣查粵捻交
乘剽疾兇悍一竄西路一向南趨其勢尙不致
勾合一氣而賊衆路歧頭頭是道僅此兵力防
不勝防臣一面飛飭參將馬春華帶領兵弁會
同知府安奎督令各該縣激勵鄉團擇要嚴堵
一面飛催前調之副將楊飛熊知府李徵松等
所帶各營楚勇星夜拔隊由陳州取道西華郟

城至襄城駐紮並以馬隊不數又將勝保前調
防河之西安馬隊五百名飭令移緩就急兼程
來許聽候調遣一俟各起馬步將次到齊臣卽
移師前進探明賊蹤相機勦辦如該匪被西路
兵團截勦回竄卽由襄郟各境迎頭殲擊如兵
練不能得手卽由郟魯跟蹤進擊庶免蔓延至
粵匪已竄泌陽遠在宛南鞭長莫及恐其循舊

路入楚已令護理南陽鎮徐榮柱調集標兵會
同各地方文武嚴行扼堵臣須俟西路情形稍
鬆酌量分兵再行助剿惟疊據藩司張曜來稟
圍攻新蔡粵逆雖竄汝郡而是否分股並該處
本有土捻能否解圍莫從探悉昨又接該縣知
縣韓承宣稟稱二月二十六日粵逆於東面開
放地雷轟塌城垣八九丈竭力搶救未致疏失

而糧草子藥已罄危在呼吸萬不能不速籌援
救再四思維惟有勝保一軍可以就近馳援新
蔡俟該縣解圍後卽移得勝之師攻拔平輿賊
巢掃蕩汝光捻股以靖豫境腹患除已致函往
商外相應請

旨飭下勝保迅速移師援剿如果驟難得手臣俟西
南兩股匪勢肅清卽統帶各勇馳往汝甯會合

攻勦

鄭元善又奏言息縣土匪與汝檢互爲犄角三月初六日該匪糾合張落刑夥黨馬步數千由臨河店渡河竄擾光山縣境之寨河集等處沿途搶掠所過皆墟署光州知州何桂芳聞警立即親督小隊及州城練勇並飛調各路鄉團於初七日馳往援勦在路探知匪衆已於是日已

刻進撲光山縣屬蔡林河團練千餘人迎戰不利潰於城北十里廟地方賊勢甚銳該縣馳調各團分路前進一面向分行伍鼓行而前至城北三里岡知賊衆盤踞南關正在焚搶各勇整隊前進奮力衝殺自己至西連次進擊斃匪三十餘名賊仍退屯南關何桂芳慮該匪久踞關廂城必坐困遂乘夜進勦密約光山縣知縣阮

鼎帶勇出城接應二更後各勇一氣衝入南關
該匪不虞我軍猝至登時驚潰奪路亂竄適阮
鼎帶勇由城中衝出練總馮毅督團復由關口
突入短兵相接陣斬楊檜等九名殲斃馬賊數
十名步賊一百餘名餘賊向西南奔竄城圍立
解所有出力員弁紳練容臣酌保數員爲力保
危城者勸奏入

上命議政王軍機大臣傳諭勝保鄭元善曰捻股由
沈項周口竄至西平舞陽郊縣一帶擾及汝州其
由新蔡竄近汝郡之粵匪嘯聚韓莊復全竄確山
經馬隊衝壓該匪向西南奔竄擾及泌陽之沙河
店王家店等處搶劫新蔡被圍兩月雖經知縣韓
承宣竭力守禦而糧草子藥已罄望援急迫該撫
請令勝保就近馳援新蔡俟該縣解圍後卽移得

勝之師攻拔平輿賊巢自係爲肅清豫境起見惟
潁州甫解重圍布置尙難周密恐勝保大軍一移
敗匪散而復合則剿辦更難著手前諭勝保移師
潁上原以張落刑爲著名巨捻縱橫皖豫官軍剿
辦屢屢兔脫苗練首鼠兩端心存叵測尤須勝保
親往督辦以期廓清皖省積年之患勝保自當仍
遵前旨乘勝進兵潁上至新蔡賊勢甚重豫省兵

力單薄不敷堵剿勝保督辦皖豫軍務斷難膜視
著卽就近抽撥馬步馳往該處會同豫軍迅速攻
剿新蔡被圍日久危急萬分前已令楊飛熊一軍
馳回救援著鄭元善飛飭該副將迅速馳援並設
法策應以遏該匪西竄之路毋稍疏虞其確山泌
陽一帶竄匪著卽嚴飭護理南陽鎮總兵徐榮柱
調集標兵會同各地方文武嚴行扼堵並飛咨楚

軍截擊以重邊防鄭元善另片奏息縣土匪圍撲
光山經該地方官親督練勇擊退等語所有在事
出力員弁紳團著准其酌保數員奏請獎敘毋許
冒濫

鄭元善又奏言豫省各營將領可當一面之任
者祇楊飛熊楊長春余際昌三人杞縣之役余
際昌楊長春均以力戰受傷請假調治余際昌

刃傷過重難期速痊以致帶隊乏人諸形掣肘
且各營楚勇性氣激烈不易鈴束非本係楚產
及在楚營日久之將領難於駕馭臣查遊擊李
世玉籍隸豫省向在湖北軍營有年仰懇

天恩飭下湖北撫臣嚴樹森飭令李世玉迅速回豫
管帶各營楚勇以資得力奏入

上命議政王軍機大臣傳諭嚴樹森曰現在新蔡被

圍汝甯喫重防勦甚屬緊要楚營帶隊乏人諸形
掣肘嚴樹森前於調任楚撫時曾經奏帶遊擊李
世玉赴楚該員籍隸豫省於本處情形較爲熟習
著嚴樹森迅飭李世玉回豫管帶楚勇以資得力

二十一日癸卯勝保奏言潁郡解圍後粵捻各逆

被擊向東南奔竄者尙有二萬餘人潁上之六
十里鋪至三十里鋪均有大股屯紮張逆以苗

沛霖圍攻潁上甚急親率悍賊馳援苗沛霖暫
鬆四面之圍以誘之該逆拌命死鬪衝入圍中
搶築賊營七座直至城根苗沛霖見張逆業已
入城卽率練勇突出奮擊大破賊衆殲斃數千
連踏賊營七座卽就其地紮營仍四面合圍斷
其接濟臣飭苗沛霖督練認真攻勦務擒首逆
並因潁上西南一帶屯賊尙多當派道員洪貞

謙等帶領兵勇三千餘人駐紮迴溜集爲苗沛
霖策應又派潁州隨剿之苗營練總王金奎等
帶練前往協助並知照成大吉蕭慶衍由大橋
集相機進紮以扼回竄臣因後路所屬之穗子
鋪邢家圩等處大股髮捻雖已退竄而本地捻
匪屯聚尙多陳郡所屬之胡橋魯臺一帶踞捻
因僧格林沁抵宋進攻金樓賊巢分股撤回毫

境大股尙踞胡橋各圩亟應分兵掃蕩以清後
路現派總兵黃得魁等帶隊馳往穗子鋪駐紮
就近攻勦邢圩等匪 臣卽於三月十二日由潁
郡起程取道太和馳回陳郡大營節節勦辦宋
憬詩帶領所部赴河南撫 臣衙門請罪經該撫
剴切訓飭並酌給口糧仍令赴陳聽候發落 臣
到陳後察看情形如實係知悔知懼尙可准其

立功贖罪儻仍未罷恪守營規卽當立正軍法
以肅戎行斷不敢稍有姑息

勝保又奏言再 臣前奉

諭旨飭查辦理苗沛霖情形查苗沛霖轉圜一節集
練勦捻悔罪歸誠 臣已據實陳奏至所稱十年
之說 臣尙未面詰其由然斷章取義不過是睽
隔未久何遽見疑之意但其措詞向來晦澀是

以語多難解其王金奎爲苗沛霖相信最深惡
聲較著而此次檢獲大捻首尹滔等亦較他人
尤爲出力苗沛霖所謂水落石出者殆卽指此
而言至所奪僞書據王金奎面稟於二月初七
日在迴溜集盤獲廬州送信老髮賊一名沿途
扮作行路之人由壽州正陽繞道而來致被盤
獲並苗練疊次打仗奪獲僞詔僞印多件當經

分別銷毀因僞書有關繫軍情之處是以恭呈
御覽此臣前奏苗沛霖各節之實在情形也苗沛霖
本有將才從前著有功績謂其跋扈不仁則有
之若自甘背叛則未盡然卽如臣此次入皖苗
沛霖卽齊練圍攻潁上遵令一律薙髮其所部
練總王金奎等均先後帶練來潁搜殺餘匪追
剿竄賊苗沛霖本定初七八日來潁謁見因賊

勢東趨潁上攻剿緊要臣已飭令毋庸前來俟
攻克潁上誠揜巨憝後再行來謁此又苗練漸
就範圍之實在情形也

同日袁甲三奏言臣遵查壽州解硝赴廬濟賊
爲南路練總鄭桓鄭尙義等堵截未容過去係
本年二月之事臣已派遊擊郭清標前往嚴查
勾賊之入務獲懲辦適張得勝鈔送楚軍搜獲

粵賊余汝錠僞信內有運硝一節與團練稟報情形相同因原信係楚軍搜獲臣是以於摺內聲敘未經鈔錄進呈今查該逆僞信三件前二件註有月日均係本年正月望前其運硝一件未經註明月日是否原信未註抑係鈔錄時遺漏均不可知然信內追敘往事指明月之念五日似係指上年十二月而言且三信係同時搜

獲想日期先後不甚懸遠理合一併鈔呈

御覽

同日賈臻奏言查苗沛霖前此藉團滋擾跋扈
嗚張實爲覆載不容神人共憤迨壽州失陷自
知罪大惡極未必能逃

再造之恩遂勾通髮捻各逆圍攻潁郡其意賊志若
違卽相與侵犯不復問其將來若潁軍得力援

師四集彼又將驅除羣賊以爲自贖地步其計甚狡其心可誅臣本無能潁防兵力又甚單薄李續宜暫難專力於苗勝保一軍又須兼顧豫皖恐未能久駐潁境且沙淮兩岸縱橫數百里皆其黨與似亦誅不勝誅現惟乘此羣情轉易之時收撫苗黨使之一意歸官此後苗沛霖如能輸誠帖服殺賊圖功

纂要卷之四十一
三十一
朝廷法外施仁自可容其悔過否則羽翼旣去號
召不靈彼時相機勦辦較有把握至此次南北
援師得以徑抵潁郡多緣苗練效順中途無阻
之故且沿淮圩民亦已一律薙髮此又苗沛霖
暫可撫馭之實在情形也均奏入

上命議政王軍機大臣傳諭勝保曰苗沛霖進攻潁
上踏毀賊營七座業已四面合圍斷其接濟諒可

迅速得手仍著該大臣飭令擒獲張落刑以除後
患毋令日久稽誅苗沛霖心本叵測袁甲三等威
望又不足以震懾遂致甘心附逆攻陷壽州現畏
該大臣聲威又陽爲討賊自效此皆其詭譎之計
莫若趁該逆首鼠兩端之時卽將其黨與王金奎
設計籠絡使爲我用則將來操縱由我不致爲所
挾制賈臻所陳暫可撫馭等情實非過激該大臣

既知其跋扈不仁更當深慮後患本日復據袁甲
三鈔呈張得勝所錄粵逆余按碇致廬逆偽書與
前所獲苗練致陳逆書參證合觀其心實不足恃
所有粵逆偽書三件均著鈔給閱看該大臣不必
聲張務當廣施方略爲國家謀久遠之策斷不可
稍涉大意貽誤事機現在豫省捻粵交乘西竄泌
陽南趨汝郟登封洛陽尙有地險可扼而新蔡之

賊由汝甯西竄張曜兵力單弱該大臣已抵陳州
卽著派兵前往救援力挫兇鋒宋憬詩忽逃忽回
鄭元善給予口糧令其回皖本屬姑息該大臣所
稱如不恪守營規卽正軍法極有斷制務當密存
於心斷不可稍露形跡致生疑貳

勝保又奏言此次張逆等糾合粵捻各逆圍攻
潁郡分遣王懷義雷燕李廷彥各大股竄踞胡

橋等處阻我進兵之路 臣赴援緊急先解潁圍
再清後路是以未遑兼顧該逆等遂在梅鹿店
一帶攻破民寨三十餘處勢甚披猖雖經鹿太
兩邑團練奮擊大破賊衆殲斃千餘而該逆黑
白藍三旗捻股之衆四出竄擾多方牽掣我師
日肆焚掠亟應派兵剿辦 臣現派副都統明慶
等各帶所部前往進攻會同黃得魁劉效忠等

分路擊勦至圍攻新蔡之賊因潁郡解圍該逆
等聞風膽寒據報數日前亦已解圍而去臣於
槐店途次探聞河南撫臣鄭元善因南汝一帶
有另股捻匪向西紛竄該撫馳赴許州督勦已
將副將楊飛熊等軍由陳州調往協助臣惟有
就大營現有兵力先將陳郡東南等處踞匪勦
除或仍抽身赴潁督勦俟續有辦理情形再行

奏報奏入報

問

會稽書